



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


370.41


E90  
L6

A 467519

LEPSIUS. DE TABULIS EUGENIUS







*Lepsius, Michael*

1563 DE  
**TABULIS EUGUBINIS.**

**DISSERTATIO PHILOLOGICA**

QUAM  
CONSENSU ET AUCTORITATE  
ORDINIS AMPLISSIMI PHILOSOPHORUM

IN  
**UNIVERSITATE LITTERARIA FRIDERICA  
GUILELMA BEROLINENSI**

**AD SUMMOS IN PHILOSOPHIA HONORES RITE IMPETRANDOS  
DIE XXII. M. APRILIS A. MDCCCXXXIII. H. XII.**

IN AUDITORIO MAXIMO  
PUBLICE DEFENDET  
AUCTOR

**CAROLUS RICHARDUS LEPSIUS**  
NUMBURGENSIS

SEMINARIORUM PHILOGICORUM GOTTINGENSIS ET BEROLINENSIS OLIM SODALIS, SOCIETATIS PHILOGICAE GOTTINGENSIS SOCIUS.

---


OPPONENTIBUS:  
OTT. GOESCHEN, Doct. Iur.  
FRID. KAEMPF, Doct. Philos.  
IUL. GOTTHEIMER, Cand. Philol.

---

**BEROLINI**  
TYPIS ACADEMIÆ REGIAE SCIENTIARUM.

---

**MDCCCXXXIII.**



*Saturn  
allan*  
12-31-41  
44515

## HISTORIA TABULARUM.

---

Quum studiorum academicorum varietate et Viri summe Venerandi tum egregio exemplo, tum privata, qua gaudebam, exhortatione primum deducerer ad Tabulas Eugubinas, insigne illud veteris Italiae monumentum, curiosius inspiciendas, et quem fructum hucusque litterae inde percepissent, considerarem: fabulantem sane credidisse, qui mihi diceret, quantum tempus, quantosque labores doctissimi quique suae aetatis homines iam perdidissent in his septem laminis explicandis. Quae enim O. Muellerus in praeclaro de Etruscis opere paucis in paginis de lingua tabularum egregie disseruit si exceperis, praeterea nihil, quod esset memoria dignum, usque ad hoc tempus per quatuor fere saecula erutum esse, iure aliquis dixerit. Quod si verum est, nonnullis operam potius ludere videbor, quam, quae res expostulat, curare, si nihilo minus Historiam Tabularum praemittere lubet. Verum tamen, praeterquam quod ad absolutionem meae qualiscunque in hoc monumento positae operaे pertinere videtur, ut, quo tempore et quo loco tabulae repertae sint, referam, quique homines et qua fide vel universas tabulas, vel partes

[1]

Ls

ediderint, diligenter recensem, praeterea id quoque operae pretium fore putavi, paucis exponere, cuiusmodi fuerint singulorum istorum his in rebus studia et labores. Nam sic demum sperare licebit, me assecuturum, ut, quod dixi, paene nihil dum haec studia profecisse, id non aut minus vere, aut adrogantius dixisse aliis videar: sic etiam mihi contigerit, ut, quibus ex caussis ita factum sit, et quid ipsi mihi in disputatione mea potissimum evitandum, quid entendum sit, statim ab initio lectori copiam suppeditarum diiudicandi. Quod si vel in universa tractandi ratione, vel etiam in consilio, quid tandem ex illo monumento eruere cuperem, proposito, rectius quid vidiisse videar illis hominibus, quorum operam iam recensere in animo est, id neutquam in mea laude ponendum, sed omne accensendum esse quum litterarum, quem hodie omnino consecutae sunt, feliciori statui, tum illis in primis viris maxime colendis, quos praeceptores mihi et fuisse et futuros esse semper praedicabo, quidni lubentissime atque ex animo profitear!

Iguvium (<sup>1</sup>) Umbrorum fuit urbs haud ignobilis (<sup>2</sup>) circa viam Flaminiam (<sup>3</sup>) ad Apennini montis

---

(<sup>1</sup>) Hodie *Gubbio* appellatur, in Delegatione Urbinate Status Ecclesiastici.

(<sup>2</sup>) Vide Cic. pro Balb. c. 20. Ep. ad Att. VII, 13. Caes. B.C. I, 12. Liv. XLV, 43. Sil. Ital. VIII, 460. Plin. H. N. III, 14. XV, 7. XXIII, 49. Ptolem. Strab. V. De posteriore Iguvii historia vide Reposati: Della Zecca di Gubbio, in Bologna 1772. 4. et Guernieri Berni, qui scripsit Annales patriae suae ab a. 1350. ad a. 1472. in Script. Rer. It. Vol. XXI. p. 919.

(<sup>3</sup>) Plin. H. N. XXIII, 49.

radices occidentem versus sita, cuius cives, posteaquam Umbria Romanorum potestati subiecta est, inter xv populos Umbriae relatos legimus (<sup>4</sup>). In vicinis montibus olim metalla exercebantur, si quae Passerius (<sup>5</sup>) de venis aeris suo tempore denuo detectis refert, iis fides habenda (<sup>6</sup>): multique Iguvinorum numi ibidem reperti demonstrant, proprias hanc urbem habuisse monetas. Non procul ab urbe in montis praerupto loco exstructum fuit sacrarium Iovis Apennini (<sup>7</sup>), in cuius vicinia incola pagi cuiusdam (La Schieggia) complures tabulas aeneas reperisse fertur, quae adhuc in urbis tabulario adservantur. Annum, quo repartae sint, a Conciolo (<sup>8</sup>) primo notatum reperio, neque, cur Passerius vulga-

(<sup>4</sup>) Singula nomina xv populorum exhibentur in Inscr. ap. Gu dium p. CKVII, 4. et in alia, quam edidit Franciarini in Opusc. Scientif. T. VII. (1732) p. 247: Amerini, Assisinate, Foro Flaminenses, Fulginates, Hispellates (ap. Gu d. Hispellenses), Iguvini, Interamnates, Mevanates, Narnienses, Nucerini, Oriculani, Spole tini, Trebiates, Tudertini, Vettonienses. Cf. Gu d. p. DCLXXXII, 7. Commemorantur Umbriae *populi* iam a Livio (IX, 41. XXVIII, 45.). Quam divisionem ad occidentalem tantum terrae partem, non ad agrum quoque Gallicum spectare, appareat ex nominibus supra adscriptis, Niebuhr (H. R. ed. III. T. I. p. 162.) licet aliter statuente. Sappinia *tribus* (Liv. IX, 41.) ad Sennones pertinuit, et *plaga* Materina (Liv. XXXI, 2.) fortasse non tam ad terrae, quam ad exercitus partitionem referenda.

(<sup>5</sup>) *Paral. in Dempst.* p. 169.

(<sup>6</sup>) Vde Muell. Etr. T. I. p. 242. et, qui confirmat Passerii sententiam, Reposati: Zecca di Gubbio T. I. p. 10.

(<sup>7</sup>) Plura vide ap. Passer. Paral. p. 241 sqq.

(<sup>8</sup>) Antonii Concioli annotationes in Statuta civitatis Eugubii. Maceratae. 1673. Repetit. in eiusd. Opp. 1729.

tam famam in dubium vocaverit, iustum perspicio caussam. Imo vero integra adiuciam verba Concioli, quippe qui omnium primus plura verba faciat de tabularum inventione, ac talia quidem, ut satis aegre in Passerii adducar sententiam, nonnisi vanas eas opiniones esse.

,,Iguvium, sit, regia sedes Umbriae fuit. Id confirmat praeter ea quae referuntur, etiam Regium sepulcrum (<sup>9</sup>), quod nomine Mausoleum, miroque constructum artificio temporum adhuc edacitati repugnat; confirmat veterimum Theatrum (<sup>10</sup>): confirmant *novem* aheneae Tabulae, fama per celebres, ac litteris ac sententiis nemini cognitis exaratae, quae totius orbis, nedum Italiae antiquissima creduntur monumenta. Anno 1444 hasce Tabellas ex aere purissimo fortuna detexit in *subterranea Concameratione* miris emblematis tessellata; quae quidem egregio picturatur artificio ut Regalis aulae specimen praebeat, apud Theatrum, hoc est in planicie, *ubi antiquitus sedebat Eugubium* (<sup>11</sup>). Atque illae notissimum sibi nomen compararunt apud eos, qui vetustate cognita delectantur, multique crediderunt, leges ibi cælatas esse primorum Règum. *Centesimus trigesimus*

(<sup>9</sup>) Vide Gudii Mus. Etr. T. III. Diss. II. c. III. p. 79-81. repraesentat. Cl. II. tab. IV. De alio Iguvinorum sepulcro vid. ibid. p. 99. in Diatribe Passerii, repraes. Cl. II. tab. XVIII.

(<sup>10</sup>) Bibl. Italique T. VII. Art. IV.: Plan de l'ancien Théâtre d'Eugubio.

(<sup>11</sup>) Cf. Jacobilli Diss. dell' Umbr. in Vit. de' SS. di d. Provinc. T. I. p. 13. 562. Franciarini in Racc. d'opusc. scientif. T. VII. p. 63.

*tertius agitur annus, ex quo illarum duae Venetii in Armamentario Ducalis Palatii inter rarissima custodiuntur, tanquam pretiosa caligantis sed pulchrae antiquitatis monumenta, ac Tabulae Eugubinae vocantur. Delatae fuerunt in eam urbem a clarissimo viro, ut nobilibus eorum temporum Antiquariis traducerent interpretandae, et licet brevi remittendas fuisse promiserit, nec brevi, nec ullo unquam tempore redierunt in societatem aliarum septem, quae in secreto Palatii Communis Archivio asservantur.”*

Haec Concioli verba, maximi sane, si tamen vera sunt, momenti, nullam, si quid video, scriptoris redolent fallaciam, neque vero deceptam credulitatem; imo, non obiter eum' investigasse in Iguvii antiquitates, etiam reliqua illa praefatio alicui persuaserit. Bonarotae, docto subtilique homini, ubi multa disseruit de Tabulis Eugubinis (<sup>12</sup>), nihil eorum, quae Conciolo scripta refert, in suspicionem venit, quamquam et hunc accuratius in has res inquisivisse ex eius scriptis appareat. Nihil uterque aliquique (<sup>13</sup>) multi harum rerum indagatores compertum habuerunt de solemnibus illis emtionis litteris, in secretiore tabulario ad hunc diem adservatis, unde Passerius, qui primus eas evulgavit, omnem fidem Conciolo derrogandam esse existimavit. Quae res quum gravior nobis videatur, quam ut nostro iudicio soli confidere velimus, hoc emtum quoque quomodo a Passerio (<sup>14</sup>) vulgatum sit, integrum reddere liceat.

---

(<sup>12</sup>) In *Explicc. ad Dempst. Etr. Reg. add. p. 102 sqq.*

(<sup>13</sup>) Commemorat de iis Maffei Oss. Lett. T.V. p. 330.

(<sup>14</sup>) *Paral. p. 244.*

,,Ex Libro Reformationum Civitatis Eugubii ab anno 1453 ad 1457 p. 132.

Eisdem anno, Indictione, et Pontificatu, die vero 25. Augusti. Actum Eugubii in sala superiori Palatii Residentiae Magnificorum DD. Confalonerii, et Consulum dictae Civitatis, praesentibus Ser Petro Ferodi et Baptista Fulginen Lutii Testibus mihi Cancellario notis ad haec habitis, vocatis et rogatis.

Paulus Gregorii de Sig., habitator Eugubii per se, suos Haeredes et Successores et vice et nomine Presentinae Filiae olim Francisci Vici Maggi, et D. Angelae Uxor d. Pauli, pro qua Presentina dictus Paulus de rato promisit etc. dedit, tradidit, vendidit, cessit et concessit Magnificis DD. Confalonero et Consulibus dictae Civitatis et mihi Guerrerio Cancellario infra scripto recipientibus pro dicto Communi *Tabulas septem eburneas variis litteris scriptas, Latinis videlicet et Aegyptiis ad habendum, tenendum et possidendum etc. et quod dicto Communi deinceps placuerit faciendum etc.* Et hoc fecit dictus Paulus nominibus ut supra, quia praefati magnifici DD. et Antonius Guidutii Sindicus et Procurator dicti Communis substitutus a Francisco Nicolai, pro ut de dicta substitutione etc. dicitur apparere manu Ser Iacobi Matthaei de Urbino olim Cancellarii, cuius consensu, licentia et voluntate praefatorum Magnificorum DD. vendidit, tradidit, cessit et concessit, consignavit, assignavit, stabilivit et firmavit dicto Paulo accipienti pro se et vice et nomine Presentinae *Gabellam Montium et pascuorum communis dictae Civitatis Eugubinae consentien.* Vendi etiam eius *fructus, redditus*

*et proventus pro biennio, proxime futuro, incoan. die prima mensis Ianuarii, proximi futuri anno 1457 etc.* et hoc fecit dictus Antonius Sindicus ante dictus *pro pretio et nomine pretii dictarum Tabularum*, qui Antonius et Paulus nominibus ut supra fecerunt hinc indefinitionem, quietationem et pactum perpetuale de ulterius non petendo unus alteri, et alter alteri etc. renunciantes etc. ad poenam dupli etc. iuraverunt etc. promiserunt etc. obligaverunt etc.”

Quam emtionem quum a. 1456 factam esse, eundemque tunc fuisse numerum tabularum comperiamus, quem adhuc servari scimus in secretiore Tabulario, iure Passerius Concioli opinionem explodere videtur, ex qua a. 1540 duea tabulae Venetias asportatae neque unquam redditae fuerint. At quamvis mihi non integrum sit iudicare, quatenus huic emtioni fides recte tribui possit — id enim iis relinquendum, qui scripturam ipsam possint examinare — id tamen iure aliquis miretur, qui fieri potuerit, ut tam insolenti tamque immoderato pretio has tabulas redimendas duxerit civitas Eugubina, tempore, quo nulla dum suspicio subvenerat, ad ipsas res veterum Iguvinorum eas pertinere, quo ne legere quidem potuerunt. Accedit autem, ut omittam, tabulas hasce „ex aere fusili ac deinde ad firmitatem malleato” constantes in illis litteris mire sane *eburneas* appellari, id quod, nisi scribae fuit error, qui *aheneas* legere debebat, alioquin explicari satis nequit: accedit igitur, quod reapse plures olim exstitisse tabulas, quam septem, et Passerius iam suspicatus est, et infra verisimile reddetur. Quodsi septem tabulae nulla

festinatione laesae, nulla vastatione aliave disturbance  
tione contritae, fractae, dissipatae, sed in subterra-  
nea concameratione prope Iovis templum antiquum  
una repositae, integrae omnes et fere nitidae repe-  
riuntur, nonne ut ad numerum quoque integrae re-  
periantur, res quasi ipsa flagitare videtur? Sed, ut  
diximus, incertam hanc rem relinquimus. Gratissi-  
mum sane faceret, qui ita de re decideret, ut, ubi  
terrarum illae duae tabulae etiamnum laterent, id  
exploratum indicaret.

Sunt etiam, qui *octo tabulas* repertas referant,  
ut Smetius, Gruterus, Merula. Quos quidem  
in errorem duxisse videtur tabulae tertiae Dempste-  
rianae pars ea, quae Latinis litteris inscripta est (<sup>15</sup>),  
quam alii quippe diversam a reliqua tabula Etrusce  
scripta, octavam appellarunt tabulam, alii, ut ipse  
Gruterus, ad Eugubinas eam pertinere ne noverunt  
quidem. Et haec de inventione ac numero.

*Exemplaria tabularum descripta* compluribus in  
locis adservantur, quorum unum *Romae* (<sup>16</sup>) alterum  
*Cortonae* (<sup>17</sup>) adservari relatum lego.

---

(15) Minus enim probabile, quod Bourguet. Bibl. Ital. T. XIV.  
p. 2. suspicatus est, tabulam istam Faliscam inter Eugubinas nume-  
ratam esse, quam a Ligorio suppositam esse, manifeste demonstravit  
Olivieri in *Esame del Bronzo Lerpiriano*. Pesaro. 1771., Lanzio  
quidem in Saggio T. II. p. 538. leviter adhuc repugnante.

(16) Vide Muratori Nov. Thes. T. I. p. xxv. Olivier ill. p. xi.

(17) Vide *Saggi di Diss. Accad. Corton.* T. I. Praef. p. x.: Si  
possono veder fin da quest' ora nel nobil *Museo posseduto dall'*  
*Accademia* fra etc. oltre un raro Esemplare delle citate *Tavole di*  
*Gubbio*, impresso nelle Originali medesime per cura del Sig. Cap-  
poni Fiorentino.

**Memorasse autem de tabulis primus a Maffeo (18)** dicitur Stephanus Cremonensis in Vita S. Ubaldi. Quem librum quum ipsi mihi inspicere non licuerit, statim pergo — ut taceam de epigrammate Iacobi Taurelli (19) — ad opusculum Augusti Steuchi (20) Eugubini, Episcopi Kisami, quod eo ipso anno 1540 in lucem editum est, quo duae tabulae Venetias missae feruntur. Sub finem huius libelli vetustatem urbis declarare dicit „Mausoleum extra moenia et Theatrum: tum *complures tabulas aeneas* repertas in agris, litteris incognitis incisas, quas hucusque legere potuerit nemo: tum *tegulas sepulcrorum* (21) *eisdem litteris impressas* ab aratore inventas.” Aliorum his de rebus scripta, ut Gabriello Gabrielli Comitis (22), Sanctis Marmochini (23), Pyrrhi Ligorii (24) nunquam in vulgus edita videntur.

Iam igitur Smetius nominandus, qui a. 1565

(18) Maff. Oss. Lett. T.V. p. 330.: Il primo libro che le nominasse fu la *Vita di S. Ubaldo*, data fuori nel 1520 dal Padre Stefano di Cremona, Canonico regolare, il quale v' inserì ancora quel pezzo della terza tavola che incomincia *Claverniur Dirsas*.

(19) Bonar. in Add. ad. Dempst. Etr. Reg. p. 102., qui ipsum exhibuit, ante a. 1540 id scriptum esse conclusionem facit inde, quod septem in eo dicuntur tabulae *Etruscis* notis exaratae.

(20) *De nomine Iguvü*. Lugduni. Répetit. in Opp. T:III. Par. 1577.

(21) Nihil, quod sciam, amplius de his tegulis innotuit.

(22) Floruit sub fin. saec. xv. cf. Racc. d'opusc. scientif. T.VII. p. 63. et Bern. Bald. Divin. in Tab. Eugub. p. 2.

(23) Floruit circa med. saec. XVI. et scripsit Dialogum lingua vernacula: *Defensione della lingua Toseana*. Vide Bonarqt. p. 29.

(24) Vide Muratori Nov. Thes. T.I. p. 25.

absolvit *Inscriptionum Antiquarum librum* (25), quem postumum edidit I. Lipsius a. 1588. In huius fol. xxxviii. b. haec scripta leguntur:

„Eugubii in Umbria repertae fuerunt ante aliquot annos tabulae *octo* aeneae; quarum una litteris, ut videtur, Graecis inversis, linguaque, ut quidem autumant, Aeolica. reliquae vero, litteris quidem Latinis, sed lingua, ut putatur, Hetrusca scriptae sunt. Prioris exemplum hoc est.” Adiicitur tabula apud Dempsterum prima, Etruscis sed iis rudioribus litteris exarata. Deinde subsequitur prima Latina tabula, eaque rectius, quam a Bonarota disposita, his supra scriptis verbis: „Tabulas hasce ambas Iohannes Metellus Burgundus vidi et exscripsit, quas etsi nemo plane intelligit, quia tamen de rebus sacris agere quidem crediderunt, ideo hoc loco ponendas esse existimavi.” Quas a Dempsterianis diversas exhibet lectiones, pleraque nullam fidem habent.

Hae duae omnium primae in Germania evulgatae tabulae per saeculum integrum et dimidium solae fere innotuerunt, usquedum ad Dempsteri Etruriam Regalem pateret aditus. Repetit easdem tabulas cum eadem Smetii adnotatione Gruterus in opere suo a. 1601 primum edito: *Inscriptiones antiquae tot. orb. Rom. in corpus absol. redactae ingenio ac cura I. Gruteri, auspic. I. Scaligeri ac M. Velseri.* Vol. II. p. cXLII. Subiungitur tamen p. cxLV. pars illa

---

(25) *Inscriptionum Antiquarum quae passim per Europam liber.*  
Accessit Auctarium a I. Lipsio. Lugd. Batav.

tabulae tertiae Latine scripta, cuius exemplum sibi adquisivit ex Bembi bibliotheca, non ex ipsa tabula, ut docent, quae adscripsit: „Praecedenti tabulae similis et ista, quae in Bembi bibliotheca Patavii.” Nec meliorem harum rerum habuit notitiam P. Merula in Cosmographia (<sup>26</sup>), imo auget errorem, dum refert, unam ex tabulis Eugubinis litteris Etruscis, ceteras septem Latinis inscriptas esse. Exhibit deinde initium Etruscae tabulae, cuius vel litteras explicare studet, timidior tamen, ut ipse dicit. Subiungit denique priores versus Latinae tabulae.

Iam alterum ad finem vergebant saeculum, ex quo tabulae repertae, at nemo dum periculum fecerat unius tantum verbi explicandi. Quod Bernardinus Baldus aevi sui doctrina, ut ipse ait, indignum existimans, suscepit primus „*Divinationem in Tabulam aeneam Eugubinam lingua Hetrusca veteri perscriptam*,” quam ad amicum M. Velserum missam, ille Augustae Vindelicorum a. 1613 edidit. Praemisso alphabeto Etrusco exhibetur ipsa tabula Etruscis, deinde Latinis litteris transscripta, cuius initium cum ipsa interpretatione Baldi adscribere licet, quo lector ipse possit perspicere, cuius generis sit haec divinatio. Quae hodie sic leguntur:

Purtuvitu: erarunt: struhflas: eskamitu: aveitu:  
inumek: tertiam: spanti: triia: tefra: prusekatu:  
e¶ek: supru:  
eadem legit Baldus:

(<sup>26</sup>) Cosmographiae general. lib. tres etc. 1650. P. II. lib. iv.  
c. XIII.

Rudfucifu: edadunf: sfduoblas: eskamitu: aceifu:  
 inumek: fedfiama: sranfi: fdiafegda: rdusekafu:  
 epek: surdu:  
 et interpretatus est:

Rex noster: Dominus noster: sfduoblas: excitator  
 noster: pater noster: et legislator: liberatrix no-  
 stra mater: Domina nostra: Fdiafegda: Contri-  
 tionem nostram: educendo: propulsaverunt:  
 Nonne mireris cum Catone (<sup>27</sup>), quomodo horum  
 haruspicum alias, quum alii obviam fieret, potuerit  
 risum tenere? Post commentarium autem, qui sin-  
 gulas voces explicare studet, sub finem eiusdem li-  
 belli se cupere dicit Baldus noster aliquid in me-  
 dium adducere de iis, quae ad tabulae historiam  
 pertineant, sed quum ea obscurissima sint et *penitus*  
 extra ipsius cognitionem posita, audacissimi se pu-  
 tare ingenii, quipiam ea de re *certi* profiteri.

Sequenti anno liber editus est Ypris Adriani  
 Scrieckii: *Van 't Beghin der eerster Volcken van  
 Europeen, in-sonderheyt van den Oorspronck ende Sae-  
 ken der Neder-Landren, XXIII Boecken etc. beschreven  
 door Adriaen van Scrieck, heere van Rodorne. t'Ypre  
 1614. fol.* — In huius operis lib. I. p. 32. exhibet  
 auctor alteram tabulam Latinam, cuius exemplum  
 Parisiis olim se accepisse refert a viro quodam cla-  
 rissimo, qui Roma attulerit. De Eugubinis tabulis  
 nihil compertum habuit. In hoc vero monumento  
 antiquissimam latere suspicatur linguam Belgicam,  
 id quod demonstrat videlicet initio tabulae: *Suru-*

---

(<sup>27</sup>) Cic. de divin. II, 24.

*ront . pesnimumo . sururont . deitu . etaias . eno . prinua-  
tur . simo . etuto . erafont . via . pora . benuso .*, quod  
ita explicat ad verbum translatum: *Tsur uron wes  
nimor, tsur uron, tie doe iet aafs. In bring water.  
Tsie moedoet, er-af, und wyd voor wend-vus, vel  
ut Belgae suo tempore pronuntiaverint: Ter vren  
sy niemant, ter vren, die doe yet aefs. In bringe  
water. Indien mesdoet, hieraf, ende wyt voor wende  
vuyt* (Hac hora sit nemo, hac hora, qui faciat quid  
sinistri. Intro ferat aquas. Si male faxit, hinc deorsum,  
procul, forasque sese avertat). Sed vereor iam,  
ne prolixior fuerim in proferendis his ineptiis. Gra-  
tius sane fecerim, qui adiicere possim, accuratissime  
tamen tabulae exemplum exscriptum reperiri, ut,  
quae variantes lectiones vel levioris momenti depre-  
henduntur, eas diligenter notandas duxerim.

Thomas Dempsterus, qui iam a. 1619 prae-  
clarum suum De Etruria Regali absolverat opus, no-  
verat quidem nostras tabulas, easque commemorat  
in lib. I. c. xx., sed Etruscae linguae monumenta  
existimans ne syllabam quidem se intelligere profi-  
tetur. Annis demum 1723 et 1724 post integrum  
saeculum, ex quo scriptum fuit, hoc opus edendum  
curavit Thomas Coke sive Comes de Leicester et  
permultis Etruscorum monumentis accuratissime de-  
lineatis locupletavit Philippus Bonarota. Quod  
quum ab hoc ipso tempore omne Etruscarum litterarum  
studium novam quasi vim atque impetum ce-  
pisce videatur, huius rei non levissimam caussam  
praeter alias eam quoque exstisset suspicor, quod  
inter illa, quae Bonarota exhibuit monumenta, etiam

Tabulae Eugubinae tandem aliquando omnes et universae suis quaeque litteris, iisque ad ipsum archetypum diligentissime expressis, in medium proferebantur. Quod me non temere credidisse, ii, puto, mihi concedent, qui sciunt, omnia fere, quaecunque de Etrusca litteratura atque lingua doctius indoctius deinceps disputata sunt, a Tabulis Eugubinis, tanquam a largissime scatente fonte, profecta atque repetita esse, ita ut historia tabularum iam facta paene videatur historia litterarum Etruscarum. — Quod vero ad fidem huius exempli attinet, affirmat ipse Bonarota, „archetypo similes diligenterque emendatas se exhibere tabulas, quum in omnibus, praeterquam in characterum magnitudine, formis quibusdam respondeant, super ipsis tabulis impressis, quas iamdiu ad ipsum transmiserit Bonaventuri, Montis Physconis Episcopus et novissime Mancinforte, Archiepiscopus Neapolitanus.” Neque id ex vano gloriatus est, sed in rebus vel minutissimis ubique tale expertus sum hoc exemplum, quale ille promisit (28). Itaque maximae semper nobis erit auctoritatis. Quae in Additamento Bonarota de tabulis adnotat, non ita multa, sed apte et considerate dicta sunt. Ipse iam suspicatur, non Etruseorum, sed Umbrorum opus esse, acute animadvertis, nulla hic obversari, quae frequentia in Etruscis monumentis, verba in al desinentia. In al-

---

(28) Maff. *Oss. Lett.* V. p. 331. „Quivi sono stampate così fedelmente, che il veder la stampa è quasi come veder gli originali. Felice lo studio dell' antichità, se tutti i monumenti fossero stati pubblicati con ugual diligenza. La forma delle lettere è perfettamente imitata, e si può dire, che non c' è quasi lettera in falso.”

phabeto constituendo nonnullos Baldi errores emendavit, et argumentum (<sup>29</sup>) „Communes cum populis finitimi pactio[n]es” putavit.

Hactenus Bonarota, qui (p. 101.) etiam *Curzio Inghiramio* (<sup>30</sup>) quippe in malae et deploratae caussae argumento erudite versatum laudat. Novit hic tabulam solam à B. Baldo editam, quem nihil in tabula intellexisse, neque quidquam ipsum se scire, facile poterat demonstrare.

Iam vero intra paucos annos prodierunt homines omni suae aetatis doctrina eruditissimi, Bourguetius, Gudius, Gorius, Olivierius, Maffeius, Passerius, Lamius, al., quorum omnium fere certamen exstitit in re, quae iam patriae magis quam litterarum caussa redditia videbatur.

Ex his Ludov. Bourguetius, tametsi permulta quae de argumento tabularum investigasse sibi visus est, prorsus vane fabulatus est, unum tamen primus vedit, unde vere novum cepit incrementum tabularum exploratio. Observavit nimirum, tabulis duabus Latine perscriptis unam Etruscarum respondere. Quorum comparatione facile erat cognoscere, quae Etruscis signis mirifice adhuc vexatis et perperam intellectis dignitas et pronuntiatio recte conveniret. Et quamvis non pauca sint, quae in alphabeto suo Etrusco emendanda aliis reliquerit, maxima tamen ex parte etiamnum rectum atque exploratum haberi potest. Tres his de rebus dissertationes inseruit operi, quod

(<sup>29</sup>) p. 107.

(<sup>30</sup>) *Discorso di Curzio Inghirami sopra l' opposizioni fatte all' Antichità Toscane.* Tratt. VII. Risp. 140. Flor. 1645. 8.

inscriptum est *Bibliothèque Italique ou Histoire Littéraire de l'Italie, primam* in T. III. (31), in qua tabulam Faliscam et tabulae Eugubinae tertiae (apud Dempst.) eam partem, quae Latinis litteris conspicitur, pertractat. Verba exhibit ad Gruteri exemplum, quum Dempsteri opus nondum in manibus teneret (32), et integra vertit Latine et Francogallice. In *altera* dissertatione T. XIV. (33), quae a. 1732 in lucem prodiit, explicationis, quam promiserat (34) Eugubinarum tabularum, primam iam exhibit partem, Gruterianam tabulam Latinam integra interpretatione nec paucis adnotationibus instruens. Pelasgorum hic invenisse sibi visus est in tabulis lamentationes, quibus illi duabus aetatibus ante bellum Troianum fortunam suam comploraverint, quum fame et peste omniq[ue] pernicie absumerentur, teste Dionysio (35). *Tertiam* denique dissertationem, quam a. 1733 de alphabeto Etrusco perscripsit, editam vires in T. XVIII. (36) (1734) eiusdem operis, quae quid sane expediverit, quum supra enarrarim, non est, quod diutius immorer, praesertim quum ipse satis ampla sui praedicatione defunctus alium quemque hoc munere liberasse videatur.

(31) Art. VIII: Lettres sur deux prétendues Inscriptions Etrusques à Ms. le Marquis Scipion Maffei à Vérone. 1728.

(32) Ibid. p. 202.

(33) Art. I.: Litanies Pélâges des Anciens Habitans de l'Italie. Première Partie, Avertissement touchant les Tables Eugubines.

(34) Tom. III. art. VIII. p. 200.

(35) Dionys. Halic. lib. I. c. 23.

(36) Art. I: Lettre sur l'Alphabet Etrusque à Ms. Ernest Comte de Harrach etc.

Vestigia premit Bourguetii Fr. Gorius in Museo Etrusco (37), quod ipsum initium capit a Tabulis Eugubinis. Repetit illam „Carminis lamentabilis” historiolam ab amico prolatam, repetit illas captationes verborum similium e Graeca, variisque Orientalibus linguis conflatorum: unum tantum de suis addit, versibus hexametris haec lamenta perscripta esse (38). Verum emendat in paucis alphabetum Bourguetii (39) et praeterea — id quod nobis omnium gratissimum fecit — tabulam apud Dempsterum secundam profert „ex archetypo, charta epigraphice in eo diligenter impressa, desumptam, quam cum ipso communicavit Franc. Victorius et quam buxeae potius tabulae, quam aereae incidendum curavit diligenter, quia melius ita litteras archetypis simillimas repraesentari posse censuit.”

Bourguetii denique sententiam partim ut ingeniosissimam miratur, partim satis acute impugnat *Annibale degl'Abati Olivieri*, qui, postquam in T. I. Dissertationum Cortonensium (40), quae ille de alphabeto Etrusco scripsit, in linguam Italica conversa repetiit, in T. II. (41) etiam priores duas Bourguetii dis-

(37) *Museum Etruscum, exhibens insignia Veterum Etruscorum monumenta aereis tabulis CC, nunc primum edita et illustrata observationibus Antonii Francisci Gorii.* Vol. I. Flor. 1737. cf. Vol. II. p. 403. seqq.

(38) p. 387.

(39) Cf. etiam, quam peculiarem edidit de eadem re Gorius dissertationem: *Difesa dell' Alfabeto Etrusco.* 1742.

(40) *Saggi di Dissertazioni Accademiche etc. di Cortona.* T. I. in Roma. 1742.

(41) *Saggi etc. T. II. in Roma.* 1738. Diss. I. di Annibale d. A.

sertationes Italice redditas inseruit, cum sua tamen adnotatione, in qua quum alia Bourguetio prolata emendet, primus (<sup>42</sup>) etiam vidit, comparato numo Iguvinorum, quem apud Dempsterum (<sup>43</sup>) repraesentatum vides, vocem in tabulis frequentissimam: *Iku-vina, Iiovina* non cum Bourguetio explicandam esse: *iuentus*, sed ad ipsam urbem Iguvinorum spectare, ita ut iam non amplius Eugubinae, sed Iguvinae appellari potuerint tabulae.

Longe severiore ingenio accedit ad rem Maffei in Observationibus Litterariis (<sup>44</sup>), qui acerrimis sane, neque vero iniquis armis impugnat illas Bourguetii, Gorii inficetas hariolationes, permultaque disputat, unde vere criticum eum cognoscere possis.

Paucis annis post subsecutus est Io. Lamius, de quo, quum Litteras eius Gualfondianas (<sup>45</sup>) a. 1742 in lucem editas ipsi mihi inspiciendi copia non fuerit, relegasse iuvabit ad Lanzium (<sup>46</sup>), qui hunc librum iudicat „un opera fatta per giuoco; ma che contiene ottime riflessioni e ingegnosissimi raziocinj su la lingua etrusca.”

Maiores adsecuta sunt celebritatem atque auctoritatem, quae nostra in caussa satis copiosus pro-

---

*Olivieri sopra alcuni monumenti Pelasgi diretta al Sig. Marcello Franciarini. Pesaro. 1735.*

(42) p. 17.

(43) *Etr. Reg. tab. LIX, 4.*

(44) *Osservazioni Letterarie, che possono servir di Continuazione al Giornal de' Letterati d' Italia. T. V. in Verona 1739. T. VI. ibid. 1740. Vide in primis T. VI. p. 85. seqq.*

(45) *Lettere Gualfondiane del Signor Clemente Bini. 1742.*

(46) *Saggio di Lingua Etr. T. I. p. 11. 13.*

tulit Passerius, iure, si dicendum, quod sentimus, prorsus nullo. Primum se ad cinxerat ad tabulas interpretandas in *Litteris Roncaliensibus*<sup>(47)</sup>, in quibus post Bonarotam secundus exhibuit universas tabulas, neque vero suis quamque litteris, sed quoad legere poterat, vel non poterat, litteris omnes Latinis. In dispositione tabularum profecit Bourguetii<sup>(48)</sup> observatione de rectius disponendis tabulis iv. et vi. Adiunxit<sup>(49)</sup> recensum verborum in Tabulis Eugubinis repertorum, recte perspiciens, quantae his studiis esse possit utilitatis. Simul vero omnem suo labore subduxit utilitatem, qui neque ad unum omnia notaverit vocabula, neque eorum, quae protulit, omnes locos, ne dicam de permultis vocabulis aut perperam lectis aut non recte divisis. Repetit tabularum exemplar, in paucis quibusdam emendatus, in *Paralipomenis*<sup>(50)</sup>, quae praeter peculiaria quedam capita<sup>(51)</sup>, perpetuum omnium tabularum commentarium exhibent. Accedit autem haec interpre-

(47) Raccolta d' opuscoli scientifici e filologici (quam edid. D. Angiolo Calogerà) T. XXVI. in Venezia. 1742. p. 237 - 394. *Continuazione delle Lettere Roncagliesi di Giovanbattista Passeri*, scritte dalla sua Villa di Roncaglia al Sig. Ann. d. Ab. Olivier, nelle quali si spiegono parecchi passi degli Indigamenti Pontificali degli Antichi Iguvini, detti communemente Le Tavole Eugubine. Lettere XIII. XIV.

(48) Bibl. Ital. T. XIV. p. 20.

(49) p. 289 - 344. Paral. p. 323 - 331.

(50) Io. Baptistae Passerii in *Thomae Dempsteri libros de Etruria Regali Paralipomena. Lucae*. 1767. p. 239 - 331.

(51) p. 249: *De Diis et Sacrificiis Iguvinorum*. p. 256: *De Magistratibus et Sacerdotiis primitiae reipublicae Iguvinorum*.

tandi ratio prorsus ad eam, quam Bourguetius, Gorius, Lamius adhibuerunt, nisi quod Latinae magis favet etymologiae, Maffei hac quidem in re, ut videtur, obsecutus monitis.

Eandem denique, quam Lamius interpretatus erat tabulam, repetiit etiam Bardettius<sup>(52)</sup> suam ipsius adiiciens praeterea interpretationem, qua id potissimum evicisse sibi videtur, nihil his in rebus proficere posse, nisi qui Gallicae Germanicaeque linguae sufficientem sibi comparaverit scientiam.

Ludovicus Lanzius<sup>(53)</sup>, ut omnes, quicunque ante ipsum his in studiis operam aliquam collocaverunt, summa pariter doctrina atque ingenio haud vulgari multum sane superat, ita, qua etiam modestia et promissorū moderatione fuit, ipse in principio<sup>(54)</sup> operis sui, merito celebratissimi, ingenuē profitetur, se hunc librum scribere, non quo se speret Etruscam linguam ab omni parte illustraturum esse, sed ut conferat ad hunc finem monimentorum plenissimo recensu et quantum fieri possit, accuratissima descriptione. Qua promissione eum non plus in se recepisse, quam praestitisse, nemo, puto, erit, quin lubenter confirmet. Quodsi nihilominus tamen saepenumero etiam plus praestare tentavit, quam recte promiserat, temporis potius illius

(52) *Della Lingua de' primi abitatori dell' Italia, opera postuma del Padre Stanislao Bardetti. in Modena. 1772. pag. 254 - 284.*

(53) *Saggio di Lingua Etrusca e di altre antiche d' Italia. T. I. II. in Roma. 1789.*

(54) p. 3. cf. p. 770: Questa è la raccolta, in cui, torna a ripetere, sta il maggior pregio del mio libro.

ingenio, quam viro studiosissimo imputandum opinor. De tabulis Eugubinis compluribus in locis considerate disseruit, et quae prolixior ea de re dissertatione totius operis finem facit, partes etiam tabularum ipsarum suis quamque litteris exhibit.

Novam ex eo tempore lucem acceperunt linguarum origines atque naturae, viri extiterunt, qui quum omni doctrinae, tum linguarum maxime perscrutationi novum idque honestius stadium aperuerunt, quam quod praeteriti saeculi vel principibus apertum fuit. Utinam quod magni atque praeclarri hac in rerum conversione vertitur, id non prorsus me fugisse intelligentioribus videatur, quum hanc mihi rem et ea, qua apparebit, ratione tractandam proponerem.

---

## DE LITTERATURA UMBRORUM UNIVERSA.

---

Quum duplēm exhibeant litteraturam, quae ad nostram aetatem pervenerunt Umbrorum monumenta, Latinam altera, altera eam, quam Etruscam appellant, inde maxime in disputatione nostra exordendum videtur, ut inquiramus, quae sit utriusque litteraturae ratio atque dignitas, utrum alterutra Umbbris fuerit magis propria, usitator, antiquior, vel ad pronuntiationem ipsorum aptior, an eodem tempore

idem valuerit utraque. Tabularum nostrarum quinque Etruscis litteris inscriptae sunt, duae eaeque maximaे Latinis, quas etiam nonnulli versus exhibent, qui uni ex Etruscis tabulis adjuncti sunt. Aliarum quoque breviorum inscriptionum Umbricae, ut videtur, linguae, scriptura est Latina, Etrusca vero plurimorum numorū. Quam quidem litteraturae varietatem, ut non in Umbricis tantum, sed in Oscis quoque atque vel ipsis in Etruscis<sup>(55)</sup> monumentis reperitur, ita facile perspicitur, nedum Etruscos, sed etiam Oscos Latina litteratura quasi secundaria usos esse. At quamvis vel linguae reperiantur nonnullae discrepantiae inter monumenta Etrusce atque Latine scripta, nullam tamen hucusque ab aliis prolatam cognovi sententiam de caussis, ex quibus modo hanc modo alteram litteraram veteres maluerint adhibere, sed miro modo omnis generis inscriptiones commixtae, eademque omnes ratione admissae sunt in enucleanda harum linguarum natura. Qua in resi vel magnorum nominum auctoritatibus obniti vi-sus, novam iam sententiam audeo proferre, eo diligentius haec mihi probanda erit, ut lectoribus eam persuadeam, quo maioris per omnem hanc disputationem erit momenti.

Tria sunt, quae in omnibus Italiae monumentis examinandis a quovis tenenda puto, *primum*, Etruscas inscriptiones semper vetustiores habendas esse, quam Latinas, siquidem eodem profectae sint loco: *deinde*, Etruscam quam dicunt litteraram diverso-

---

(55) Vide Lanz. *Sagg.* I. p. 168. sqq.

rum Italiae populorum iis omnibus aequa atque ipsiis Etruscis fuisse propriam et quasi nativam: *denique*, quam inter Etrusce atque Latine scripta eiusdem populi monumenta deprehendas diversitatem litterarum, non litteraturae tantum, sed linguae esse.

I. Per totam fere Italiam reperitur litteratura, quae pariter a Romana differt atque a vulgari Graecorum, quam quum potissimum quidem in Etrusca terra et in Etruscis adh̄ibitam viderent monumentis, Etruscā appellaverunt: quin putaverunt, solis Etruscis eam propriam fuisse, ab hisque propagatam deinde ad ceteros quosque Italiae populos. Ita factum esse, ut neque Umbris, neque Oscis litteratura praesto esset, qua linguae suae sonos possent omnes et integros signis repraesentare, eam enim, quam ab Etruscis mutuassent, non suffecisse.

Idem procul dubio de Romanis monumentis iudicarent, si quae restarent e primis civitatis temporibus. Qualis enim, nisi Etrusca, Romanorum fuisse potest litteratura ante finem tertii ab Urbe condita saeculi, quo tempore scripturam postea Romae vulgaratam maxima quidem ex parte a Magna Graecia profectam esse satis est probabile. (56) An quod Dionysius (57) columnam Servii Tullii inscriptam fuisse

(56) Vide Muell. *Etr.* II. p. 311.

(57) Lib. IV. c. 26: Ταῦτ' ἐδίδασκεν αὐτοὺς, ὡς χρῆ. Λατίνους μὲν τῶν προσοίων ἀρχειν καὶ τὰ δίκαια πράττειν, Ἐλληνας ὅντας, Βαρ-Βάροις.... Ἰνα δὲ μηδεὶς χρόνος αὐτοὺς ἀφανίσῃ, σήλην κατασκευάσας χαλκῆν, ἔγραψεν ἐν ταύτῃ τὰ τε δόξαντα τοῖς συνεδρίοις καὶ τὰς μετασχούσας τῆς συνόδου πόλεις αὐτη διέμεινεν ἡ σήλη μέχρι τῆς ἐμῆς ἡλικίας ἐν τῷ τῆς Ἀρτέμιδος ἱερῷ κειμένη, γραμμάτων ἔχουσα

refert litterarum formis Graecarum, sibi aliquis persuadet, Graecam fuisse? At qualis litteratis temporibus in usu fuit Graeciae, fuisse nequit, atque inter veterrimas Graeciae litteras Etruscasque tanta intercessit similitudo, ut quas Etruscas in columna perscriptas videret, vel docte posset Dionysius Graecas appellare, nimirum οἵς τὸ παλαιὸν ἡ Ἑλλὰς ἔχειτο, ut ipse addit — studuit enim illo in loco, quod totius fere operis fuit consilium, ut Romanos Graeca fuisse origine probaret, quod iam novo litteraturae argumento fulcire sibi videtur —. Id ipsum igitur, quod de Graecis antiquae Romae litteris hic nobis refert, nostram mirum quantum confirmat sententiam<sup>(58)</sup>. Adde quod Plinius<sup>(59)</sup> de vetustissima ilice in Vaticano commemorat, in qua titulus aereis litteris Etruscis religione arborem iam tum dignam fuisse significet. Quid? quod de Romana sui temporis litteratura idem Plinius<sup>(60)</sup> et Tacitus<sup>(61)</sup> notant, ad veterrimam Graecam eam accedere: in quo non omnino reprehendendos duxerim, quum litterae D et V et F et L revera tantum in antiquissimis Graecorum monumentis reperiantur. Tametsi igitur

---

χαρακτῆρας Ἐλληνικῶν, οἵς τὸ παλαιὸν ἡ Ἑλλὰς ἔχειτο. δὲ καὶ αὐτὸ ποιήσατ’ ἀν τις οὐ μικρὸν τεκμήριον τοῦ μὴ βαρύβαρους εἶναι τοὺς οἰκίσταντας τὴν ‘Ράμην’ οὐ γάρ ἀν Ἐλληνικοῖς ἔχειντο γράμμασιν ὅντες βάρθεροι.

(58) Verum iusto plus verbis Livii VII, 3. Polyb. III, 22. Plin. H.N. XXXV, 23. tribuit hac in re Swinton in Diss. de priscis Romanor. litteris. Oxon. 1746. p. 4-5.

(59) H. N. XVI, 87.

(60) H. N. VII, 58.

(61) Annal. XI, 14.

concedo, scripturam Romanam tempore supra dicto eam, quam postea videmus speciem induisse, Graeciae in primis ad pulsu, idem tamen contendō, existisse iam litteraturam, ad quam Graeca potuerit aptari<sup>(62)</sup>, quam Etruscā possis eodem iure appellare, quo Umbrorum Oscorumque: neque tamen ipsam eam fuisse Etruscorum litteraturam, quae neque *d* neque *q* neque *b* aliasque Romanae linguae noverat litteras, sed simillimam tantum Etruscae pariter atque veterimae Graecae: verum etiam scripturam sinistrorum versam fuisse, ut apud ceteros Italiae populos et veterimos Graecos, cuius exemplum haud scio an proferri possit numus, quem Swintonius<sup>(63)</sup> vulgavit, cuius altera in parte Gorgoneum quasi caput, in altera res depicta est, quam Muel-

(62) Nonnullae litterae in antiquissimis Romanorum inscriptionibus magis accedunt ad Etruscas, quam in recentioribus. Vide Lanz. T. I. tab. II. In monumentis Scipionis Barbatī, filiique Barbatī *L* (l) scribitur, in sequentibus huius gentis sepulcris *L*; *L* etiam vides Lanz. tab. II. n. 11. 12. 14. Litteram *P* (Etr. 1, 7) re praesentant P tum tabulae Eugubinae, tum omnes fere apud Lanziūm tabulae II. inscriptiones, *F* n. 14. *M* (a) n. 11. *A* n. 13. et in antiquissimis numis, A T. II. tab. XII. n. 2. 6. cf. Swint. *De prisc. Rom. litt.* p. 10. Quod vero idem l. l. de *r* littera olim non *r* sed *d* scripta concludit ex Prisciani (p. 551.) verbis: „saepe *d* sribentes Latini hanc *r* littera exprimunt sono, ut medidies, hodie meridies” rectius debebat intelligere.

(63) *Philos. Trans.* 1771. p. 87. 92. tab. 3. n. 5. — Cautius tamen proferendi sunt Swintonii numi, quum saepissime descriperit, quos praeter ipsum nemo usquam vidit. Ita solus vedit numum cum inscriptione **VITELIVD**, quae ceteris in omnibus legitur **VIVETI**. cf. quae de aliis eius numis iudicat Eckh. I. p. 265.

lerus<sup>(64)</sup> proram agnoscit et litterae ΛΜΥΨ; rectius quidem huc refertur speculum, quod Lanzius<sup>(65)</sup> re-praesentavit, in quo retrogrado cursu litterarum legitur ΣΟΙΡΥΩΡΙΜ et ΜΟΡΤΥΞΙΔ<sup>(66)</sup>, atque

(64) *Etr.* I. p. 308. not. 114. Etruscum hanc putat urbis Romae significationem.

(65) *Saggio* T. II. tab. XII. n. 2. cf. Müll. *Etr.* T. II. p. 74.

(66) Eadem hic observatur legendi difficultas, quae compluribus in aliis numis. Notissima ponderis aenei est inscriptio ROMA-NOM, quam Eckhel, Lanzi, al. legunt *Romanom* i. q. *Romanorum*, Mueller. *Etr.* I. p. 34. ad exemplum frequentium inscriptionum Graecarum in -os desinentium *Romanos*, i. q. *Romanus* (int. numus), ita ut signum M in medio verbo significet litteram m, in fine s. Tulerit aliquis, si ponitur, formam S nondum in usu fuisse, atque hanc ob caussam unum signum M duabus litteris inserviisse: constat enim, apud Etruscos Graecosque antiquissimos hanc scriptam esse s litterae formam. Atvero haec sententia aliis reprobatur numis, in quorum altera parte conspicitur VOL-CANOM, quam ἐπιγραφήν Muellerus legit: *Volcanos*, in altera AISERNINO, quo docemur, formam S iam innotuisse (vide Combe *Mus. Brit.* p. 19. Mionn. *Descr.* I. p. 107. Avellin. *Ital. vet. num. Distr.* II. p. 17. Perperam sane repraesentat Pellerin. *Rec.* II. pl. VII. n. 2: VOLKANON-AISERNINO cf. Avell. *Giorn. Num.* n. III. p. 33. sqq.) Iam vero aliquis putaverit (Müll. l. l. n. 70.) s litterae signum M retentum esse in syllabis finalibus maxime. Is tamen videat nostrum speculum, in quo scribitur MirqurioS et AlixentroM. Qua intricatiore in causa, quum nihil ausim decernere, Niebuhrio tamen assentire non possum, qui in H. R. T. I. p. 79. not. 218. ed. III. *Romanom* et *Lucanom* genitivos pluralis numeri esse putat, cuius nominativi sint *Romas*, *Lucas*. Quae quidem formae, si quando exstitissent, genitivum casum formare debebant *Romatis*, *Lucatis*. Verisimilius mihi videtur, genitivos esse a Nominativis *Romanus*, *Lucanus*, quum terminatio in -om pro -orum in primis in populorum, numerorum, mensurarum aliisque huiusmodi nominibus quasi haereditate acceptis retineri soleat (cf. Cic. *Or. c. 46.* Schneld. *Gr. L.* II, 1. p. 23. 69.) Satius

alterum apud Lanzium<sup>(67)</sup>, in quo legitur: IVNO,  
IOVE et HERCULE. Quodsi vel Romae olim  
Etrusca valuit litteratura (si licet nostrum sensum huic  
verbo subiicere), dubium esse non potest, quin apud  
reliquos quoque Italiae populos Etrusca fuerit anti-  
quior, Latina postero demum tempore ab his adhibita  
sit, Graecorum Romanorumque in primis potentia atque  
eruditione magis magisque per Italiam invalescente.

II. At si quis propterea, quod aliquando tota  
Italia utebatur litteratura, quae ad Etruscam pro-  
xime accedebat, porro contendit, totam Italiam ab  
Etruscis eam mutuatam esse, praepropere is mihi  
agere videtur. Etenim Etruscae ipsi pronuntia-  
tioni Etruscam litteraturam fuisse convenientissi-  
mam, litterasque *o*, *b*, *d*, *g*, *q*, al. eos neque scri-  
psisse neque pronuntiasse, omnes pro certo habent,  
tum quod inscriptiones non exhibent, tum quod  
veteres<sup>(68)</sup> quoque ipsi referunt. Umbri, aiunt, qui

---

quidem agere videmur, si in Latinis et Oscis inscriptionibus ubique  
*M* signum per *m* litteram pronuntiamus; infra enim videbimus, ne-  
que Latinam, neque Oscam litteraturam s litterae *M* signum un-  
quam habuisse. Quod vero suae caussae argumentum sibi petuisse  
videtur Muellerus ex Oscis numorum inscriptionibus desinenti-  
bus in -or vel -ur, quae cum aliis tantum possint alternare in -os  
vel -us, de ea quoque re quid iudicandum sit, alio loco demon-  
strabimus.

(67) *Saggio* T. II. tab. x. n. 3.

(68) *Prisc.* I. p. 553: Etruscos non *o* litteram habuiisse. *Plin.*  
*H. N.* III, 16: Oppidi Tuscorum *Atriae*, a quo *Atraticum* mare ante  
adpellabatur, quod nunc *Adriaticum*. *Varro L. L.* 5, 4: *Eidus* ab  
eo, quod Tusci *Itus*, vel potius quod Sabini *Eidus* dicunt. *Ma-*  
*crob. Sat.* I, 15. *Iduum* nomen a Tuscis, apud quos is dies *Itis*  
vocatur.

hanc litteraturam in suum usum convertebant, eas litteras, quas non pronuntiabant, ut ↓ (*ch*), non recipiebant, quas signatas non reperiebant, ut *o*, *d*, *g*, *q*, recipere non poterant, itaque non exprimebant — Quid? annon in tabulis Eugubinis delineatam deprehendimus litteram **B**? annon reperimus litteras **d** (*f*) et **¶** (*rs*), quas Etrusci, quoniam non pronuntiabant, non scribebant? In tabula quinta litterae *m* usurpatum signum **A**, quod, quantum ego scio, alias nusquam reperitur. Cur tandem, si non nullas litteras de suis addiderunt ad Etruscum non sufficientem litteraturam, ceteras exprimere non lubebat, quas pronuntiasse eos Latine scripta monumenta manifeste scilicet demonstrant? praesertim, quum litteras *o*, *d*, *q* in Latina iam litteratura reperirent expressas, litteras **d** et **¶**, ut videtur, nusquam. Pariter Osci plures etiam litteras, vel formas litterarum addiderunt, alias, quamvis in Latinis Oscae linguae inscriptionibus reperias, non addiderunt. Latini denique, si, quae supra diximus, vera sunt, litteras *b*, *d*, *q*, al. habuerunt, priusquam novam sibi adsciverunt litteraturam.

Quid? quod vel traditur a veteribus, Aborigines alio et multo quidem vetustiore tempore, quam ipsos Etruscos, litteraturam a Graecia accepisse. Haec enim Tacitus<sup>(69)</sup>: „At in Italia Etrusci ab Corinthio Demarato, Aborigines Arcade ab Evandro dicerunt: et forma litteris Latinis, quae veterissimis Graecorum.” Quo tandem refugerunt hae Aborigines?

---

(69) *Annal. XI*, 14.

ginum litterae, quum omnes scilicet Italiae populi ab Etruscis instruerentur litteratura? Quidni putemus, litteras Romanorum *d* et *q* et alias antiquiores esse, quam omnem Etruscorum litteraturam? Neutrateniam ex his de Demarato deque Evandro narrationibus tantum momenti tribuere in animo est, quantum alteri de Demarato consueverunt hucusque tribuere. Id modo utriusque veri subesse suspicor, existisse a principio arctam aliquam coniunctionem inter Graecam Italicasque scripturas, qualem fere inter ipsas quoque linguas statuas. Quam ut linguarum cognationem alio loco ad Pelasgos revocari posse dicemus, quippe quos pari iure Italiae atque Graeciae habere liceat primos habitatores, ita scripturarum quoque consensum si quis Pelasgorum nomine vult explicare, non video, quid obstet. Nam in hoc etiam ceterae, quas novi, omnes consentiunt de litterarum invectione narrationes, quum non *ad Etruscos*, sed *in Italianam* allatam esse dicant litteraturam. Dionysius enim (lib. I. c. 21.) refert: λέγονται δὲ καὶ γραμμάτων Ἑλληνικῶν χρῆσιν εἰς Ἰταλίαν πρῶτοι διακομίσαι νεωτὶ φανεῖσαν Ἀρκάσι. Hyginus (fab. 277.): „Has autem Graecas (litteras) Mercurius in Aegyptum primus detulisse dicitur, ex Aegypto Cadmus in Graeciam, quas Evandrus profugus ex Arcadia *in Italianam* transtulit, quas mater eius Carmēta *in Latinas commutavit xv.*” Plinius (H. N. VII, 56.): „*In Latium eas intulerunt Pelasgi.*” Maximus Victorinus (A. Gr. p. 1944.): „Hae autore Evandro, ut quidam volunt, alii vero Hercule *in Italianam* a Pelasgis allatae sunt.” Marius Victorinus (A. Gr. lib. I. p. 2468.): „Reperto-

res litterarum Cadmus ex Phoenice in Graeciam et Evander *ad nos* transtulerunt." — Nihil igitur de peculiari Etruscorum adeptione litteraturae memoratur, nisi in illo Taciti loco, qui Etruscis alio quidem, sed multo posteriore tempore litteraturam alatam refert, quam aliis Italiae populis.

III. Atvero extant certe Umbrorum, Oscorum, atque vel Etruscorum monumenta Latine scripta, in quibus, quas Etrusce scripta non exhibent litteras, haud raro inveniuntur: neque quemquam fugere potest, non esse scripturae supervacanea tantum signa, sed etiam in pronuntiatione usurpatas litteras, quum certis legibus teneantur. — Itaque pronuntiatio olim fuit alia atque postea. Et quid tandem impedit, quominus credamus, Umbrorum aliquando non scripturam tantum, sed etiam linguam non *o*, non *g*, non alias admisisse litteras? An talis conversionis linguae, qua subtiliora pronuntiationis discrimina vel abiecerit, vel receperit, desunt omnia Grammaticorum testimonia, vel aliarum linguarum exempla; vel ipsorum denique monumentorum indicia? Agedum videamus hac de re.

1) Quem supra iam adduximus Prisciani locum de *o* littera Etruscis inusitata, integrum iam affera-  
mus: „*O* aliquot Italiae civitates, ait, teste Plinio,  
non habebant, sed loco eius ponebant *V*, et *maxime Umbri* et *Thusci*." *Inter alios igitur populos* disertis  
verbis hic maxime notantur *Umbri* et *Thusci*, qui *O*  
litteram non admiserint. Quae quidem Plinii obser-  
vatio, quum ad eam Umbrorum dialectum, qualem  
in Latine scriptis tabulis reperimus, non conveniat,

tantum ad ea tempora referri potest, quibus ceterae inscribebantur tabulae.

2) Quod autem Plinius de *o* littera aliquot Italiæ populis inusitata commemorat, id magna ex parte olim praeter *o* in medias quoque litteras non tantum apud aliquot populos, sed per totam fere Italiam valuisse, mihi est verisimile.

Et in Romana lingua — de Osca enim monumenta testantur — *o* littera, si omnino a principio exstitit, parcus tamen adhibebatur. Quod ne quis statim reprobari putet multis verbis, quae olim cum *o*, postea cum *u* littera scripta a Grammaticis referruntur: satis est in memoriam reduxisse, quam diversum ab aliis linguis Romana perfecerit cursum in eo, quod, quum delapsa iam fuerit in pronuntiationis, ut ita dicam, negligentiam quandam et rusticitatem: iam ingeniorum omnino maiore cultura invalescente, et in primis cognitione atque vel sola viciitate linguae Graecæ ad summam subtilitatem absolutionemque perductæ quasi admonita, ad maiorem formarum integritatem terminationumque ubertatem redire tentavit, exemplar plerumque aptissimum sibi proponens Graecam ipsam linguam. Ita factum est, ut quae fere evanuerant tum e scriptura tum ex ore litteræ finales *s*, *m*, *e*, al., suam rursus vindicarent dignitatem, multaque contractiones rursus solverentur (<sup>70</sup>). Verum qui potuit aliter fieri,

---

(<sup>70</sup>) Monumenta Scipionum saepe omittunt litteras *s* et *m* etiam ante consonantes: *Samnio*, *duonoro*, *Scipione*, *Corsica*, *Cornelio*, al. In versibus Hexametris Ennii et Lucilii, in comicis tragicisque fabulis littera *s* post *u* et *i*, si positionem efficeret, saepe omitti-

quam ut in hoc quasi patrocinio Graecarum litterarum alia quoque, quae externae Latini sermonis speciei facile aptari poterant, ab illis reciperentur? Quamvis igitur pro certo non ausim affirmare, o litteram Latinos de Graeca demum pronuntiatione adscivisse et primis temporibus ad morem ceterorum Italiae populorum *u* tantum vocalem pronuntiasse: id quidem apparet, multo frequentiorem fuisse *u* litterae usum in Romana, quam in Graeca lingua. Propria enim et usitata terminatio secundae declinationis fuit *-us*, *-um* (*os*, *ov*), gen. pl. *-um* (*-wv*), permulta vocabula, ut *Ulysses*, *amurca*, *purpura*, *uncus*, al. in Graeca lingua cum *o* pronuntiabantur

---

tur, itemque adhuc a Cicerone in Arati versione, quamvis postea (*Orat. c. 48. §. 161.*) ipse dicit, iam subrusticum videri, olim autem politius (cf. Schneider *Gr. L. I.* p. 347.). Catullus igitur semel tantum adhibet. Sermo vero rusticus retinuit, ut posteriores demonstrant inscriptiones (cf. Struve *De Latin. Declin. et Coniug.* p. 27. Schneider *I.* p. 351.). De syllabis finalibus in verbis: *populus*, *periculum*, al. pro vetustioribus: *poplus*, *periclum*, quibus adhuc Plautus usus est, et de formis *vehemens*, *prehendo* pro *veniens*, *prendo* vide alio loco. Augustus etiam *calidum* dicere pro *caldum* odiosum iudicabat et *περιέργησον*, teste Quintil. Instit. I, 6. Tamen postea magis increbuit, sed *calda aqua* (*Θέρμαν*) retinebatur. Vid. Forcellini. Genitivus sg. *-ii* usque ad Augustum fuit *-i*; quintae declinationis genitivum et dativum casum olim dixerunt: *die*, et adhuc Caesar in genitivo quidem probavit *-e* pro *-ei* (Schneider *II.* p. 355.) Ita secundae declinationis genitivus pl. olim omnibus in vocabulis *-um* formabatur, postea fere ubique *-orum*; sed in certis quibusdam usitatis verbis Cicero adhuc retinuit, deque *iis*, qui secus facerent (*Orat. 46. 155.*) dixit: „A quibusdam sero iam emendatur antiquitas.” Inde satis elucebunt, quae de Latinae linguae quasi inverso cursu dixi.

(Οδύσσειος, ἀμόργη, πορφύρα, σύκος cf. Schneid. I. 1. p. 27.). Ipsum urbis Romae nōmen rectius profecto a *rūma* i. e. *mamma*, quam a Graeco γάμη (71) derivatur. Ex Prisciani l. l. scimus, vēteres etiam *cungrum*, *huminem*, *funes*, *frundes*, al. dixisse, „quae tamen a iunioribus repudiata sint, quasi *rustico more dicta*“. Et in *rustico* quidem ore notum est, plerumque veram linguae inclinationem perspici; quam ob caussam haud puto, alteram quoque inversionem litterae *o*, quae postea *u* scribebatur, rure repartam fuisse. Pluries etiam Romae scriptam quam dictam suspicor *o* litteram, quoniam quae in usum publicum atque solemnem scriberentur, politiorem quandam et elegantiorem exhibere debebant scripturam, cui Graeca *o* littera magis convenire videbatur. Idem etiam Vel. Longus innuere videtur, qui (p. 2216.) scribit: „Apud nos quoque ostendunt antiqui, quia aeque confusas litteras *o* et *u* habuere, nam *consol* *scribebant* per *o*, quum *legeretur* per *u* *consul*. Unde in multis etiam nominibus variae sunt scripturae, ut *fontes* et *funes*, *frondes* et *frundes*“. Quae vero cunque veteris novimus latinitatis, de publicis desumpta sunt monumentis, quorum veterrima paucis tantum annis antequam Livius Andronicus Graecus primum prodiit, perscripta sunt. Sin vero statim ab initio *o* litteram pronuntiabant Romani, tum quidem contenderim, signum quoque huius litterae eos habuisse vel ante tertium ab Urbe saeculum.

(71) Swint. *Diss. de prisc. R. L.* p. 7. Schlegel Heidelberg.  
Jahrb. 1816. Nr. 55.

Ad medias litteras quod attinet, satis constat, Etruscos eas non habuisse. Umbrica quoque monumenta Etruscis litteris inscripta *d* et *g* nusquam, *b* nonnisi raro exhibent, et ita quidem, ut vel his paucis in verbis interdum alternet cum *p*<sup>(72)</sup>, nec pauca sint verba, quae in Latinis tabulis *b* admittant, nondum in Etruscis<sup>(73)</sup>.

In Osca quoque litteratura reperitur **B** (*b*), et Latine scripta Oscorum monumenta abundant etiam *d* littera (D), cuius signum inversum (O vel Q) in monumentis Oscae scriptis, ut apud Etruscos Umbrosque, non *d* sed *r* litteram significare, notum est. Respondet autem in illis monumentis *d* litterae signum **A**, ut infra demonstrabimus, quod quum in Romana litteratura litteram caninam exprimeret, in Osca litterae signum fuit, quae procul dubio ad pronunciationem similis fuit Latinorum *d* litterae. Sed plura de hac re suo loco. Quod vero Muellerus<sup>(74)</sup> iam suspicatus est, signum **>** vel **D** *g* litteram significare, id prorsus confirmandum videtur. Hoc enim evincunt inscriptio Abellana, in qua saepissime **K** reperitur, interdum vero **C**<sup>(75)</sup>, et quidem ter in

(72) tab. I. l. 27: *habina*. 24: *hapinaf*. 33: *hapinaru*.

(73) *apruf*, *rupinie*, *krapusi*, *kupifiatu*, in tabb. Latin.: *abros*, *rubine*, *grabovie*, *combifatu*.

(74) *Etr.* II. p. 314. not. 93.

(75) In monumentis etiam vere Etruscis reperitur **X** et **D**, sed ita, ut illud signum antiquioribus, hoc iunioribus tantum inscriptionibus vindicandum videatur, eiusdem utrumque significationis; nunquam enim reperies in eadem inscriptione ambo signa, sed **X** in paucis, quae et aliis de caussis vetustiores videntur, **D** in longe plurimis et amplissimis, ut in Perusinis.

verbo ΤΑΓΙ, ter in ΑΥΝΙΩΝΑΤ, quod legitur in tabula Bantina (l. 7.): *tanginud*, (l. 9.) *tanginom*, (l. 3.) *tangi*; tum alia inscriptio apud Lanziūm (T. II. p. 609.), in qua ambo signa reperiuntur; numi denique Reginii, Acragantis, Gelae, Segestae (*Mionn. Descr.* T. VII. pl. xxxiii. n. 58-63. 76-84. 91-97. pl. xxxiv. n. 115-117. ΡΕΓΙΝΟΝ, ΡΕΓΙΝΟΝ, ΑΓΡΑΚΑΣ, ΑΓΡΑΚ-ΖΟΤΜΑ, ΖΕΛΑΣ, ΑΤΞΕΤΞ, ΣΕΕΣ) et numi Samnitici Marsico bello signati<sup>(76)</sup>, in quibus

ΔΥΤΙΚΗ — ΕΜΠΟΡΙΚΗ

h. e. *Gaius Papius Mutilus Imperator* legitur, vel: ΔΥΤΙΚΗ — ΜΙΛΙΒΑΣ h. e. *Gaius Mutilus - Sabin...*  
Mox fortasse, ubi copiosior Oscorum monumentorum praesto erit collectio, etiam hac de re decerni poterit, num, ut veri mihi simile videtur, vetustioribus tamen in monumentis solum κ inveniatur, et Osci quoque ab initio quidem g litterae sonum non habuerint.

Id quod de Romanorum quidem lingua contendere non dubito<sup>(77)</sup>. Signum C quum neque in veteribus Etruscis, neque veterrimis Graecis conspicatur inscriptionibus, ex Magna Graecia recepisse videntur Romani eodem tempore, quo magnam commutationem passa est Romana litteratura. Paucis tantum in vocabulis retinebatur K signum<sup>(78)</sup>, quod

(76) Vide Eckhel. *D. N.* I. p. 103. Avellin. *Numism.* p. 19. *Mionn. Descr.* T. VII. pl. xix. n. 4-8

(77) Secus quidem iudicant Villoison. *Anecd.* T. II. p. 167. Muell. *Etr.* II. p. 296. not. 25; mecum Schneid. I, 1. p. 231.

(78) Facile perspicitur, cur, si quae voces paucis tantum litteris notabantur, antiqua tum retineretur scriptura. Scribebant enim K.

olim, ut in reliqua Italia, ita Romae solum in usu fuisse, mihi persuasum est. Verum ab hoc inde tempore aequa atque in Etrusca litteratura C prorsus eundem habuit sonum, quam K, quum praeter paucissima illa verba ubique C adhiberetur, neque ullum habeamus indicium, statim a primis linguae temporibus g litterae sonum exstitisse. Maxime contra fuisse absonum, si Romani huius litterae nullum signum, sed pronunciationem, illius vero duo signa eiusdem habuissent significationis. C signum sub finem quinti saeculi post Romanam conditam inventum<sup>(79)</sup>, neque multo fortasse ante sonus quoque huius litterae invaluisse videtur. Litterae vero b et d, quamvis et hae non aequa frequenter ac p et t in lingua Latina usurpentur, primitiae tamen videntur.

Verum etiam clarius in caussa nostra repetere licet exemplum ex notissima permutatione litterae s in r, quam permultis in verbis sub finem quarti ab Urbe condita saeculi incepisse, tum aliorum, tum Ciceronis<sup>(80)</sup> satis confirmant testimonia. Quare quum prorsus eandem conversionem s litterae etiam apud ipsos Umbros, atque eo ipso temporis spatio, quod inter Etrusce et Latine scriptas tabulas intercessit, accidisse mox visuri simus, quid tandem, quaeso, obstat, quominus praeter hanc unam linguae communicationem alias quoque admissas esse credamus?

---

sed *Caeso*, *Kal.* sed *Calendae*, *sl.* *iudik.* (*Inscr. Scip.*) sed *stlitibus iudicandis*, *C.* sed *Gaius*, *Cn.* sed *Gnaeus*.

(79) cf. *Villois. An.* II. p. 167. *Schneid. I.* 1. p. 270. et quae infra dicam.

(80) *ad Famil. Ep. IX*, 21.

3) Miretur tamen aliquis, quod tam cita ea conversio linguae facta videatur, ut fere omnia monumenta diverse scripta diversam etiam dialectum exhibeant. Sed primum animadvertere licet, neque in Latina neque in Etrusca illarum linguarum scriptura omnia deesse indicia huius transitionis paullatim factae. Iam enim supra monuimus, Umbricam linguam ab initio nullam ex litteris mediis habuisse; attamen non omnes una ingruerunt simul cum litteratura Latina, quum *b* litteram etiam in Etruscis tabulis reperiamus, interdum quidem cum *p* alternantem. In Latinis vero tabulis eae, quae adiiciebantur litterae, *o*, *d*, *g*, non ita iam inveteratae conspiciuntur, ut non saepenumero adhuc cum *u*, *t*, *c*, commutentur. Eam sibilandi litteram, quam Etrusca Umbrorum litteratura *d* designabat, nequaquam in Latinis tabulis abiectam videmus propterea quod nullum Latinorum signum conveniebat, sed novam in eius locum sibi finixerunt notam. In Oscis monumentis inter Etruscas litteras etiam plures medias receptas invenimus, e quibus **B** fortasse prius quam **>**; **R** autem littera transitum parasse videtur ad *d* litteram. *O* denique inter Oscas video litteras nonnullis in numis (<sup>81</sup>). Num in tam exiguo numero monumentorum, quae hucusque licet intueri, etiam plura exspectabis indi-

(<sup>81</sup>) Lanz. II. p. 589. n. 4. p. 602. n. 16. p. 606. n. 37. cf. Eckh. D. N. I. p. 108. 118. 123. Mionn. Descr. VII. pl. xix. n. 15. 37. — Dempst. Etr. Reg. T. i. tab. vi. in speculo aliquo exhibet **BED-KOLĒ**, quam repetit Lanz. II. p. 205. tab. xi. n. 1. et alii. *O* vero litteram hic non certam esse, aliae docent descriptiones, quas ineditas inspicere mihi nuper contigit.

cia, quibus confirmetur, non tam subitam fuisse ipsius linguae conversionem, quam primo intuitu possit alicui videri? Deinde vero, eo ipso tempore, quo Romanam subiecti populi receperunt litteraturam, maximum Romanorum quum omnis vitae tum linguae adpulsum omnino exstisset, quis non credat? Quare pronunciationem quoque populorum iam celerius tum temporis ad Romanam accessisse, quam antea, veri est simillimum.

Potissimum vero, quae dixi, in eos cadere vindentur, quibus maxima cum Romanis tum fuit coniunctio, urbium dico cives, atque civium maxime nobiliorem eruditiorumque partem. Id enim contendere nullo modo in animo est, ut primum Latina litteratura ad civitatem aliquam pervenerit, omnem subito Etruscam scripturam prorsus evanuisse, neque unquam rursus adhibitam fuisse; diu potius etiam postea tum rure tum in urbibus a plebe quidem Etrusce scriptum esse, mihi est persuasissimum. At quoniam inter huius generis homines etiam lingua ab omnibus rebus novis abstinere solet, summo profecto iure supra iudicavimus, nobis, quippe qui horum populorum monumenta recte legere atque ex recte lectis deinde pronunciationis linguaeque ipsius veram rationem enucleare studemus, Etruscas eiusdem loci inscriptiones sive ad tempus, quo scriptae sint, sive ad linguam in iis exhibitam respicias, antiquiores habendas esse, quam Latinas. Tantum igitur abest, ut, quod in Dissertt. Isagogicis ad Hercul. p.37. de muro refertur, in quo Osca vivo adhuc colore conspicua inscriptio doceat, in ipso

Herculanī excidio Oscam litteraturam adhuc in usu fuisse, aliqua ex parte in suspicionem vocandum censem, ut contendam, etiam pronuntiationem veterissimam singularum litterarum tum temporis in populo superfuisse.

Iam vero, si quae in praecedentibus comprobasse mihi videor, ad Umbrica, quae supersunt, monumenta adhibemus, id quidem dubium esse non potest, ex Eugubinī tabulis Etrusce, sive malis, Umbre scriptas antiquiores esse, quam Latine scriptas, id quod infra etiam alia ratione elucebit, ubi questionem de scriptioris tempore accuratius persequemur: nemo enim has tabulas cum inscriptione Herculani componet. Tametsi autem illa scriptura olim propria et vernacula fuerit Umbris, tamen in Latinis quoque tabulis veram Umbrorum linguam, licet paullo temperatam Latina pronuntiandi elegancia agnoscendam esse arbitror.

IV. Quo autem tempore Romana litteratura possimum usurpari coepit in Umbria, id ex historia tantum Umbrorum aliqua cum probabilitate colligi posse videtur. Consentaneum enim est, Latinas litteras non adhibitas esse, antequam ipsa Romano-rum potentia etiam in rebus civilibus satis multum apud hunc populum valeret. Verum maxime est dolendum, quod de historia Umbrorum, validissimi olim atque per totam superiorem Italiam regnantis populi, qui vel unus omnium antiquissimus (<sup>82</sup>) Ita-

(82) Dion. Hal. II, 49: Ζηνόδοτος δὲ Τροιζήνιος, συγγραφεὺς Ὁμερικοῦ ἔθνους καὶ θιγενεῖς ἴσορει τὸ μὲν πρῶτον οἰκήσας περὶ τὴν καλουμένην Ρεατίνην. Plin. H.N. III, 19: Umbrorum gens antiquis-

liae à veteribus dicitur, paucissima tantum tradita ad nostram aetatem pervenerunt, atque haec paucissima ne iusta quidem cum diligentia hucusque composita similemque aliis Italiae populis tractationem ut assequerentur digna habita sunt. Ipsi igitur, quae ex rebus Umbris ad nostrum finem facere videntur, hic brevi colligamus.

A. u. 307 omnes Umbrorum populos deditos esse post bellum Romanis minime spernendum, tradit Livius (83). Sed quinque tantum annis praeterlapsis et saepenumero deinceps Romanis denuo bellum fuit cum Umbris gerendum. A. u. 483 bellum cum Sarsinatibus Umbris Romae fuisse, Polybius (84), et D. Iunium Peram consulem de iis triumphasse Fasti Triumphales referunt. A. 487 Umbros et Sallentinos victos et in ditionem acceptos esse Livii libri xv. epitome docemur, et D. Iunium a. d. V. Kal. Oct., Num. Fabium a. d. III. Non. eiusdem mensis de Sarsinatibus, deinde ambos de Sallentinis triumphasse, Fastis Capitolinis; in quibus quum nullus de Umbris universis commemoretur triumphus, haud scio an quod in Livii epitome de Umbris refertur, de Sarsinatibus solis intelligendum sit. At etiamsi consul de Umbris triumphasset, nihil tamen de perpetua inde ab hoc tempore ditione affirmare liceret.

---

sima Italiae existimatur. *Ibid.*: Ameriam suprascriptam Cato ante Persei bellum conditam annis 964 prodidit. cf. Nieb. *H. R.* I, p. 161.

(83) Lib. IX. c. 41.

(84) Lib. II, c. 16. Mirum autem, quod idem Polyb. lib. 2. c. 24. scribit: οἱ δὲ τὸν Ἀπέννινον κατοικοῦντες Ὁμβριοι καὶ Σαρσινάτοις συνήχθησαν εἰς δυσμυρίους.

In hoc autem anno Muellerus<sup>(85)</sup> foederationem Umbrorum cum Romanis posuit. Nonnullos certe Umbriae populos etiam prius cum Romanis coniunctos fuisse scimus, e quibus *Ocriculani* iam a. u. 447 sponsione in amicitiam accepti sunt<sup>(86)</sup>, *Nequinum* a. 453 in deditio[n]em Romanorum venit, eoque colonia „adversus Umbros” missa est, a flumine Nar-nia appellata<sup>(87)</sup>. *Camertes*, quorum aequum foedus<sup>(88)</sup> cum Romanis a. 547 memoratur, iam a. 443 amicissimos iis fuisse, apparet ex narratione apud Livium (lib. ix. c. 36.), licet a. 485 Camarinum a Romanis captum sit<sup>(89)</sup>. Inde verisimile fit, a quinto fere Urbis saeculo maiorem factam esse Romanorum in Umbris potentiam. Quare nullo pacto, quae Latine scripta Umbrorum monumenta reperiuntur, ut ex nostris tabulis dueae, inscriptiones Falisca et Assinas, complures denique numi altius reponi possunt.

*Nuni* autem reperiuntur *Iguvinorum*, *Tuderium*, *Camertium*<sup>(90)</sup>, *Arininensium*, *Pisaurensium*,

(85) *Etr.* I. p. 319.

(86) *Liv.* IX. c. 41.

(87) *Liv.* X, c. 10.

(88) *Liv.* XXVIII. c. 45.

(89) cf. *Freinsb. Suppl.* lib. V. n. III.

(90) His enim tribuendi numi cum inscriptione KA vel KAM, qui ab aliis Clusio tribuuntur. Camars enim Umbricum Clusii nomen fuit, et ne illo quidem tempore, de quo *Liv.* X, 25. commemorat, in usu fuisse potest. Quum Tyrreni exigent ex illis sedibus Umbros, tum hoc nomen ad Umbriae urbem Camerinum translatum videtur. Etrusci vero suam urbem semper profecto Clusium appellabant, quam a Tyrreni filio Clusio vel ab Ulixis Telemacho conditam resert *Serv. Aen.* X, 167. Et qui fieri po-

dubitacioni obnoxii *Vetulonensium*. Inter quos *Tudertes* numi ad unum omnes Etruscis inscripti sunt litteris, pariterque *Iguvini*, exceptis duobus, de quibus suo loco plura adiiciemus. Tuder ab Octaviano demum coloniam deductam esse, ex Frontini<sup>(91)</sup> loco patet: de Iguvio<sup>(92)</sup> tantum scimus, a. 585 Romanis hanc urbem fuisse coniunctissimam. *Camertium* paucissimi numi, ad pondus quidem veteriores, Latinam tamen exhibent inscriptionem: revocandum igitur ad ea, quae supra de Camertium cum Romanis coniunctione satis mature facta monuimus. *Ariminum* Romana facta est colonia a. u. 486<sup>(93)</sup>, neque ante cusi videntur numi, qui Latinas exhibent litteras **ARIM.** **ARIMI.** **ARIMNO.** *Pisaurensium* denique numi partim Etruscas litteras **ΣΙΠ**, partim Graecam ferunt inscriptionem **ΠΙΣΑΥΡΙΩΝ**. Tempus, quo referendi, iam praeiudicare non audeo, neque vero quisquam Eckheilio assentiet, qui litteras **ΣΙΠ** Romanas, et qui eas exhibent numos iunioris arbitratur aetatis, quam Graecos. Videntur tamen, priusquam a. u. 570<sup>(94)</sup> Romana eo deducta est colonia, Graeci hic sedisse incolae.

---

tuisset, ut Clusii numi Latinis signarentur litteris, quos non ita recentes esse, pondus docet. Optime vero convenit Camerini Umbrorum satis antiquum cum Romanis commercium. Conferas tamen Muell. *Etr.* I. p. 102. n. 75. p. 238. 332.

(91) *De Colon.* p. 112. cf. Sigon. *de Antiqu. iur. Ital.* lib. III. c. 4.

(92) Ap. Liv. XLV. c. 43. *Iguvium* legendum. De singulari Iguvinor. in Roman. amicitia cf. Cic. *pro Balb.* c. 20. *Cae. B. C.* I, 12.

(93) Liv. *Epit.* lib. XV.

(94) Liv. XXXIX, 44.

---

DE  
PRONUNTIATIONE LITTERARUM  
SINGULARUM.

---

Iam si cui hanc meam sententiam de Umbrorum litteratura universa persuasi, is fortasse non miraretur, si, quod ad tabulas Eugubinas attinet, omnino deinceps distinguerem inter Etrusce atque Latine scriptas tabulas, seorsum utramque scripturam pertractans. Verum tamen ex omnibus, quae sequuntur, apparebit, non tam perpetuam distinctionem, quam perpetuam comparationem vere et unice fructuosam esse, et nisi magno cum detimento non posse segregari tabulas, quae eiusdem populi et vel eiusdem urbis lingua, sed diverso perscriptae sint tempore, ita ut vel historiam linguae Umbricae aliquatenus inde cognoscere possimus, id quod maximi nobis est momenti. Adscribam igitur singulas litteras, quales Dempsterianae quippe aceuratissime exaratae tabulae exhibent, comparatis tamen etiam aliis, quae iuvare videntur, exemplis, ut Goriana atque Gruteriana tabula.. Eam cuique signo adscribam Latinam litteram, quae in ipsis Eugubinis tabulis Latine scriptis ei respondet. Qua quidem comparatione quamquam plurimorum signorum etiam pronuntiatio facile erui posse videtur, tamen non possum, quin de compluribus signis recte legendis quid sentiam, accuratius deinde exponam, quum valde absonum videatur, vocem velle interpretari, quae legi non potest, atque quum valde

hucusque fluctuant virorum doctorum sententiae de nonnullarum litterarum lectione.

1. (A) **Ⓐ** (tab. I. II. III. IV. V.) **Ⓐ** (III. IV. V.)
2. (B) **Ⓑ** (I. II. III. IV. V.)
3. (E) **Ⓔ** (I. II.) **Ⓔ** (III. IV. I. II.) **Ⓔ**, **Ⓔ** (V.)
4. (V) **ⓧ** (I. II. III. IV. V.) **ⓧ** (V, 9.) **ⓧ** (I, 1.) **ⓧ** (I, 3.)
5. (F) **Ⓕ** (I. II. III. IV. V.)
6. (H) **Ⓗ** (I. II. III. IV. V.)
7. (T) **Ⓣ** (I, 1. IV, 20.)
8. (I) **Ⓘ** (I. II. III. IV. V.)
9. (C) **Ⓛ** (I. II. III. IV.) **Ⓛ** (I. II. III. IV. V.) **Ⓛ** (V.)
10. (L) **Ⓛ** (I. II. III. IV. V.)
11. (M) **Ⓜ** (I. II. III. IV.) **Ⓜ** (V.) **Gori** **Ⓜ**.
12. (N) **Ⓝ** (I. II. III. IV. V.)
13. (P) **Ⓟ** (I. II. III. IV. V.) **Ⓟ** (III, 3. 9. 14. IV, 11.)
14. (R) **Ⓡ** (I. II. III. IV. V.)
15. (RS) **ⓨ** (I. II. III. IV. V.)
16. (S) **Ⓢ** (I. II. III. IV. V.)
17. (X) **Ⓓ** (I. II. III. IV. V.)
18. (S) **Ⓢ** (I. II.) **Ⓢ** (III. IV.) **Ⓢ** (IV, 20.)
19. (T) **Ⓣ** (I. II. III, 1-2.) **Ⓣ** (III. IV. V.) **Ⓣ** (V, 19. 22.)
20. (V) **ⓧ** (I. II. III. IV. V.)
21. D (**Ⓣ**)
22. G (**Ⓛ**)
23. O (**V**)
24. Ω (VLVIL) Q (V.b.) (**Ⓛ****Ⓛ**)
25. X (V.b.) (**Ⓛ**)

Ex his litterae *a*, *b*, *e* vix possunt in controversiam vocari.

4. Hoc signum (J) apud Etruscos eadem forma saepissime reperitur; praeterea autem forma Ȑ, quae prorsus accedit ad Graecum digamma (F), quod et ipsum sic (C) formatum in Graecis inscriptionibus<sup>(95)</sup> invenitur. In Latinis tabulis respondet ubique V, quo planum fit, sono quoque Graeci digammatis hanc litteram usam esse. In Latina lingua litteram F antiquam formam quidem, neque vero pronuntiationem<sup>(96)</sup> servasse, notum est; accessit enim in ore magis magisque ad Graecam φ, cui in Etrusca literatura respondet fere 8.

5. 8etu igitur in Latinis tabulis Fetu scribitur, 8rater Frater, aȝe8 aViF, al. (97). Quare 8 et F semper per f, Ȑ et V semper per v postea exprimam, ne eadem nota (f) diversas significem litteras (98).

6. Qum Graeco signo φ litterae simillimum sit, in Etruscis monumentis saepe dubitarunt, num f legerent, an h<sup>(99)</sup>. In nostris tabulis clare semper distinguitur a 8. Respondet in Latinis tabulis H, sed in vocabulis, qualia sunt: (Etr.) struhſla, apehtre, persnihmu, (Lat.) stahmei, aviehcleir, druh-pei, ehveltu, al. haec littera magis gutturalem sonum expressisse videtur, nec prorsus absimilis fuisse Grae-

(95) Vide Boeckh. *Staatshaush.* T. II. p. 385. Muell. *Etr.* II. p. 297. Combe *Mus. Brit.* p. 148.

(96) Prisc. p. 542. 560. Schneid. *Gr. L.* I, 1. p. 263.

(97) Vide Muell. *Etr.* II, p. 299.

(98) Muelleri hac in re non secutus sum exemplum, qui Ȑ per f, 8 per ph exprimere maluit (*Etr.* I. p. 46. n. 99.) suis quidem de caussis.

(99) cf. quae infra bac de re dicentur.

corum χ litterae, quae in veteribus Graecis pariter atque in Etruscis monumentis ↓ signum fert, sed in Umbricis nostris non exstat.

7. O. Bis tantum haec littera reperitur, tab.I. b, 1: ΟΑΒΔΑΙΟΛΑΒΔΙΑΚΩ et tab.IV, 20: ΛΑΒΔΙΑΚΩ. At qui locus in tabulis Umbrice scriptis est: *vukukum*: *iuviu*: *pune*: *uvef*: *furfath*: *tref*: *vitluf*: *turuf* etc., in Latinis ita exhibetur: *vocucom* . *ioviu* . *ponne* . *ovi* . *furfant* . *vitlu* . *toru* . *trif*, et VI. b, 17. eiusdem verbi alia forma reperitur: *fursatu*. Altera vox etiam minorem habet fidem, quam eadem in tabula IV. sexies scripta sit: *purtuvitū* per simplex *t*, saepius vel eadem verborum in complexione, nec raro in ceteris quoque tabulis. In Latinis respondet: *purdovitū*. Passerius vel edidit: ΠVRTVVITV, sed nihil adnotat, et quum Dempsterus Θ repreäsentet, Gruterus Θ excudit. Qua de caussa dubium mihi videtur, num revera Θ littera Umbris adiudicanda sit. Arche typi nova comparatio rectiora fortasse docebit.

9. Quae in Umbrica litteratura semper Ω, in Latinis tabulis semper C redditur littera, nulla profecto cum diversitate pronuntiandi.

12. Μ et Η explicatione non egent. Verum in tabula quinta signum reperitur aliunde prorsus ignotum Λ in his verbis: Λestrū (V.a, 24.27. V.b, 4.) Λuneklu (V.a, 17.19.21.), Λuta (V.b, 2.3.), Λutu (V.b, 6.), μυΛpe (V, 3.10.), eΛantur (V, 8.), eΛantu (V, 10.), kuΛnahkle (V, 15.), nuΛer (V, 19.). Quicunque de litteris Etruscis inquisiverunt nostrasque tabulas adierunt, non dubitarunt, quin hoc signum idem esset atque ↓ (l), inducti profecto hanc in opi-

nionem Graecorum signo litterae lamda, quod a principio, ut apud Etruscos et veteres Romanos, vel *l*, deinde *λ*, *ν*, denique *Λ* fingebaratur. At nusquam<sup>(100)</sup> haec forma in Etrusca reperitur litteratura, atque nostra in tabula iam eam ob caussam *l* litteram non potest significare, quoniam haec suum signum hic quoque retinuit, multisque aliis in verbis invenitur, nunquam vero in verbis supra adscriptis alternans. Liquidam vero esse litteram vel *s*, suadere videntur, quas cum aliis litteris init conjunctiones. Quid igitur certius esse potest, quam *m* litteram exprimi, cuius consueta nota (*M*) per totam nusquam reperitur tabulam, verbaque ita legenda esse: *mestrū*, *muneklu*, *muta*, *mutu*, *pumpe*, *eman-*  
*tur*, *emantu*, *kumnahkle*, *numer*, e quibus postrema duo omnem vel minimam abigunt dubitationem, quum tab. III, 7. 8. bis legatur: *kumnakle* et tab. I, 17. 17. bis: *numem*.

14. 15. *O*, *¶*. Haec quoque signa a nemine hucusque recte sunt distincta atque lecta, quum utrumque *r* litteram significare putarent<sup>(101)</sup>. Si componis ea vocabula, quae *¶*, atque ea, quae *O* signo scripta sunt, nullam eorum permisionem vel alternationem deprehendes. Diversas igitur exprimunt litteras. Tredecies reperitur vox *a¶epes*, nunquam *aOepes*; reperies: *siünama¶*, *ereslama¶*, *asama¶*, *spantima¶*, *perskluma¶*, nullam terminationem in -ma*O*; reperies: *vusüa¶eO*, *petrunia¶eO*, *tutapeO*, *tresipeO*, *ukripeO*,

(100) In inscriptione apud Lanz. I. p. 173. **LARDIAΛΕΡ-NEIVETINAL**, fortasse *A* legendum.

(101) Lanz *Saggio* T. III. p. 692. Muell. *Etr.* II. p. 306.

*ahtispeΩ, puplupeΩ, al.*, nullam terminationem in -**peΨ**<sup>(102)</sup>. Quid? quod in Latinis quoque tabulis diverso modo redduntur, in quibus Ψ litterae semper RS, Ω litterae R respondet; conferas (Etr.) *tatinate, piΨe, teΨa, kapiΨe, kaΨitu, kaleΨuf, Clestef, Clufra* et (Lat.) *tarsinate, pirse, dersa, capirse, carsitu, calersu, reste, rofa*. Neque tamen prorsus item sonuisse Ψ ac Ρ, vel inde appareat, quod, quum semper reperiamus: *turskum, mersuva, persnihmu, perstu, persuntru, persklu*, nunquam exhibetur: *tuΨ-kum, meΨuva, peΨnihmu*, etc.; ipsa Ρ interdum alternat cum simplece Σ, ut modo: *persnimu, persuntru, turse, tursituto*, modo: *pesnimu, pesuntru, tuse, tusituto* scribatur, nunquam Ψ littera. Quare etiam Latina significatio RS non prorsus illam adaequasse videtur.

Quae ipsa littera, quum facile omnium difficilima sit explicatu, ab hoc loco non alienum puto, si etiam fusius de ea disseram, proficiscens a similima Oscorum littera Σ, de qua certius aliquid statuere licet. Apud Oscos enim litteram caninam ut apud Etruscos, Umbrosque Ω vel Ο signari, supra iam diximus. Aliam vero habent litteram Σ, quae in Latinis Oscorum monumentis non R sed D redditur, cui litterae (d) etiam pronunciationem similem fuisse, omnia persuadent. Etenim summus Campanorum magistratus apud Ennium<sup>(103)</sup>: *meddix*,

(102) tab. I a, 31. Dempsterus exhibet: *ukripeΨ*, sed procul dubio legendum: *ukripeΩ*.

(103) ap. Fest. lib. XI.

apud Livium (<sup>104</sup>): *medix*, in inscriptione Graeca Siciliae (<sup>105</sup>): μέδδειξ, idemque in Osca inscriptione Vetrarum: *medix*, Bantiae: *meddis* appellatur, at in Osca litteratura scriptum videmus ΜΕΡΡΙΜ (<sup>106</sup>) vel ΣΤΙΜΕΡΡΙΜ (<sup>107</sup>). Osca numi cuiusdam inscriptio ΝΚΑΡΝΙΛΙΝΗ (<sup>108</sup>) a *Sestinio* (<sup>109</sup>), *Mionnetio* (<sup>110</sup>), al. recte Samnii urbi Aquiloniae (<sup>111</sup>) vindicari videntur, licet aliquis potius Aquidoniae nomen exspectaverit. Arcta autem coniunctio litterarum *d* et *l* nota est (<sup>112</sup>). Quid? quod hodie eadem urbs *Accedogna* (<sup>113</sup>) appellatur. Maxime porro notabilia sunt, quae *Avellinius* (<sup>114</sup>) de numo Teani Sidicini urbis acutissime disserit. Satis enim frequentes huius urbis exstant numi, quorum inscriptio non semper recte legebatur ab iis, qui retulerunt. *Ignarra* (<sup>115</sup>) litteras mere Graecas repreäsentat ΣΙΔΙΚΙΝ, quamquam in altera parte consuetam Oscam legit inscriptionem **ΤΙΑΝΒΡ**, nisi quod Latinas adhibet litte-

(<sup>104</sup>) lib. XXIII, 19. XXVI, 6.

(<sup>105</sup>) Vide Muell. *Etr.* II. p. 69.

(<sup>106</sup>) *Diss. Isag. ad Herc.* tab. II. cf. tab. xix: ΚΥΤ·ΡΕΜ

(<sup>107</sup>) Lanz. II. p. 609.

(<sup>108</sup>) *Sestini Class. Gen.* tab. I. n. 63.

(<sup>109</sup>) Ibidem.

(<sup>110</sup>) *Desc. Supplém.* I. p. 225. n. 191.

(<sup>111</sup>) *Contra Eckh. D. N.* I. p. 140. *Avellin. Num.* p. 47. et ipsum *Mionn.* I. p. 129.

(<sup>112</sup>) Vide Schneid. *Gr. L.* I, 1. p. 255.

(<sup>113</sup>) *Sestini l.l.*

(<sup>114</sup>) *Gior. Num.* num. III. p. 35.

(<sup>115</sup>) *De Palaestr.* p. 267.

ras (116); *Sestinius* (117) sibi finxit: **ZIDIKINVD**, *Mionnetius* (118) **ZIKIKIN**, et *Combius* (119) exhibet **SIKIKIN**. Hos omnes falso retulisse, docet *Avellinius* l. l., et numum repraesentat (120), in cuius altera parte **AVNNT** in altera **VNIKIL**, conspicitur (121). Ipse (p. 36.) explicat hanc scripturam Osca permutatione litterarum *r* et *d*, et nobis copiam facit, nostram sententiam de Osco **R** signo luculenter confirmandi. **R** signum alias in syllabis finalibus maxime adhibetur, et, si quid video, in Latine scriptis Oschorum monumentis terminatio in *-d* eadem est, quae

---

(116) *Combe Mus. Brit.* p. 28. n. 1. repraesentat **AVNNT** — quod enim **A** pro **N** exhibet, typorum fuit inopia, ut ceterae huius libri inscriptiones docent — Idem vero n. 2 - 5. profert **AVNNT**, *Pellerin.* pl. IX. n. 50. p. 63: **AVNNT**.

(117) *Class. tab. I.* n. 66.

(118) *Descr. Supplém. T. I.* pl. VII. n. 30.

(119) *Catal. Mus. Hunter.* p. 317.

(120) *tab. III.* n. 3.

(121) Eorum, qui *Sikikin* exhibuerunt legendi potius, quam vindendi suspicor errorem. **R** enim etiamnum in numis, qui inscripti sunt voce **VODE** vel **NREDA**, ab omniaibus, qui eos referunt, *k* legitur (*Akeru*), quoniam *Acerrarum Campaniae* nomen cognoscere sibi videntur, cf. *Eckh. D. N. I.* p. 109. *Lanz.* II. p. 593. *Mionn. Descr.* I. p. 110. *Avellin. Ital. vet. numism.* p. 26. At si reputas, unicum hoc esse exemplum *k* litterae ita *signatae*, vicinrum eiusdem terrae urbium *Calatiae* (*Eckh. D. N. I.* p. 110.), *Capuae* (*ibid.*), *Cumarum* (p. 111.), *Nuceriae* (p. 115.), *Teani Sidi-cini* (p. 118.) nomina Oscis litteris scripta **K** exhibere, in aliis **R** quidem adesse, sed aliam litteram exprimere, nemo mihi persuadet, in sola voce **VODE** *k* litteram signare, praesertim quum alii numi *Acerrarum* cum Latina inscriptione existent. Nisi fortasse *Hadriae Piceni*, vel *Aleriae Corsicae* attribuendi videntar illi numi, incertis accensuerim.

neque *ud*, neque *um* syllabae Romanorum prorsus adaequare potuerunt, quoniam Osca illa littera fere

quam urbem illo nomine significari putat. In nuno denique a Mazochio (*Tabb. Heracl.* p. 554. n. XI.) exhibito, Lanz. (II. p. 606.) legit RECIDOR; Mazochius autem ipse (p. 550. col. I.) rectius legerat NOCERIO. Item Sestinius (*Class. Gen. tab.* II. n. 66.) BECINO falso exhibere videtur. Certi igitur restant tantum numi, quorum nomina in **RV-** vel **-OD** desinunt. Qui quum omnes pertineant ad urbes, quae in lingua Latina terminatione in **-um** utuntur, iam inde probabile fit, neutralem illam esse Oscorum terminationem. Idem vero suadent nomina neutrius generis: *Tibur* et *Anxur*, e quibus *Anxur* Oscam esse appellationem diserte tradit Plinius in *H. N.* III, 5, his verbis: „Dein flumen Ufens, supra quod Terracina oppidum, *lingua Volscorum Anxur dictum*” (cf. *Fest. s. v. Anxur*). Romani enim ambiguam illam Oscorum litteram **R** modo *r*, modo *d*, modo *t* pronuntiabant; *r* in *Anxur*, *Tibur*, *Larinum* (nisi quod in voce *Larinum* terminationem commutaverunt), *d* in *meddix*, *Sidicinum*, *t* in *Aquilonia*. Ipsi tamen Osci illum sonum magis accedere putaverunt ad Romanorum *d*, quum iis in monumentis Oscis, quae Latina utuntur litteratura, constanter **D** signum posuerint (MEDDIS Bant. et Velitr. TANGINVD, PID, POD). Caveas igitur, ne in vocibus **LADINOD**, **BENEVENTOD**, **YDINA** (Hyrium Apuliae) **D** peculiare quoddam signum Romanae *r* litterae iudices et non legendas eas putas: *Ladinod*, *Beneventod*, *Ydina*. Signum enim **D** nusquam significavit litteram caninam, ne in Magna Graecia quidem; sed in Etrusca, Umbrica, Osca litteratura conversum signum **C** vel **Q**, in Graeca **Q** vel **R**, in Latina tum Romanorum, tum Umbrorum, tum Oscorum (ut docent tabulae Bantiae, Velitrarum et numi) tantum **R**. — Quid autem? quod suspicamur, omnem neutralem terminationem in **-um** Oscae linguae abiudicandam esse.

Qua de re ut iustius possimus iudicare, longius iam oportet recedere. Quum enim per omnes linguas Indicae stirpis prima terminatio generis neutrius littera lingualis fuerit, integrum tamen sola servavit Germanica lingua in adiectivis et pronominibus (vide Grimm. Gr. I. p. 803.), Gothorum neutro in **-ata**, sequentium

medium tenuisse videtur inter *r* et *d*, magis tamen; ut videtur, accedens ad *d* litteram. Prorsus autem,

dialectorum in -at, -ax, -as, -es desinente. Iam Sanscrita lingua non tantum ex adiectivi, sed etiam ex pronominis interrogativi declinatione कस्, का, किम् (*kas*, *kā*, *kim*) reiecit lingualem, quamvis in composito quidem कस्ति॒त् (*katschitschit*, *an*, *num*) superstitem esse, docet Bopp. (*Gr. L. Sanscr.* Fasc. I. reg. 273. 284.) In Latina quoque lingua solis restat in pronominibus: *id*, *quod*, *quid*, *istud*, *illud*, *aliud*, et ne in omnibus quidem, quum pro *ipsud* dicatur *ipsum*. In vocabulis: *ita* et *aliuta* (ap. *Fest.* i. q. aliter) terminationem in *ta* componendam esse cum Gothorum neutro in *tu* (*ita*, *thata*, al.) acute animadvertisit Max. Schmidt in *Commentatione de Pronom. Graeco et Latino* (*Halle*. 1832. p. 87.). Graeca lingua, ut omnino a finibus verborum, ita lingualem a pronominibus quoque abiecit; nondum autem pronomina τι, τὸ, ἀλλο, αὐτὸ, al. solitam adiectivi terminationem -ν receperunt. Quam quidem ν litteram, vel μ in Sanscrita Latinaque lingua, in neutrum irrepsisse ex accusativo masculini generis, res est hodie satis nota (cf. Grimm. *Gr.* I. p. 825. Bopp. *Gr.* r. 122. et *Abhandl. der Berl. Acad.* 1826. *Histor. Philol. Klasse*. p. 72. 73.), quae etiam confirmatur inde, quod in Latina lingua postea accusativi terminatio non tantum in neutrum singularis, sed etiam in nominativum masculini ceterosque omnium generum casus prorsus et ubique insedit, ita ut, quae Romanicae dicuntur linguae, constanter per totam declinationem usurpent Romanorum accusativum, tum in singulari, abiecta quidem littera μ — quae restitit tantum in Francogallico verbo: *rien* i. e. *rem* atque in Italico *speme* — tum in plurali numero Francogallica certe et Hispanica. (De formis, quales in lingua Italica: *genere*, *ente*, quas doctrina hominum, non populi sermo ex ablative Romanis indocte repetuit vide Diez. *Berl. Jahrb.* 1831. n. 73.). Quam formarum commitionem satis mature factam esse, permulta comprobant inscriptiones Latinae (vide Grut. *Ind. Gramm.* s. v. *casus mutatio*). Caussa vero, cur in lingua Sanscrita, Graeca, Latina ipsum neutrum lingualem litteram tam antiquo tempore amiserit, ut necessarium visum sit, aliam terminationem in eius vicem subiicere, non ex alto mihi repetenda videtur. Nimirum ipsa Latina lingua persuadeat

ut in Osca litteratura Q et R, ita in Umbrica Q et Q distinguuntur, et quamvis utrumque signum Q et

alicui, non ε sed ḏ litteram primitivam neutrius generis fuisse terminationem. At quum omnes mutae litterae, tum imprimis mediae, fere omnibus in linguis ex rei natura aegre feruntur in finibus verborum. Quare in Sanscrita lingua in pausa pro ḏ pronuntiabatur ε; in pronominibus, quae diutijs lingualem in neutro servabant, non ḏ sed ε reperimus. Graeci ne ε quidem in fine verborum pronuntiabant, itaque vel in pronomine omnem lingualem abiecerunt. Romana autem lingua vel adamat litteram ε in fine; sed ex litteris mediis & nunquam, δ in procliticia ab, ob, sub tantum patitur, δ vero magis magisque a finibus verborum removere studet, ut nos ipsa, quatenus persequi possumus, historia linguae docet. Nam inter pronomina ipsum m litteram iam commutavit cum δ; praeterea duae tantum praepositiones, quae per se omnes procliticae sunt, ad (ar) et apud (apor Fest.) duaeque coniunctiones sed (ex sedum Fest., ut donic-um, sus-um) et obscurissimā sane vocula haud, in δ litteram desinunt. Alia vero terminatio δ litteram finalem diu retinuerat, cuius vestigia praeter Romanam tantum in Sanscrita lingua reperimus, ablativi dico terminationem, quam haud rara Columna Duilia, S. C. de Bacchanalibus atque Scipionum monumenta exhibent (*sententiad, Gnaibod, marid, exstrad, al.*), postea vero prorsus evanuit et hæc, et restiterunt sola illa pronominum neutra. Iam vero, si inde suspicari licet, olim in Romana lingua δ litteram etiam frequentius adhibitam esse in finibus verborum, et non tantum ipsud dictum esse, sed etiam bonud et malud et in omnibus neutris, quae postea in -um formabantur, num abduc mirum videtur, quod alia Italiae lingua antiquissimum illud neutrum in -δ etiam diutius servabat? Id autem de Osca lingua affirmandum videtur. Fit enim verisimile tum ex ipsa terminationum in -δ vel R frequentia, tum ex nominis supra allatis, qui urbium nomina in -OD vel RV exhibent, apud Romanos in -um desinentium. Accedit, quod nulla neutralis terminatio in -um sive in Baptina tabula, sive in nominis aliqua cum fide proferri potest. Quae enim iascriptio exhibetur: **ΛΙΑΦΕΚΔΙΛΛΑΜ ΑΝΑΓΑΤΕΔΗΛΛΑ** (Lanz. II. p. 599. Combe Mus. Brit. p. 27. Eckh. D. N. I. p. 115.) non potest neu-

¶ in Etrusca pariter atque in Graeca litteratura solam litteram caninam exprimat, et quamvis in Graeca litteratura R<sup>(125)</sup> ex P factum sit eadem ratione, qua Oscum R signum ex Umbrico ¶, tamen nullam nisi externam quandam similitudinem inter illa signa exstisset, persuasum habeo. Apud Phoenices<sup>(126)</sup> enim d litterae signum ☧ (Babyl. ¶) a principio fere idem fuit atque r litterae signum ¶; apud Graecos<sup>(127)</sup> quoque antiquissimum d litterae signum, ut apud Romanos fuit D et proxime accessit ad signum r litterae. Cum hoc d litterae signo coniungendum puto Umbricum ¶, quod Osci R finxerunt. Quum vero apud Graecos d litterae signum non amplius Q, sed Δ scriberetur, littera canina modo P modo D sig-

---

trum esse, quum urbs appelletur *Nuceria Alfaterna*. Quare Lanzius explicat *Nucerinūm Alfaternūm*. De alia inscriptione ΜΥΛ-ΔΕΛΤΕΔ ΚΑΜΕΛΤΕΔ nondum liquet, quomodo sit interpretanda. Ignarra explicat: *Cumae ad Liternum*. At pronomina apud Oscos quoque in lingualet desiisse, iam ex Festo scimus, qui dicit, *quid-quit* illos pronuntiasse: *pípít* (si quid mutandum, *pípír* scribendum videtur, non *pípít*) et si pod voculam Bantinae tabulae vertimus *quod*, cui in Abellana respondere videtur ΡΥΠ, *tanginud* quoque, cui illic ΡΥΠΙ>ΝΑΤ respondet, aliasque terminaciones in -d neutrales agnoscere non dubito.

(125) In Graecis Italiae inscriptionibus saepissime haec forma reperitur, ut in vasis Volcentibus, vide Luc. Bonap. *Mus. Etr.* n. 565. 568. 584. 790. 1533. al. et in aliis inscriptionibus, vide Boe. C. I. n. 16. 26., sed etiam in inscriptione Delphica C. I. n. 25. aliisque Graeciae C. I. n. 34. 38. 18. 19. De forma P vide C. I. n. 14. Lanz. S. T. L. tab. III. n. 13. Luc. Bon. *Mus. Etr.* n. 1500. et P in numis Reginorum (Mionn. T. VII. tab. XXXIII. n. 58-61.)

(126) Kopp *Bilder und Schrift. d. Vorzeit* Vol. II. p. 380. 396.

(127) C. I. n. 2. 4. 14. 25. 26. al.

nabatur. Ex P forma, ut apud Phoenices quoque Ψ ex Φ, apud Graecos deinde orta est R, quam Romani reperunt. Etrusci semper retinuerunt eiusdem significationis Φ et Q, Umbri diversae significationis, quam etiam Osci servarunt. In Latinis autem nostris tabulis Φ littera exprimitur per duas litteras RS, quod revera non prorsus accedere videbatur ad Romanam d litteram, sed medium quodammodo tenere inter r et s, fere ut Graeci u litteram significabant per o et v coniunctas, vel ut hodie Graeci β litteram per μ et π, nosque ipsi sonum quendam simplicem per ng designamus. Blaesia quae-dam illa Φ littera Umbrorum fuit, quae quomodo ad d litteram vel s simulque ad r accedere potuerit, magis intelligere possumus, si reputamus, Italiae (128) et Graeciae (129) aliam r litterae pronunciationem in usu fuisse, quam plurimis Germaniae populis. Extrema enim lingua palato admota proferebant hanc litteram, quae nobis gutturalis magis est, quam lingualis. Ita etiam in Romana lingua explicanda est

(128) Haec fuit, de qua Ter. Scaurus p. 2251. dicit, *l et d et r et s* saepe in ore confundi et „qui r exprimere non possint, aut l dicere aut s.” Eadem, de qua de Hayter in *Diss. Isag. ad Herc.* p. 38. n. 13. „Neapolitanam plebeculam ad hunc diem saepe r pro d usurpare, adeoque pro *Madonna* pronuntiare *Maronna*.” cf. Muel. *Etr.* I. p. 29. Eadem, quam ut a veteribus Iberis, ita ab hodiernis Vasconibus cum d littera commutari W. de Humboldt refert (*Urbewohn. Hispan.* p. 82.), qui de Bengalorum quoque d littera simile aliquid laudat ex Wilkins *Gramm. Sanskr.* p. 8.

(129) Dionys. *de Comp. verb.* XIV. p. 98: τὸ δὲ φ (προφέρεται) τῆς γλώσσης ἀκρας ἀποδραπιζούσης τὸ πνεῦμα, καὶ πρὸς τὸν εὐρανὸν ἴγγὺς τῶν ὁδόντων ἀνιστάμενης.

arcta illa coniunctio litterarum *d* et *r* (<sup>130</sup>), et quum notum sit, praepositionem *ad* praesertim in compositione a veteribus *ar* pronuntiatam esse (<sup>131</sup>), unde etiam postea remanserunt *arbiter* et *arcesso*, speciose certe aliquis coniecerit, syllabam praepositivam *aq-* in tabulis Eugubinis satis frequentem (*aqfertur*, *aqmune*, *aqpeltu*, *aqputrati*, *aqveitu*, *aqvviu*, *aqepes*) eandem esse ac Latinorum *ad* (<sup>132</sup>), *tqvinate* qui in tabulis (<sup>133</sup>) appellatur populus, esse *Tadinates*, quos Plinius (<sup>134</sup>) Umbriae memorat populum, *pupqike* vel *pubqike* vertendum esse: *publice*, *fameqias Pumpeqias* (<sup>135</sup>) recte explicari: *familiae Pompillae* (<sup>136</sup>). Verum etiam non mirabimur, si interdum quidem *q* et *Q* iisdem in vocabulis alternant, ut in his quatuor: *teqtu*, *vepuqatu*, *aqveitu* et *aqvviu*, quae, quum in Latinis quoque tabulis reperiantur: *arsveitu* et *arveitu*, *arsfertur* et *arfertur*, minime alicui possunt persuadere, *q* et *Q* eandem significare litteram (<sup>137</sup>).

(<sup>130</sup>) cf. *meridies*, *medius dies*; *audio*, *auris*; *κηρύχιον*, *caduceus*. Vide Schneid. Gr. L. I. 1. p. 257. 258.

(<sup>131</sup>) Vide Prisc. p. 559. Vel. Long. p. 2232. Fest. s. v. *arferia* cf. Lindemann T. II. P. I. p. 315. Schneid. l. l. Quint. Instit. XII, 10: „pro advorsum nonnulli pronuntiant asvorsum *d* litteram mollire tentantes.”

(<sup>132</sup>) cf. Muell. Etr. I. p. 56. n. 24.

(<sup>133</sup>) tab. I, 16. 17. tab. VI b, 54. 54. 58. 58. al.

(<sup>134</sup>) H. N. III. c. 19.

(<sup>135</sup>) tab. II a, 2.

(<sup>136</sup>) cf. quae supra diximus de numo Osco Aquiloniae urbis.

(<sup>137</sup>) Festus refert: „*perfacul* antiqui et *persefacul* dicebant, quod nunc *facile* dicimus (et *perfacile*), cf. Lindemann T. II. P. I.

16. 17. 18. Quum usque ad Bourguetium nota  
 d putarent b litteram signari, quamquam haec ubique  
 & repraesentata est, hic primus (<sup>138</sup>) ex comparatis  
 Umbrice Latineque scriptis tabulis recte intellexit,  
 sibilandii litteram illo signo exprimi, et cum Grae-  
 corum Z composuit. Quare miratus sum, quod ne-  
 que Passerius, neque Lanzius hanc Bourguetii anim-  
 adversionem in suum usum converterunt, ita ut Pas-  
 serius (<sup>139</sup>) strudla interpretetur Umbrica voce a Festo  
 (s. v.) laudata: *strebula*, et Lanzius (<sup>140</sup>) qui vocem  
*dihdera* (*sihsera*) derivat a *biber*, *potus* (ita enim  
 scribit et Charisium p. 99. laudat) vel emendasse (<sup>141</sup>)  
 sibi videatur Eugubinam tabulam (<sup>142</sup>), dum pro  
**STRVSLA** scribit: **STRVBLA**. Muellerus (<sup>143</sup>), a  
 Bourguetio tamen, ut videtur, non edoctus, tandem  
 suam rursus huic litterae vindicavit pronuntiationem.  
 At ne hic quidem animadvertisit, in Latinis quoque  
 tabulis hanc sibilandii litteram lineola quadam ad-  
 dita a frequentissima altera S distingui et X scribi;  
 id quod Bourguetius vidit quidem, sed nescio quo  
 casu in eo falsus est, quod hoc signum non cum d  
 sed cum L in tabula sua litterarum componit. Con-  
 feras (Umbr.) *dimu*, *derfe*, *derfie*, *Sade*, *Sadi*,

---

p. 118. 199. — Conferas etiam tab. I, 29. 32: *perQum*, tab. Bantin.  
 l. 5. 14. 21: *perum dolum malum* (i. e. *per dolum malum*).

(138) *Dis. Cort.* T. I. p. 1. 7.

(139) *Paralip.* p. 276.

(140) *Saggio III.* p. 697.

(141) *Ibid. III.* p. 834. 756.

(142) tab. VI. l. 59.

(143) *Etr. I.* p. 47. n. 101.

*strudla, purtindus, prusedete, prusedetu, prusedia et* (Lat.) *'simo, 'Serfe, 'Serfer, 'Serfi, 'Serfie, 'Serfia,* *'Serfiar, San'si, San'sie, stru'sla, purdin'ssus, prose-* *'setir, al.* Saepenumero tamen *S* et *'S* inter se commutata reperiuntur, quod quidem magis ei assignandum putaverim, qui tabulas exscripsit, quam ipsi sculptori; facillime enim praetermitti poterat lineola, quam Lanzio accentum (144) appellare placuit. Gru- terus ubique *S* exhibet, etiam quae vocabula Demp- sterus cum *'S* notavit.

# notam Passerius, Lanzius, Muellerus Graecorum  $\xi$ , Latinorum *x* litteram significare, sibi persuaserunt. Sed haec opinio ab una tantum gemma (145) proficiscitur, in qua legitur  $\Xi\#V\downarrow V$  (*Ulure*), Ulixis nomen. Atvero primum notandum est, Maffeium quidem ita illud nomen exhibere, Adamium (146) vero, et Gorium (147):  $\Xi\#V\downarrow V$ , quam Lanzius (148) quoque praefert lectionem. Inde vero apparet, ex Graeco nomine *Oδύσσευς* corruptum hic esse: *Utu\xi e*, necdum Latinum *os d* litteram in *l* commutasse — Etruscis enim, qui *d* litteram non habebant, permissionem huius litterae cum *l* cavere non opus erat,

(144) *Saggio* II. p. 759: „Sansie e poco appresso Strusla nell' originale hanno un *accento grave* sopra la *S*; così altre parole. Non credo appartenere alla dottrina dagli accenti latini lungamente esposta da Massino Vittorino (p. 1942.) ma essere un *capriccio dello scrittore*.”

(145) Gori *Mus. Etr.* tab. 198. Lanz. T. II. tab. IX. n. 3.

(146) *Storia Volsena* p. 32.

(147) *Mus. Etr.* tab. 198.

(148) *Saggio* T. II. p. 158. vide tab. IX. n. 3.  $\Xi\#V\lambda V, \Xi V\Xi\downarrow\Lambda$ .

quum *t* et *l* nimium profecto in ore discreparent (<sup>149</sup>). Sed etiam ex aliis nominibus colligendum videtur, non tam Etruscos, quam ipsos Romanos ξι litteram adamasse in pronuntiatione. Πελυδεύκης enim in Etruscis monumentis scribitur *Pultuke* (<sup>150</sup>) vel *Pultuce* (<sup>151</sup>), quum Romanorum *Pollux* ab ipsis demum correptum videatur ex *Polluces* (<sup>152</sup>) vel *Poloce*, qualis forma etiam in antiquo speculo Latino exhibetur (<sup>153</sup>), in quo POLOCES, ΙΟΣΝΑ (*Luna*), AMVCES (*Amycus*) legimus. Aias Etrusce scriptus reperitur (<sup>154</sup>) cum digammate ΡΑΓΙΛ, quum apud Romanos *Ajax* pronuntiatus sit. Quare quum *x* neque in *Pollux*, neque in *Ajax* Etruscum, sed mere Romanum sit, in verbo *Ulixes* quoque Etruscae non putaverim originis. Legendum igitur non *Utuxe*, sed *Utusse* (*Οδύστευς*) videtur. Atque hanc pronuntiationem ≠ litterae, secundum quam non multum differat ab S Romanorum, omnia, si quid video, confirmant. In Latinis tabulis Eugubinis constanter illi respondet S; conferas: (Umbr.) *piha‡*, *kunika‡*, *iapu‡kum*, *tase‡*, *an‡eriatu*, *a‡eriatu*, *‡e¶ef*, *pu‡e*,

(<sup>149</sup>) Sin vero legendum videatur alicui *Ulu‡e*, in Graeco iam ore hanc litterarum permutationem factam esse, concludi potest ex vase Volcente (vide *Mus. Etrusque de Lucien Bonaparte, Prince de Canino. Vases peints avec inscriptions. Viterbe. 1829.* T. I. tab. XXL n. 829.), in quo legitur: ΟΙVSEVS.

(<sup>150</sup>) Lanzi *Saggio* T. II. p. 214. tab. XI. n. 6.

(<sup>151</sup>) Id. T. II. p. 217.

(<sup>152</sup>) Plaut. *Bacch.* IV, 8. 52.

(<sup>153</sup>) Lanzi T. II. tab. XII. n. 6.

(<sup>154</sup>) Id. T. II. tab. IX. n. 6. p. 160. *Ajax Achillis* (ΑΙΑΙΕ) corpus ferens.

al. et (Lat.) *pihos, conegos, iapuscer, tases, aseriatu, serse(f), puse*, ita ut pronuntiandi diversitas litterarum ꝝ et ≠ postea evanuisse videatur. Sed in Etrusca quoque lingua ≠ simplicem sibilandi litteram fuisse, evincunt primum nomina, quorum compluria apud Etruscos per ≠, apud Romanos per s scribuntur, ut **AΜ≠ΙΑΝ** (¹⁵⁵) vel **AΜ≠ΙΑΝ** (¹⁵⁶), quod in bilin-gui inscriptione (¹⁵⁷) redditur *Caesius*; **VΙC≠I** Lan-zius (¹⁵⁸) recte composuisse cum **ΞΕΚΑΛΙΕ** (¹⁵⁹) et **Siccius** vertisse videtur; aliud nomen **A≠ΙΙΑΝ** (¹⁶⁰) in Latinis inscriptionibus (¹⁶¹) scribitur: **VILISA**, **VIIKISA**, **VEKISA**. Verum si Graecum ξ reddere volebant, ut in voce **Αλέξανδρος**, *Alexander*, non scripserunt **ΕΑΛΕΞΑΝΔΡΕ**, sed **ΕΑΛΕΞΑΝΤΡΕ** (*Elchsntrē*) (¹⁶²). Eandem litterarum coniunctionem etiam alibi repe-rimus, ut in verbis **ΕΛΕ** (¹⁶³),

**ΜΙΑΛΕΜΗΙΑΛΛΕΛΙΚΕ** (¹⁶⁴),  
et bis **ΞΙΛΙΕΛΙΗΞΙΛΕΛΛΙ** (¹⁶⁵). Multo frequentius in-venitur ꝝ vel **Ζ**, ut in **ΜΟΙΜV** (*umiks*) (¹⁶⁶),

(¹⁵⁵) Id. T. II. p. 342. 437.

(¹⁵⁶) Id. T. II. p. 446.

(¹⁵⁷) Id. T. II. p. 342.

(¹⁵⁸) T. II. p. 447. n. 420.

(¹⁵⁹) Id. T. II. p. 434. n. 365.

(¹⁶⁰) Id. T. II. p. 428.

(¹⁶¹) Id. T. I. p. 169. n. 15: **VILISA · CARILIA**. n. 13: **VII-KISA · CARTEIA**. n. 14: **VEKISA · VEDIA**.

(¹⁶²) Id. T. II. p. 221.

(¹⁶³) Lanzi *Saggio* T. II. tab. XII. n. 5.

(¹⁶⁴) Id. p. 396. n. 197.

(¹⁶⁵) Müll. *Etr. tab. III. n. 1. 2.*

(¹⁶⁶) *Inscr. Perus. mai.*

MΩΙΛΙΖΙΑ (167), ΕΡΕΦΑ (168), ΑΙΓΑΙΑΛΙ (169) et  
 ΡΩΑΤΑΙ (170), ΡΩΕΟ (172), ΑΙΓΑΙΗΙΑΙ (173),  
 al. Quid? quod vel ≠ C haud raro coniunguntur,  
 ΒΑΜΠΑΝΟΥ (174), ΒΑΕΚΠΙ (175); semel vel eadem in  
 inscriptione (176) reperio ≠ et ΖΕΞΙΔ: ΖΕΞΙΔ: ΖΕΞΙΔ  
 ΖΕΞΙΔ: ΖΕΞΙΔ: ΖΕΞΙΔ. Longe igitur frequentius hae litterarum  
 coniunctiones reperiuntur, quam ut arbitrari possi-  
 mus ≠ eundem sonum expressisse, quem Ζ vel  
 Graecorum ξ.

Iam vero si de peculiari natura atque origine  
 huius sibili, cuius in Etrusca tantum et Umbrica lit-  
 teratura hanc reperimus formam, quaerendum vide-  
 tur, praemoneamus, signum ≠ non posse factum  
 esse ex Graeco Ξ, primum, quod hic tres, illic duae  
 tantum lineae secant, deinde, id quod omnem li-  
 tem dirimit, quoniam ≠ vel in antiquissimis Etruscis  
 inscriptionibus reperitur, Ξ vero ante Euclidem +  
 scribebatur, quod quum facile commisceri posset  
 cum X vel + signo χ̄ litterae, propterea duabus  
 illis lineis adiunctum videtur. Maxime autem nota-  
 bilis est consensus signorum ≠ et +. Nam ut an-

(167) Lanz. T. II. p. 547.

(168) Id. p. 223. tab. XII. n. 3.

(169) Id. p. 400. n. 210.

(170) Id. n. 211.

(171) Id. p. 449.

(172) Id. p. 445.

(173) Id. p. 389.

(174) *Inscr. Perus.* in latere maiore l. 15. 16.

(175) Lanz. T. II. p. 514.

(176) Id. p. 532.

tiquissima illius litterae forma ≠, ita & litterae + fuisse videtur, saepissime tamen reperitur illius ≠, huius + obliqua forma; postero denique tempore iisdem semper in inscriptionibus reperitur ¶ et Η<sup>177</sup>). Quare quum in hac ῥe potissimum discrepent Graecae et Etruscae & litterae signa, quod in illo linea aequa imposita est alteri, in hoc respondens linea alteram secat, veri mihi videtur quam simillimum, signum ≠ respondere Graecorum signo litterae ζ, quod ab initio fuit Ι<sup>178</sup>), deinde Ζ factum est; Τ enim ex + prorsus eadem ratione factum est, atque Ι ex ≠. Ex ipso signo igitur aliquis coniecerit, pronuntiationem quoque litterae ≠ non multum abhorruisse a Graecorum ζ. Accedit autem, quod idem inauere videntur alia. Nomen, de quo supra iam commemoravimus, Α≠ΙΝΞ in alia inscriptione apud

(177) Ita Eugubinara tabularum I. et II. exhibent illam formam, III. et IV. hanc mutilatam.

(178) Vide Boeckh. *Taf. der Inschrift. zum zweit. Bd. d. Sibth. tab. I. n. II. l. 3. C. I. n. 30. cf. quae dicuntur ad C. I. n. 38. Eckh. D. N. T. I. p. cl. In numis vel admodum recentibus idem signum reperitur, vide Combe Mus. Brit. p. 33. n. 8: ΙΩΠΥΡΙΩΝ, 9. 10: ΙΩ, 15: ΙΟΡ; in numis Tarentinis. p. 77. n. 30. 31. ΙΕΥΣ ΕΛΕΥΘΕΡΙΟΣ. Sestini Class. p. 15. in numis Salapiae: ΔΑΙΟΥ. Mionn. Descr. I. p. 376. ΒΥΣΑΝΤΙΩΝ, ΒΥΖΑΝΤΙΩΝ, ΒΥΣΙΑΙ, ΒΥΖΑΣ. T. VII. pl. LXXXIIL n. 3: ΙΑΚΥΝΘΟΥ. pl. XLVI. n. 6: ΚΛΑΙΟΜΕΝΙΩΝ. Atque in ipsis vasis Volcorum Etruriae legitur ΙΕΒΣ (Luc. Mus. Etr. n. 530., non ΙΕΥΣ, ut refert Welcker. Rhein. Mus. 1832. p. 319.) et ΙΒΧΣΙΠΠΟΣ (lege ΙΒΧΣΙΠΠΟΣ i. e. Ζεύξιππος, in vase collectionis Dorowianaæ. Welck. l. l. hoc signum male habuit pro littera.)*

Lanzium (179) exhibetur **VELIZZA**, Osca (180), ut videtur, lingua. Osci nimirum in sua litteratura nusquam adhibent formam Ζ, at novant addiderunt Ζ (181); quid igitur probabilius est, quam eiusdem esse litterae ad Graecum morem paullo mutatam formam? Denique cognatio nominum (182): *arnth* (183) vel *arnt*, *arnile*, *arnthal* et *arntle*, *arnnal*, *arun...*, *arnze* confirmare videtur, in his postremis verbis Ζ potius ζ quam ξ pronuntiandam esse.

Haec sententia eo quoque confirmatur, quod ζητα quidem apud omnes populos notiores antiquissima fuit littera, ξι vero apud nullum populum a principio in alphabetum recepta fuit littera. Satis recenti tempore apud Graecos + signum desiit χι litteram designare, atque etiam recentiore fortasse

(179) *Saggio* T. I. p. 173.

(180) Romani enim non tantum Etruscorum Ζ sed etiam Graecorum et Oscorum Ζ per S vel SS reddebat, priusquam ipsi hoc signum receperunt. Diomedes (p. 417.) ubi de adiecta Ζ littera loquitur: „Messianus, ait, et pitissare et tablissare et caetera huiusmodi usum veterem declarabant.” Prisc. p. 552: „Antiquissimi quoque Medentius dicebant pro Messentius. Quin etiam simplex habet aliquam cum supradictis cognitionem, unde saepe pro Ζ eam solemus geminatam ponere, ut patrisso pro πατρίζω, pitisso pro πιτίζω, massa pro μᾶζα.” Adde Zaxūνος, Saguntus (Schneider. I. i. p. 41. 239.)

(181) vide Muell. *Etr.* II. p. 352.

(182) Lanz. T. II. p. 368. n. 100. 101. 102. 103. 104. p. 362. n. 77. 78. p. 363. n. 79. 81. al. Vermiglioli *Opusc.* IV. p. 68. 78. Muell. *Etr.* I. p. 429. n. 69.

(183) Apud Romanos: *Arunc*, apud Graecos: Ἀρρόνυς, vide Muell. *Etr.* I. p. 409., ut ΟΔΑΝ (larth) vel ΤΟΔΑΝ (lart) apud Romanos: *Lars*.

tempore apud Romanos X signum incepit *cs* pronuntiari. Etenim id non potest dubium esse, Romanorum X signum idem esse ac Graecorum X, quod eadem forma ξ litteram designat in Graecis numis Naxi Siciliae<sup>(184)</sup>. A principio vero tum Graecorum + vel X (ξ), tum Latinorum X nihil aliud fuisse nisi Graecis usitatum χ litterae signum, mihi est persuasissimum. Constat enim, *s* litteram apud Graecos tanto cum spiritu pronuntiatam esse, ut antecedentem quoque litteram aspiratam redderet, et Athenienses certe non κσ et πσ, ut Aeoles, sed χσ et φσ pronuntiarent. Antiquissimae igitur formae litterarum ξ et ψ reperiuntur Ψ<sup>(185)</sup> et Φ<sup>(186)</sup>; quin etiam ΕΧΣΑΜΟ legitur pro ἐκ Σάμου<sup>(187)</sup>. Quum vero circa tempus belli Persici vel paullo ante<sup>(188)</sup> has duas litterarum coniunctiones, quibus revera aliquid singulare inerat — ΤΣ enim fieri non poterat ΘΣ, quoniam ipsa lingualis *t* littera spiranti *s* tam propinqua erat, ut vel plane absorberetur, (cf. σώμα-(τ)σι, ἐπε(τ)σον, πέ(θ)σω, ἐλπι(δ)σι) — simplicibus signis repraesentare vellent Graeci, *s* litteram prorsus omiserunt, et alteram, parva quidem facta mutatione, retinuerunt. Ita pro Ψ(Σ) scripserunt + et pro simplice Ψ eodem fere tempore (c. Ol. 80.) X

(184) Eckh. *D. N.* I. p. cx. Mionn. *Descr.* T. VII. pl. xxxiv. n. 113. 114.

(185) vide supra. Boeckh. ad *C. I.* n. 3. cf. n. 165. sqq.

(186) vid. Boeckh. *Staatshh.* tab. I. n. 1. l. 3. tab. II. n. 3. l. 22. et *C. I. s. tis. Inscr. Attic.*

(187) Boeckh. *Staatshh.* tab. I. n. 1. l. 20. 34.

(188) Boeckh. ad *C. I.* n. 4.

(χ̄), quae quum littera (χ̄) interdum etiam + scriberetur (¹⁸⁹), ξ̄ Euclidis fere tempore (Ol. 94.) etiam magis distincta est duabus additis lineis (Ξ, postea Ξ factum). Φ(Σ) autem scripserunt Ψ, orbem aperientes. Et hanc quidem litteram Romani nunquam receperunt; verum ξ̄ litteram paullo post bellum Persicum (circa a. U. ccc.) quum litteraturam suam magna ex parte Graecae accommodarent, cum aliis receperunt, quam diu (¹⁹⁰) quidem ΧΣ, deinde Χ tantum eos scripsisse, satis multa in veteribus Romanorum monumentis comprobant exempla (¹⁹¹), quae longe plura sunt, quam ut aliquis contendere possit, scriptorum hanc fuisse imperitiam, qualem in aliis deprehendas scripturis: *soz̄omene, nuncquam, extincxit*, al. Mirum igitur, quod ne Schneiderus quidem, acutissimus harum rerum indagator, hoc animadvertisit. In Graecis vasis Volcentibus a Luciano hucusque repraesentatis signum ↓ ter reperitur (¹⁹²), ξ̄ vero littera uno signo repraesentata nunquam, sed ubique +Σ vel ΧΣ (¹⁹³), id quod prorsus accedit ad

(¹⁸⁹) C. I. n. 8. 9. In antiquis Buxenti numis ap. Eckh. D. N. L p. CL. Miōn. Descr. T. VII. pl. XXXII. n. 20. al.

(¹⁹⁰) De tempore plura vide infra, ubi de antiquitate tabularum agitur.

(¹⁹¹) cf. Schneid. Gr. I, 1. p. 370. 374. et in primis Grut. Ind. Grammat. sub littera s.

(¹⁹²) Vide Mus. Etrusque de Lucien Bonaparte, Prince de Canino. Vases peints avec inscriptions. Viterbe. 1829. n. 1499: Andromache. 1500: Achilei, Chiron.

(¹⁹³) Ibid. n. 1120: Ρ+ΙΝΟΦ, *Phoenix*; 1434: ΧΣΑΝΘΟΣ, *Xanthus*; 1900: ΕΧΣΕΚΙΑΣ ΕΤΤΟΕΣΕ; 1120: ΕΥ+ΣΙΘΕΣ ΕΤΤΟΙΕΣΕΝ. Adde IVΧΣΙΠΠΟΣ in vase Dorowiano.

Romanorum antiquam scripturam *xs* in: *vixsit, saxsum, exstrad, Maxsimus* (ita in permultis numis), al. Semel hoc signum **X** in Latinis quoque Eugubii tabulis reperitur in postica tab. VII: **PISI·PANVPEI·FRATREXS.** Respondet huic vocabulo in tab. V.l. 23. et V.b. l. 1. **ΖΕΩΔΕΚΟΣ** (*fratreks*), id quod sententiam meam, quum necessarium videatur, etiam confirmat, non casu factum vel negligentia quadam, ut in veterissimis quibusque Romanis inscriptionibus *xs* scriberetur, ubi postea *x* sufficiebat.

Tres igitur apud Umbros reperimus sibilandi notas **z**, **d**, **f**: tres etiam apud Etruscos exstisset, primus docuit Muellerus<sup>(194)</sup> qui **z** et **M** non tantum sibilandi litteras<sup>(195)</sup> ambas, sed etiam diversas esse demonstravit.

Ut vero porro exploremus, qualem habuerint hae litterae, cum Graecis Latinisque sibilis comparaatae, dignitatem, et quem inter ceteras litteras locum, necessarium videtur, ut ad Phoenicum alphabetum, inde a quo Graeci ceterique plurimi populi litteras receperunt, quaestionem revocemus. Phoenices enim, Hebraei, aliique orientales populi quatuor habent sibilos, qui in alphabeto ita se excipiunt: **ד (dsain)**, **ט (samech)**, **ז (thsade)**, **ש (schin vel sin)**. His de sibilis iam Buttmannus<sup>(196)</sup> recte monuit, *samech*, *thsade*, *sin*, manifeste respondere Graecis nominibus *sigma* (**M**, **Σ**, **Λ**, **C**, **σ**), *zeta* (**I**,

<sup>(194)</sup> *Etr. T. II.* p. 307.

<sup>(195)</sup> *Lanz. T. I.* p. 213. primus vidit, **M** non esse *m* sed *s* litteram. Neque vero differre putavit ab **z**.

<sup>(196)</sup> *Gr. Gr. mai. T. II.* p. 376.

Z) et san (ঃ), quorum postremum ἐπίσημον quidem equorum retinebatur. Est autem res nota, Graecos in ceteris omnibus fere eundem servasse ordinem litterarum, qui fuit apud Phoenices et Hebraeos. Quos enim in vocalium Graecarum locis varios spiritus videmus in alphabeto Hebraeorum, de iis perlegas, quae praclare disseruit Koppius (¹⁹⁷). Illa enim, ut apud ceteros populos, a principio vocalium signa fuisse, luce clarius demonstravit. Litteras autem Graecorum ipsas Hebraico ordine compositas exhibuisse iuvabit.

(Vide sequentem paginam.)

Unum hic desideramus signum, quod respondeat litterae dsain, atque praeterea transpositio litterarum M et I notanda. Litteram + (Ξ), cuius signum postero tempore ex Ψ (χῖ) signo factum vidi, iure hic omittimus, neque quisquam sibi persuadebit, vel sonum ΨΣ vel signum +, vel denique nomen ξι aliquid habere commune cum dsain littera. Adfuisse tamen aliquando in Graeco quoque alphabeto inter F et H sibilantem litteram, inde apparet, quod locum quidem servarunt atque aliam sibilantem inserere iis necessarium visum est. Et quod ipsum thsade (zeta) huc transponendum elegerunt, innuere videtur, dsain ob nimis illi similem pronunciationem apud Graecos abolevisse vel a Phoenicibus non receptam esse. San quoque litteram nunquam apud Graecos in pronuntiatione a sigmate diversam fuisse puto, quamvis signum Phoenicum ἐπίσημον re-

---

(¹⁹⁷) *Bilder und Schriften des Orients* T. II. p. 110. sqq. 128.

	A	alef
	B	bet
	Γ	gimel
	Δ	dalet
	Ε	(he)
Phoen.	(F) (198)	waw
ף ַ	dsain	(I)
	H (199)	chet
	Θ	thet
	I	jod
	K	caf
	Λ	lamed
	M	mem
	ו	nun
ׂ	ׂ samech (sigma) M. (+)	
	O	(ghain)
	ׂ	fe (pe)
ׂ	ׂ thsade (zeta)	I
	(Ω) (200)	kof
	P	resh
ׂ	ׂ schin (san)	(ঃ) (M)
	T	taw

(198) Digamma postea exolevit, locum tamen retinuit Σ signum numerale ex Λ ortum. vide Boeckh. *Sthh.* II. p. 383.

(199) η hic inserebatur, quoniam locus et signum supererant et H signum non amplius ad spiritum significandum adhibebatur.

(200) Ω apud Graecos ἵπιστυμον semper remansit, diu etiam in numis Crotonis, Syracusarum, al.

tinuerint. Herodotus (201) vel tradit, prorsus eiusdem litterae diversa tantum nomina fuisse, his verbis: τὸ γάμμα, τὸ Δωρέες μὲν σὰν καλέσοντι, Ἰωνες δὲ σίγμα, etc. Itaque sigma et san quoque, ut zeta et dsain, propter cognitionem sonorum in unum coaluerunt, nec valde mirabile videtur, si ea ipsa duo signa, quae ex quatuor supererant, utrumque in locum alterius expulsi migraverunt, neque enim casu hanc duplarem commutationem factam puto. Duo igitur loca iam vacua erant atque tum temporis Romani alphabetum receperunt, quum apud hos se excipiant litterae *n*, *-o*, *p*, *-q*. Postea autem nova inveniebantur signa  $\xi$  et  $\psi$ , quorum illud, quum, ut satis appareat, consueta loca rursus explere valde adamarent, inter  $\nu$  et  $\delta$  μικρὸν inserebatur: modo ne quis aliam inter hanc litteram et hunc locum suspicetur coniunctionem (202). Romani quidem, quum aliis uterentur numeralibus signis, suum huic litterae in fine alphabeti locum tribuerunt. Verum post  $\pi$  litteram, ubi zeta quondam locum tenuerat, nunquam alia inserta est littera, quamvis non absolum videretur, si ut supra  $\xi$ , hic  $\psi$  numerata esset. Θ vero signum, suo loco depulsum, inter notas numerales post  $\omega$  posita, 900 significat.

Restat, ut inquiramus, an vestigium quidem in Graeca litteratura dsain litterae reperiatur, quum

(201) I. I. c. 139. cf. Boeckh. *Sthh.* II. p. 386. C. I. n. 25.

(202) Buttmannus *Gr. Gr. mai.* T. II. p. 376. et Muell. *Etr.* II. p. 308. n. 79. in eo dissentiant, quod dsain Hebraeorum ad formam quidem recognoscere sibi videntur in  $\xi$  signo, sed Boeckh. *Sthh.* T. II. p. 386. secus certe intelligi voluit, quam aliis visum est.

unica certe esset, cuius ne signum quidem a Phoenicibus ad Graecos esset propagatum. Proficiscimur autem hac in quaestione ab Etrusco et Umbrico alphabeto (203), ubi tres litteras sibilandi reperivimus:  $\zeta$ , M, ≠ et  $\zeta$ , d, ≠, quibus comparatis appetet, M Etruscorum et d Umbrorum sibi respondere. Id vero dubium esse non potest, M Etruscorum idem esse signum, atque M Graecorum i. e. samech Hebraeorum. M postea Graeci in Σ, Λ, C, σ converterunt, ad exemplum, ut videtur, Hebraeorum, qui quum ad sinistram scribebant, eandem litteram δ (204) formabant. Etrusci semper erectum retinuerunt signum M; Umbri vero Hebraica forma (δ) erecta usi esse videntur (d). De littera ≠ supra exposuimus, nonnisi ex I littera eam natam esse posse. Tertium igitur restat signum  $\zeta$ , quod profecto nulla ratione ex Σ signo fieri potuit, quum Etruscum M nunquam Σ, ut idem signum apud Graecos, vel Ζ scriptum sit, et vel in antiquissimis (205) inscriptiōnibus M et Ζ una reperiantur. Verum enim vero id nemo opinabitur, pronuntiationis postero demum tempore discriminem existisse in his litteris: quare si

(203) Osci, ut Graeci, duas distinguebant sibilandi litteras ζ et Ζ, Latinae quoque tabulae Eugubinae duas S et ſ, respondentes eas Etruscorum ζ et M (Ζ et d); Romani solam retinuerunt S (Ζ enim ad Graecas tantum voces adhibebant.)

(204) Hebraeorum scripturam quadratam multo iuniorem esse, quam vulgata est opinio, docuit Koppius. *Bild. und Schrift.* T. II. p. 160 sqq.

(205) Lanzi. T. II. p. 391. n. 190. 191. 192. 197. al. cf. Muell. *Etr.* T. II. p. 307.

primitivam pronuntiandi diversitatem conservarunt, consentaneum est, primitiva quoque signa eos conservasse. Inter sin autem et dsain quum eligi tantum possit, nullam omnino p[ro]ae se fert formae similitudinem sin (Phoen.  $\aleph$ ) vel Graecum san (Ξ), maximam contra dsain  $\tau$ , cuius Persica forma  $\zeta$  (deinde  $\varsigma$ ,  $\zeta$ ) fuit (206), Phoenicum (207)  $\phi$ ,  $\lambda$ . Qua de caussa non dubito, Etruscorum Umbrorumque  $\lambda$  signum quin non ortum ex Μ Etruscorum, vel Σ Graecorum, sed superstes sit litterae dsain nota. Atvero eandem formam apud Graecos quoque reperimus. Et quoniam apud hos eadem licet vice atque Μ vel Σ adhibitam invenimus, tempore tamen sane vetustiore (208), quam ut depravata esse possit ex ipso Σ signo, dsain litterae vestigium vel in hac Graecorum nota agnoscendum puto, et locorum (209) po-

(206) Kopp. *Bild. und Schrift.* T. II. p. 383.

(207) Ut apud Phoenices ex  $\tau$ , signo  $\lambda$  factum est, ita apud Graecos antiquissima  $\tau$  litterae ( $\lambda$ ) signum  $\lambda$  fuit. Vide Boeckh. *C. I.* n. 3. 4. 5. al.

(208) Boeckh. *C. I.* n. 8. 9. 10. 11. 25. al. In primis etiam antiquissimae Boeotiae inscriptiones, n. 1599. 1639. 1640. 1644. 1649. al., in quibus constanter  $\zeta$  reperitur, demonstrant, hoc signum antiquius fuisse, quam Σ, quod, ut per totam deinde Graeciam, in ceteris Boeoticis quoque inscriptionibus usurpatur. Cf. etiam Villois. *Anecd.* T. II. p. 167.

(209) Magna profecto his in rebus fuit locorum differentia, et maxime anceps mihi videtur, inscriptionum variis in terris repertarum aetatem velle constituere ex litteris quibusdam vel antiquissimae formae. Longe gravioris hac in quaestione momenti sunt recentiores formae litterarum, quippe quae adhiberi non poterant, antequam inventae erant. Veterima enim signa diutissime saepe retinebant certis in locis, id quod Italica litteratura tum Roma-

tius, quam temporum diversitatem effecisse suspicor, ut haec vel illa nota scriberetur — neque enim iisdem in monumentis **M** vel **S** et **ſ** reperitur —.

Umbricum igitur alphabetum, si ad Hebraeorum ordinem disponimus, cum ceteris alphabetis ita componendum videtur.

	<i>Umbr.</i>	<i>Etrusc.</i>	<i>Osc.</i>	<i>Rom.</i>	<i>Umbr.</i>	<i>Lat.</i>	<i>Graec.</i>
	<b>A</b>	<b>A</b>	<b>N</b>	<b>A</b>	<b>A</b>	<b>A</b>	<b>A</b>
	<b>B</b>	-	<b>B</b>	<b>B</b>	<b>B</b>	<b>B</b>	
	-	-	>	C (G)	C (G)	<b>Γ</b>	
dalet.	<b>¶</b>	-	<b>Я</b>	<b>D</b>	<b>D</b>	<b>D</b>	(Δ)
	<b>়</b>	<b>়</b>	<b>়</b>	<b>E</b>	<b>E</b>	<b>E</b>	
	<b>়</b>	<b>়</b>	<b>়</b>	<b>F</b>	<b>F</b>	<b>F</b>	(F)
dsain.	<b>়</b>	<b>়</b>	<b>়</b>	<b>S</b>	<b>S</b>	<b>S</b>	(S)
	<b>়</b>	<b>়</b>	<b>়</b>	<b>H</b>	<b>H</b>	<b>H</b>	(H)
	<b>়?</b>	<b>়</b>	<b>়</b>	-	-	<b>Θ</b>	
	<b>I</b>	<b>I</b>	<b>I</b>	<b>I</b>	<b>I</b>	<b>I</b>	(I)
	<b>়</b>	<b>়</b>	<b>়</b>	<b>K</b>	<b>K</b>	<b>K</b>	
	<b>়</b>	<b>়</b>	<b>়</b>	<b>L</b>	<b>L</b>	<b>L</b>	(Λ)
	<b>়</b>	<b>়</b>	<b>়</b>	<b>M</b>	<b>M</b>	<b>M</b>	
	<b>়</b>	<b>়</b>	<b>়</b>	<b>N</b>	<b>N</b>	<b>N</b>	
samech.	<b>d</b>	<b>M</b>	-	-	<b>X</b>	<b>M</b>	(Σ)
	<b>V</b>	<b>V</b>	<b>V</b>	<b>O</b>	<b>O</b>	<b>O</b>	
	<b>1</b>	<b>1</b>	<b>Π</b>	<b>P</b>	<b>P</b>	<b>Π</b>	

norum tum Magnae Graeciae luculenter evincit. Similiter factum puto multis in locis ipsius Graeciae, atque in iis potissimum, quorum Ioniae atque Atticae minor erat adpulsus. Quare si in Doricis Italicisve inscriptionibus antiquiora et recentiora signa coniuncta reperimus, non iudicabimus, quae hucusque recentiora visa sint, hoc loco iam prius adhibita esse, sed antiquiora hic esse retenta.

	<i>Umbr.</i>	<i>Etrusc.</i>	<i>Osc.</i>	<i>Rom.</i>	<i>Umbr.</i>	<i>Lat.</i>	<i>Graec.</i>
th	sade.	#	#	Z	-	-	I(Z)
	-	-	-	Q	Q-	(Q)	
	D	D	D(b)D	R	R	P	
sin.	-	-	-	-	-	-	(Ξ)
	†	†	T	T	T	T	

## Accedunt:

-	-	-	V	V	V(Y)
8	8	8	-	-	Φ
-	↓	-	X	X	↓(X, +)
-	-	-	(X)	-	+ (Ξ)
-	-	-	-	-	Ψ
-	-	-	-	-	Ω

Qua in dispositione quum in Etrusco, Umbrico, Osco alphabeto V signum in loco .xvi., in Graeco et Latino inter accedentes litteras posuerim, opus est, ut hac de re aliquid adiiciam.

20. 23. V in tabulis Umbrice scriptis solam u vocalem significare, supra vidimus; in Latinis vero tabulis simul vocalem et consonantem v exprimit, accessitque praeterea vocalis o. Quaestio exoritur, utrum Etrusci, Umbri, Oscii atque tota fere Italia a principio quidem o litteram habuerint, deinde abiecerint, a Romanis denique rursus receperint, an a primis inde temporibus eam non habuerint.

Atque quum alibi contenderimus, facile nullum olim fuisse populum, qui scripserit litteram aliter atque pronuntiaverit, speciose iam aliquis obiecerit, ante Ol. 94, 2. et o et ω et ου litteras per solum o signum, ε et η et ει per solum ε signum scriptas esse.

Et verum hoc quidem, aliqua certe ex parte. Sed accuratius hac de re videamus. Apparet autem, omnia signa, quae Graeci ad Phoenicum alphabetum insuper adiecerint, ex ipsis tamen Punicis progenita esse<sup>(210)</sup>, excepto uno Y signo, quod in antiquissimis inscriptionibus<sup>(211)</sup> V, deinde Y<sup>(212)</sup> scribebatur. Hoc enim nullum habet signum, ex quo proficisci potuerit. Magnam vero coniunctionem existisset inter litteras o et u, nemo non videt. Non tantum O signum olim u litteram significavit, sed demonstrari potest, Y quoque signum, ut ad formam Romanam Etruscamque (V), ita ad sōnum olim accessisse, ita ut O et Y eiusdem litterae fuerint signa. Accedit, quod in cognatis linguis omnibus u littera antiquior et magis quasi nativa est, quam o, et Sanscrita Gothicaque lingua ne habuerunt quidem meram brevem vocalem o, sed longam tantum, quae iuniorem p̄ae se fert originem<sup>(213)</sup>, ut omnes diphthongi. Atque nihilominus Graeci O litteram in primitivum alphabetum receperunt, V tanquam recentem et ab ipsis inventam post ταῦ,

(210) Ex Π factum est: Ω, Φ, Φ, ex Φ: Ψ, ex Κ (Λ in numeris antiquis Agrigenti, Mionn. *Descr.* T. VII. pl. XXXIII. n. 71. 75. Sest. *Class.* tab. II. n. 76. et in perantiquo Chalcedonis, Eckhel. *D. N.* I. p. c.) factum est Ψ, Ψ, +, X; + vel X deinde etiam ξ; significabat, quod postea Ξ, Ξ factum; Ω, originem suam p̄ae se fert, atque η littera ipsam alias litterae formam immutatam induit. cf. Buttm. *Gr. mai.* P. II. p. 377. et Bourquet in *Diss. Corton.* T. I. p. 10.

(211) *C. I.* n. 1. 3. 4. 5. 8. al.

(212) *C. I.* n. 7. 10. 20. 25.

(213) Vide Grimm. *Gr. I.* p. 594. 595.

quae est postrema primitivi alphabeti, adiunixerunt? Et hanc a Graecis demum adiectam litteram Italia quoque antiquissima postremo loco posuit, quamvis O littera prorsus caruerit? Claram hac in quae-  
stione lucem effundit comparatio litterarum Ori-  
entalium (214), unde apparet, O et V ab initio idem  
signum eiusdem litterae (215), atque unum fuisse ex  
illis, a Koppio (216) compositis, quorum superior  
pars ab initio fuit orbis clausus, in aliis deinde al-  
phabetis hians. Littera enim b apud Phoenices 9,  
apud Aramaeos ፻, littera d ፻ deinde ፻, ajin O  
deinde ܵ, kof ܴ deinde ܶ depingebantur. In He-  
braeorum autem alphabeto locum xvi. tenet ajin,  
quam litteram Phoenices O (ܶ<sup>(217)</sup>, ό) ut Graeci  
ܶ μικρὸν designant, Hebrei veteres O et ∇; Aramaei  
aperiunt orbem (ܵ) et simillimum reddunt signum  
Graecorum antiquissimae formae V, quam Etrusci  
et Latini retinuerunt; Palmyreni eidem ajin litterae  
prorsus ut postea etiam Graeci lineam addunt, ut  
si Palmyrenum signum (ܻ) dextrorsum vertis secun-  
dum Graecam scripturam, habebis Graecorum signum

(214) Kopp. *Bild, und Schrift.* II. p. 392.

(215) Suspicionem hac de re iam moverunt Barthelemy *Hist. de l'Acad. des Inscr.* T. XXIII. p. 420. et Villois. *Anecd.* T. II. p. 170. 301., uterque vero nitus in spuriis Fourmontii inscriptio-  
nibus cf. Buttm. *Gr. Gr. mai.* T. II. p. 380.

(216) *Bild, und Schrift.* T. II. p. 162.

(217) Persimilem formam ܶ exhibent numi Nicopolis et Mar-  
cianopolis Moesiae urbium, vide Eckh. *D. N.* I. p. cl. Iuniores ta-  
men sunt, ideoque vix historicam cognitionem aliquis suspectur  
inter has duas formas. Videtur potius ܶ scriptum pro OV, unde  
facillime postea ܸ (ou) fieri potuit.

ꝩ, id quod deinde Y formarunt. Alia alphabeta magis sinistrorum reclinant; Hebraeorum autem vulgata scriptura rursus ad Graecam Y accedit et y exhibet. Ad Graecos igitur et clausa et aperta huius litterae forma propagata est, aperta serius, quare post ταῦ litteram reposita est. Ambo profecto signa diu u sonum exprimebant, fortasse diversis tamen in locis, ut suspicati sumus etiam de dsain et san litteris (<sup>218</sup>). Atvero sensim hic sonus in duas abiit partes, quarum altera ad a magis accedens O, altera ad i magis accedens V designabatur. Ita factum est, ut iam nullum haberent signum ipsius u soni, quem deinde ambobus signis ou exprimebant. Id vero non praetermittendum videtur, hanc duplicem permutationem non simul in omnibus dialectis atque eadem ratione factam esse. Nam quum ex duabus magnis Graecarum dialectorum partibus, altera Aeolicam, Doricamque complectens, antiquissimam linguae formam, ut cognatarum linguarum comparatio evincit, plerumque integriorem retinuerit, altera Ionica, quae maxima ex parte in Atticam quoque terram deinde ingruit, ab illa recesserit, linguaes universas sibilans (<sup>219</sup>), vocales acuens et attenuans (<sup>220</sup>), miroque

(<sup>218</sup>) Ita Muellerus *Etr.* II. p. 295. not. 18. y litterae C formam Doriensibus maxime in usu fuisse putat.

(<sup>219</sup>) δυγὸς, ζυγὸς; Δεὺς, Ζεὺς; Φίνατι, εἴκοσι; τοὺς, σὺ; dor. ἔωντι, ἔχωντι, boeot. ἴωνθι, ἔχωνθι, ion. ἔωσι, ἔχωσι; γραιματίδδω, γραιματίζω. cf. Boeckh. *C. I.* p. 724. goth. *tuggo*, ahd. *zunga*; goth. *vato*, ahd. *wazar*; goth. *suti*, ahd. *suosi*. cf. Grimm. *Gr. I.* p. 152. al.

(<sup>220</sup>) a mutatur in η (ΑΘάνα, νικάσας) vel in ε (ιαρος, γα, οα)

harum rerum consensu eandem viam ingrediens, quam Germanicae quoque eae dialecti, quae altiorem politioremque consecutae sunt culturam (221): huc etiam pertinere arbitror, quod apud Iones primos V littera ad i vocalem appropinquasse videtur, quae apud Aeoles et Dores multo diutius pristinam servavit pronunciationem. Itaque posteaquam Ionicae inductae sunt litterae, Boeoticae inscriptiones exhibent κούνες, στούν, κάρπευξ, τούν, Διωνούσιος (222), unde patet, in antiquissimis titulis KVDIΛΛΕ (C. I. n. 1643.) legendum esse Kudille, ΔΙΦΝΥΣΩΕ (n. 1599.): Dionusoe (223). O vero signum mature profecto non amplius u sed o litteram significavit, semperque retinuit. Ionicum os, ut Y litterae pronunciationem attenuavit, et KVNES non Aeolum more kunes sed κούνες pronuntiavit, ita O signo primitivum rursus u sonum vindicasse videtur. Scriebant igitur Λέτος (C. I. n. 1.), Τυάσιο (n. 2.), ΗΕρμοκράτος (n. 8.), ὁδενί (n. 26.), legebant: Λητοῦς, Τυασίου, Ερμοκράτους, οὐδενί. His omnibus in verbis Aeoles antiquorem servarunt pronunciationem, quum etiam post invectas litteras

---

quocum in Germanicis linguis efficientia vocalis i comparari potest. In contractionibus ex ee non fit η, sed ει, pariterque ex ε producta (ἐποίεε, ἐποίει; ἵε, εις; τύπτεν, τύπτειν; τυφθέντς, τυφθείς). Ex α et o vel ω apud Dorienses fit α (Ποτειδᾶν, τᾶν), apud Iones ω; o producunt illi in ω (τύπτωσα), hi in ου.

• (221) *Die hochdeutschen Dialecte.*

(222) Boeckh. C. I. n. 1583. 1569 a. cf. p. 722. Muell. Dor. II. p. 518.

(223) Bonap. Mus. Etr. n. 1003: KAIBVLOS. Rapporto del Prof. Gerhard in Annal. dell' Instit. 1831. n. 636: XLIBVLOS. Welcker l. l. p. 320.

Ionicas scribebent: Εὐθωλος (Εὐθαυλος), τῶ πολέμῳ (τοῦ πολέμου), ἵσγόνως (ἵσγόνους) (224). Semper praecessebunt autem Iones in pronuntiatione subtilius excollenda et polienda. Hi igitur primi tres distinxerunt sonos *o*, *u* et *ue*, quos tribus etiam signis primi designarunt O, OY, Y. Quae quidem scriptura simul cum pronuntiatione in Attica quoque deinde invalluit. Simillima profecto non scribendi tantum, sed pronuntiandi transitio fuit in litteris ε et οι, quum olim legeretur aequa ac scriberetur ἵς, τύπτεν, al. (225). Quare iam licet revertere ad eam, a qua profecti sumus, sententiam, veterem vix reperiri linguam vel dialectum, in qua per longius temporis spatium litteratura non assecuta sit pronuntiationis ubertatem et subtilitatem. Simul vero apparuisse credo, quo iure V signum Etrusci, Umbrici, Oscii alphabeti in loco xvi. posuerim.

---

## DE TEMPORE, QUO INSCRIPTAE SUNT TABULAE.

---

Posteaquam singulas recensuimus litteras, earumque pronuntiationem exploravimus, iam cui tempori tum formae litterarum tum ipsius linguae ratio maxime convenient, inquirendum restat. Apparebit autem

(224) Vide Boeckh. C. I. p. 724.

(225) Gregor. Korinth. ed. Schaeff. p. 308.

ex sequentibus, id quod iam in praecedentibus passim animadvertere licebat, omnium fere Italiae tum scripturarum, tum linguarum fuisse communitatem quandam progressionis. Vel inter Graecam Etruscamque litteraturam non modo primitivam coniunctionem sed etiam perpetuum aliquod commercium exstisset, affirmavit O. Muellerus (226). Qua de causa non vereor, ne temere agendi vituperationem latus sim, si ex formis litterarum, comparatis ceteris Italicis, in primis Etruscis litteris, adhibitisque etiam Graecis, conclusionem efficere conor, de tempore, quo scriptae videantur tabulae. Accedunt autem ad formas litterarum nonnullae ipsius linguae mutationes, quae argumentandi nobis copiam facient. Multorum ita indiciorum consensu tempus certe constituere licebit, quod ultra citraque haec monumenta inscripta esse nequeunt.

Praemittamus igitur Umbrice scriptas tabulas, in quibus aliae litterae, ut **B**, **d**, **¶**, **Λ**, quippe quae Umbris videntur peculiares fuisse, omnino nullam admittunt comparationem, aliae, ut, **ß**, **I**, **1**, **Q**, **Σ**, **V**, in Etruscis tum antiquissimis, tum recentissimis monumentis formis prorsus iisdem conspicuntur, aliae denique diversis quidem formis exhibitae sunt, iis tamen incertis, cui quaeque aetati tribuenda sit. Paucae tantum restant, quas ad temporum rationem revocare licet.

*A* littera in nonnullis antiquissimis sepulcrorum

(226) *Etr.* II. p. 292.

titulis (<sup>227</sup>) scribitur **A**, in longe plurimis, neque iis recentissimis (<sup>228</sup>), ut in nostris tabulis **A**.

**X** nondum in iuniorem formam **C** (<sup>229</sup>), quam in omnibus fere Etruscorum sepulcris, speculis aliisque monumentis reperimus, commutatum est. In antiquissimis tantum inscriptionibus (<sup>230</sup>), nonnullisque Graecos maxime heroes repraesentantibus speculis reperitur. Iuniorem illam et vulgatam Etruscorum scripturam Muellerus (<sup>231</sup>) circa a. U. 280 increbuisse suspicatus est, idem vero adiecit, haud raro in senioribus quoque monumentis antiquiores istas litteras inveniri, id quod ad nostras tabulas adhibere non dubito, quae iuniores certe illo tempore cognoscuntur.

**E** litterae signa quamvis paullo varientur, nulla tamen cum fide indicari potest, quae sit antiquior, quae iunior forma.

(<sup>227</sup>) Lanzi. T. I. tab. III. n. I. III. tab. II. n. 188. 192.

(<sup>228</sup>) Id. T. II. n. 189. 191. 194. 195. al.

(<sup>229</sup>) Maiorem hac in re observare licet Etruscae litteraturae cognitionem cum litteratura Siciliae et Magnae Graeciae, quam ipsius Graeciae, quum **C** signum aliunde non potuerit profieisci, nisi ex forma γ litterae, quam veterimi numi Agrigenti, Gelae, Rhegii, Segestae constanter **C**, reliqua Graecia fere omnino non exhibet. (In vase Corinthio C. I. n. 7., in quo ΛΑΔΒΜΜΟΝ scribitur, alia quoque offendunt.) Apud Etruscos enim pariter atque apud Romanos **C** non esse depravatum ex **K** (IC), in cuius vicem deinde successit, sed Graecorum gammatis signum (Λ, Μ, Γ, Κ, Σ) esse, evincit Romanum alphabetum, in quo **K** locum decimum, **C** locum tertium accepit. **C** quoque pro **F** haud scio an nusquam in ipsa Graecia reperiatur, at in Magna Graecia in usu fuit.

(<sup>230</sup>) Lanzi. II. n. 189. 191. 192. 194. 197.

(<sup>231</sup>) Etr. II. p. 311.

¶ littera in tabulis nostris semper ɔ scribitur, sed licet primis temporibus ¶ tantum in usu fuerit, mature tamen ambo signa alternant iisdem in sepulcris. Quid? quod in recentibus inscriptionibus Perusiniis, bilinguis, omnibusque longioribus (232) constanter ¶ exhibetur. Quare ɔ non antiquissima quidem, antiquior tamen forma videtur.

8 num in monumentis mere Etruscis etiam Graeco signo Θ scriptum deprehendatur, valde dubito. Si quidem, ut alii putant, alternant ambo signa, antiquius profecto est Θ signum, quippe quod antiquissimum est Graecae φ litterae. At quae ipse perlustravi Etruscorum monumenta, hanc mihi sententiam probare non potuerunt. In vetustissimis Graecis inscriptionibus inveniuntur formae □ (233), Θ vel Φ (234) et Φ (235). Hanc formam in Θ, deinde in 8 et 8 Etruscos vertisse, dicunt Ligorius, Lanzius, Muellerus. At primum illae inscriptiones, in quibus Θ pro 8 sibi deprehendisse videntur, nequaquam inter antiquiores referenda sunt, id quod exspectaveris tamen, quum ne una quidem unam ex antiquis litteris A, K, M, N, al. exhibeat: omnes potius ad ceteras prorsus accedunt, quae vulgata scriptura conspiciuntur. Haec vero vulgata et iunior scriptura ceteroqui constanter 8 f litterae et Θ h litterae notas distinguit: nisi quod in gemmis nonnullis, quae profecto non tam antiquitate artificii vel litterarum

(232) Lanzi. II. n. 470. 471. 472.

(233) C. I. n. 11.

(234) C. I. n. 1. 8. 10. 15. 17. 27. al.

(235) C. I. n. 7. 32.

— iuniores enim facile agnoscantur —, quam Graeca arte conspicuae sunt, nomina *Pherse* (Perseus), *Phulnice* (Polynices), *Amphiare* (Amphiaraus), neque 8 neque Θ signo, sed consueto Graeco signo Φ scripta sunt, id quod nostram auget potius, quam minuit suspicionem, 8 signum Etruscis, Umbris, Oscis fuisse proprium, Φ sero tantum ex ipsa Graeca litteratura inventum esse (236). Quid? quod ne primi tiva quidem cognatio signorum 8 Etruriae et ΙΙI vel Φ Graeciae evinci potest, quum neque apud Etruscos antiquior aliqua forma Θ vel Θ indicari possit, neque apud Graecos similis huius litterae commutatio unquam reperiatur. Osci, qui aliis in litteris

(236) Muellerus in suam rem attulit, in Etruscis sepulcris nomen ΗΤΑΦ et ΗΤΑΘ reperiiri (cf. Lanz. T. II. n. 43. 224. 225. 231. 232. 233. 237. 264. 274. 418. 431. et p. 283.), at quum tot aliis in titulis 8 et Θ coniungantur, atque ne minimā quidem discrepantia signi Θ deprehendatur, ubi ή et ubi φ significari putant, quum in Umbria quoque et Osca litteratura neutiquam hae litterae commisceantur, quum denique illud nomen etiam ΗΤΑΘ (n. 233. et p. 283.) scriptum reperiatur, mihi persuasum est, diversas fuisse gentes, alteram Fastinam, alteram Hastinam dictam. Θ enim, ut in Graeca antiquissima, ita in Etrusca Oscae litteratura notum est signum ή litterae, nanquam φ. ΗΕΘΕ (Lanz. II. p. 509.) et ΗΕΘΕ (p. 514.) Muellerus (Etr. II. p. 298. n. 36.) legit: *cehen*, quamquam in altera Perusina etiam ΒΗΑΦ invenitur, de lectione igitur: *cehen* dubitari nequit. Signum vero Φ (L. n. 191. ΣVIΥΨ ΨΙΑΒΑΙΜ, 292: ΡΥΞΦ, 357: ΡΥΞΦ) nihil est aliud, nisi θ, quod alibi Φ (n. 139. 140. 141.) scribitur; eandem enim notam etiam repieres in voce ΙΦΟΑΥ i. e. *larthi*, (n. 220.) Quare nomen ΡΥΞΦ non verti potest *Vesius*, ut Lanzius vult (neque enim ΡΥΞΕ legitur), sed legendum: *thesca* et componendum cum nomine: *thesca* (n. 416.). ΗΤΑΦ autem (n. 224.), si recte a Lanzio representatur, legendum est: *thasti*. cf. *thasma* (n. 136.).

formandis proprius accedunt ad Graecam litteraturam (cf. Β, Γ, Ι, Π, Υ, Τ), in hoc signo vel magis recedunt, quum eandem litteram Θ depingant; atque si quae Graecorum nomina in Etruria scripta reperiuntur, satis mire non Etruscum Θ signum, sed ipsum Graecum Θ exaratum videmus. Legitur in numis Sabinis: ΙΙΙΙΙΙΙΙΙΘ, unde coniiciat aliquis, arctiorum inter Θ et Θ cognitionem.

Ο, si Dempsterum sequimur, bis in tabulis inventur, et bis a Dempstro cum puncto exhibetur. Iuniora tamen Etruscorum monumenta plerumque omittunt punctum, et formam Ο exhibent.

Μ et Η formae in antiquissimis Etruscorum monumentis Μ et Η, ut olim apud Graecos quoque, scribuntur. Mox tamen antiqua haec forma evanuisse videtur, atque eodem fere tempore i.e. circa a.U. 280, quo Graeci eam cum Μ forma commutarunt, apud Etruscos Μ invaluisse videtur. cf. Muell. *Etr.* II. p. 304. 310.

Ζ litteram aequa antiquam esse, quam Μ, quae nostris in tabulis non reperitur, supra demonstravimus.

¶ et # a Graecis semper scribuntur Τ et Ι (Ζ), quarum formarum in Etruscis monumentis nulla existant vestigia. Videtur autem haec Etrusca et Umbrica forma etiam antiquior quam Graeca, quum ¶ vel + (237) prorsus accedat ad Phoenicum + (238).

(237) Lanz. n. 197. 292. 293. al.

(238) Vide Kopp. II. p. 398. — Si cetera perlustramus signa, reperimus Λ, Ά, Ή, Ε, Κ, Ι, Ζ, Μ, Υ, Δ(Ψ), Μ, Ζ, Ο, Λ, Ζ in veterissimis Graecis atque Etruscis inscriptionibus fere eadem (nam

Haec mihi satis probasse videntur, eam, quam tabulae Eugubinae exhibent, Umbricam litteraturam, antiquissimis non adiudicari posse temporibus, sed post tertium ab Urbe condita saeculum finitum eam ponendam esse, neque vero recentissimis magis convenire temporibus, quum C, O, Y et alia signa, quae passim in monumentis iunioribus, hic non reperiantur.

Tempus autem, post quod hae tabulae Umbrice scriptae poni non posse videntur, melius ex ipsius linguae quadam permutatione constitui potest.

De multis enim Latinis verbis compertum habemus, in quibus olim s, postea r pronuntiatum sit, ut ipsi veteres (<sup>239</sup>) referunt et monumenta (<sup>240</sup>) con-

---

etiam extrema illa lineola litterae M, quam Muellerus p. 304. ab Etruscis additam dicit, reperitur C. I. n. 3.); differunt autem I (I), 1 (I), T (T), F (F), 8 (III). Ex iunioribus Graecorum formis: A, H, L, M, N, Σ, Y, X, R, Z, Π, Φ, C Etrusci C tantum receperunt, et Φ litteram in nonnullis Graecis nominibus admissoe videntur. Graeci vero nullam ex Etruscis signis iunioribus: A, E, O, M, N, Y, F receperunt. Ad Phoenicum alphabetum accedunt Etruscae litterae Ʒ (Ʒ), Ǯ (Ǯ, Ǯ), K (K), J (J), M (M), N (N, Ҥ), 1, 9 (Q, Ҩ), T (T), Graecae: 1 (I), D (Q), Ǯ, Ǯ, K, J, M, N, O (O), Q. Apparet inde, maiorem certe olim similitudinem inter Etruscum Graecumque alphabetum intercessisse, quam inter Etruscum Punicumque, commercium tamen, quod Muellerus (II. p. 292.) etiam posterioribus temporibus agnoscendum putat inter Etruscum Graecumque alphabetum, non ita magnum fuisse; quum utrumque suam maxime viam persecutum sit.

(<sup>239</sup>) Varr. Cic. Liv. Quintil. Macrob. Prisc. Fest. Terent. Scaur. Dionys. Halic.

(<sup>240</sup>) Carm. fratr. Arval: *Lases*; Legg. antiqu: *laebesom, asam, maiosed*, al.

firmare videntur, cf. *plisima*, *Fusius*, Σπόνσιος, *lases*, *fesiæ*, *pignosa*, *meliōs*, *ianitos*, *arbos*, *honos*, *labos*, *quaeso*, al., quorum complura etiam postea non prorsus exoleverunt, alia r. receperunt, quamvis in aliis eiusdem stirpis vocibus s. servata sit, ut *auris*, *asculto*, *geno*, *gestum*, *uro*, *ustum*, *haurio*, *haustum*. Prorsus eandem commutationem in Umbrica quoque lingua observare licet, qua de re infra agemus. Per multa enim vocabula in tabulis Umbrice scriptis s. litteram exhibent, in Latine scriptis r. litteram. Tab. L his verbis incipit: *Este*: *persklum*: *aves*: *anxeriat-es*: *enetu*: et sequuntur lin. 2: *Prever-es*: *treplan-es*: etc. His respondet initium tabulae vi: *Este*, *persclo*, *aveis*, *aseriat-er*, *enetu*: et: *Pre*. *ver-ir*. *treblan-ir*. Inter tempora igitur, quibus hae duae tabularum partes inscriptae sunt, hanc conversionem factam esse, pro certo habere possumus. Quando autem in Latina lingua haec commutatio facta sit, ea de re consulendi sunt Livius in Histor. lib. III. c. 4. et 8. (241), unde apparet, a. U. 292 in nominibus quidem propriis r. nondum cum s. commutatam esse, Pompoo-

(241) c. 4: „Censules inde (a. p. 290.) A. Postumius Albus, Sp. Furius Fusua. Furios Fusios scripsere quidam. Id admoneo, ne quis immutationem virorum ipsorum esse, quae nominum est, putet.” c. 8: „P. Valerius Publicola (a. u. 292.) consules creat L. Lucretium Tricipitimum et T. Veturiū Geminū; sive ille Vetusius fuit.” Nomen ipsum Fusii factum videtur ex apposito nomine **Fusi**, in quo s. remansit, nam ut Fusii Fusi (consules a. u. 273. 280. 282. 308. 313.), ita Iulii Iuli (a. u. 265. 281. 319. 324.), Ru-tilius Rufus, Fundanius Fundulus, fertasse etiam Corne-lius Cossus, dicti sunt.

nius in Digg. I, 2. 2. §.36. (242), qui innuere vide-  
tur, circa a. U. 450 hanc conversionem incepisse,  
Cicero denique, qui in Epist. ad famil. 1.IX, 21  
diserte narrat: „Fuerunt enim patricii minorum gen-  
tium, quorum princeps L. Papirius Mugillanus, qui  
censor cum L. Sempronio Atratino fuit, quum antea  
consul cum eodem fuisse, annis post Romanam con-  
ditam cccxii. Sed tum Papisii dicebamini. Post  
hunc xiii. fuerunt sella curuli ante L. Papirium  
Crassum, qui primum Papisius est vocari desitus.  
Is dictator cum L. Papirio Cursore, magistro equi-  
tum, factus est, annis post Romanam conditam ccccxv.,  
et quadriennio post consul cum K. Duilio.” Quare  
si *r* pro *s* in nominibus propriis circa a. U. 400 in-  
valuit, coniiciendum est, eandem commutationem  
in nominibus appellativis etiam altius esse reponen-  
dam (243). Non valde igitur a vero aberrare vide-  
mur, si in Umbrica quoque lingua eam *sub finem*  
*saeculi quarti post Romanam conditam* factam esse pu-  
tamus. Sic vero *terminum* invenimus, *infra quem*  
*Umbrice scriptae, supra quem Latine scriptae tabulae*  
*reponi nequeunt.* Neque enim id nobis aliquis ob-  
iiciet, hanc *s* litterae conversionem aliis quoque in

(242) „Idem App. Claudius, qui videtur ab hoc processisse *r* lit-  
teram invenit, ut pro Valesiis Valerii essent, et pro Fusiiis Furi.“  
cf. Schneid. Gr. I, 1. p. 341. not. App. Claudius Caecus consul  
fuit a. u. 447. et 458.

(243) Neque vero negaverim, vel Pacuvii tempore histriionem  
Fusium appellari potuisse: quare caussam non perspicio, cur apud  
Horat. Sat. II, 3, 60. contra optimos codd. editores emendaverint  
Fufius pro Fusius.

linguis reperiri, ut in septentrionalibus Germaniae<sup>(244)</sup>, nec necessario illam coniunctam fuisse cum simili Romanae linguae. Sed ad hanc opinionem refutandam sufficient, puto, quae infra compluribus locis exponenda erunt de magno et multiplici ambarum linguarum consensu.

De *Latinarum* tabularum signis quae adnotanda videntur, non ita multa sunt, quum ipsa Latina literatura inde a primis temporibus<sup>(245)</sup>, ex quo eam novimus, exiguum passa sit mutationem, neque differant magnopere, quae sub imperatoribus et quae in monumentis Scipionum numisque vel antiquissimis Romanis exarata vides. Litterae *l*, *m*, *p*, *q* solae paullo diverso modo postea scribebantur. Maximi vero hac in re momenti sunt inscriptiones Scipionum sepulcrales, quas quam accuratissime delineatas a Franc. Piranesio Enn. Qu. Viscontius<sup>(246)</sup> descripsit. Ex his antiquissimae L. Cornelii Scipionis Barbatii (cons. a. u. 456.) et L. Cornelii Scipionis filii Barbatii (cons. a. u. 494.) a ceteris, quarum primae circa a. 580 vel 600 scriptae sunt, nonnihil differunt tum quod ad linguam, tum quod ad litterarum formas attinet. *M* signum, quod postea *M* scribebatur, ad Septimum usque saeculum Urbis in usu fuit, quum in omnibus Scipio-

(244) Vide Grimm. *Gr.* I. p. 65. 121. 167. 305.

(245) Vide Muell. *Etr.* II. p. 311.

(246) *Monumenti degli Scipioni pubblicati dal Cav. Franc. Piranesi. Rom. 1785. fol.* Subiunctae sunt denuo hae tabulae ei, quo utor libro: *Oeuvres diverses Italiennes et Françaises d'Ennius Quirinus Visconti, recueillies et publiées par le Docteur Jean Labus. T. I. Milan. 1827.*

num monumentis reperiatur; itemque *p* litterae signum *P*, quod in duobus tantum distichis, quae monumento Cn. Cornelii Cn. f. Scipionis Hispani adiecta sunt, et quae superiore inscriptione iuniora puto (247), *P* exhibetur. Lineola illa, quae *q* litteram distinguit ab *o* littera, in duobus antiquissimis monumentis paullo brevior est, quam in sequentibus, et magis accedit ad Eugubinas tabulas. Forma denique *l* litterae in duobus illis titulis eadem est, quae in antiquissimis Graecis atque in Etruscis, Umbris, Oscis *l*, in ceteris omnibus *L*. Haec in primis est littera, quae me adducit, ut Eugubinas tabulas Latine scriptas, quum non *l* sed *L* exhibeant, iuniores iudicem, quam illa Scipionum monumenta. Formae enim *P* et *Q* maiorem antiquitatem evincere nequeunt, ita ut, quum supra terminum constituerimus annum post U. c. fere 400, ante quem Latinae tabulae inscriptae esse non possint, iam integrum saeculum adiicere debeamus ad minimum. Ad ipsas litteras quod attinet, passim adhibitam reperimus litteram *g*, quae quum in Barbati monumento iam reperiatur, non multo tamen ante inventa videtur. L. Schneiderus secundo demum bello Punico hanc litteram inventam putat: at Plutarchi (248) verba de

(247) Quum in ceteris monumentis legamus: *aidilis*, *aidem*, *quai-ratis*, atque in eiusdem saxy verbis supra scriptis: *AID.* (*aidilis*), in his versibus scribitur: *laetentur*; *m* finale non abiicitur; *honor* exhibetur, non *honos*, ut in eiusdem fere temporis monumento L. Cornelii Cn. f. Cn. n.

(248) Plut. *Quaest.* p. 277. D. ed. Fr. c.: ὁψὲ γὰρ ἐχρήσαντο (Romani) τῷ γάμῳ Καρβιλίου Σπορίου προσεξευρόντος. Quum hoc

inventore Spurio Carvilio, in quibus Schneiderus nititur, nimis ambigua sunt, quam ut satis certo affirmare possimus, quis ille fuerit Carvilius, quem Ter. Scaurus (p. 2253.) Sp. Carrutium appellat, et quo tempore vixerit. Quod vero in Columna Duilii, qui a. U. 493 victoriam celebratam reportavit, *g* littera non reperitur, omnino non est, quod valde miremur. Eam enim, cuius fragmentum nobis restat, columnam primam non fuisse, sed Claudii fere temporibus in locum pristinae restitutam, Ciacconius (249) non sine iure contendere videtur. Quod quidem fragmentum tot alia habet, quae offendas, ut vix tibi persuadeas, siquidem, qui referunt, recte legerunt, hanc alteram columnam primae fuisse accuratum exemplum. Eugubinis in tabulis compluribus in vocibus *c* et *g* litterae alternant (250), quod si quis indicium credit usus minus adhuc constantis, non multo post Barbati mortem ponenda videtur tabularum scriptio. Diphthongus *ai*, quam servarunt Scipionum monumenta antiquissima, in sepulcro L. Cornelii Cn. f. Cn. n. Scipionis semel iam in *ae* mutata deprehenditur in voce *aetate*, licet eadem in-

---

loco nomen Carvili Spurii ita nudum ponatur, et paullo infra demum (p. 278. E.) accuratius, qui sit, describatur: ὁψὶς ἡρέαντο μισθοῦ διδάσκειν καὶ πρώτος ἀνίψης γραμματοδιδασκαλεῖον Σπόργιος Καρβίλιος ἀπέλευθερος Καρβίλιου τοῦ πρώτου (a. p. U. c. 523.) γαμετὴν ἵκθαλόντος, ex hoc loco in alterum irrepisse mihi videtur nomen Spurii Carvili; de Carrutio autem, si hoc verum fuit nomen, nihil scimus.

(249) *In Columnae Rostr. Inscr. in Graec. Antiq. R. P. IV.*  
p. 1811.

(250) *Grabovie et Grabovie, conegos et conacos, angla et ancla.*

scriptio exhibeat etiam vocem *quairatis*. Eugubinis in tabulis frequenter *ai* reperitur, vox tamen *persaia* (tab. VII a. 7.) bis scribitur *persaea* (tab. VII a. 41. 54.). Pro *xs* satis tarde in usum venisse videtur *x*, quum in permultis Gruteri inscriptionibus *xs* servatum sit. Barbati monumentum pro *abduxit* exhibet *abdoucit*. In sepulcro L. Cornelii Cn. f. Cn. n. Scipionis (circa a. 600.) scribitur: *saxsum* et in recentissimo tantum M. Junii Silani: *vixit*. Columnam Rostratam, quae semper *x* pro *xs* exhibet, iure hic omittimus, sed tempore SC. de Bacchanalibus (a. 568.) *xs* adhuc scribebatur, ut demonstrat iterata vox: *exstrand*<sup>(251)</sup>. Nostrarum tabularum septimae postica

(251) Quod eodem in SC. etiam *exdeicendum* et *exdeicatis* scribitur, non est, quod sententiam nostram reprobare possit. Haec enim *x* littera non plus habet sibili, quam *x* in voce *exstrud*. *s* enim litteram Romani nunquam pronuntiabant nisi sequente littera tenui vel vocali. Quum olim ante semivocales interdum ferrent, postea hic quoque evitabant vel eiicientes eam (*dusmosus*, *Casmilla*, *cesna*, *triresmos*, *tresviri*, *Casmena*, *disripiro*, *distlabor*) vel commutantes in *r* molliorem litteram (*fusvos*, *casmena*, *osamenta*, *nesvod*) vel *t* litteram interponeutes (*stlis*, in mon. Scip. Hisp., *stlis*, in mon. M. Junii Silani), vel assimilantes (*pesna*). Dicebant igitur: *exclamo*, *expello*, *extraho*, sed *e blandior*, *edico*, *egredior*, *evello*; *discedo*, *dispono*, *distendo*, sed *dibalo*, *diduco*, *digredior*, *divello*. Quare cum in SC. bis *exstrand* et bis *exdeicendum* reperiamus, docemur, apud Romanos olim ut apud Graecos *ek* et *exs* dictum esse, *k* deinde omisam ideoque vocalem productam esse. Huc etiam pertinere videatur, quod in vasis Volcentibus saepissime commutantur litterae *k* et *x*: ΧΛΙΣΟΦΩΣ (Κλείσθος Mus. Etr. 1645. bis.), ΧΟΜΑΡΧΟΣ (Κωμαρχος), ΧΑΙΥΧΕ (Καλύκη Mon. Ined. dell' Instit. 1831. tab. 27.), ΧΑΧΥΛΙΟΝ (Καχυλιάνων), ΚΙΡΩΝ (Χίρων Inghiram. Etr. Mus. Ch. tab. 46.), ΚΑΠΟΝΟΣΕΜΙ (Χάρωνος ειμι), ANTI-

semel exhibet: *xs* in voce *fratrexs*, cui respondet Umbrice scriptum: *fratreks*. Unam denique subiiciam animadversionem, quae rursus permagnum inter Umbricam Latinamque confirmat consensum. Nimirum, quum satis appareat, dialectum Umbrice scriptarum tabularum ut antiquiores, ita etiam integriores plenioresque servasse formas et terminaciones, una formarum discrepantia contrarium demonstrare videatur. Voces enim Latinarum tabularum: *chetursthamu*, *caterahamo*, *trahaf*, *sahate*, *sahatam*, *pesnimu*, *sehimeniar*, *ahatripursatu*, al. si componis cum iisdem vocibus, quales alterae tabulae exhibent: *etuꝝstamu*, *kateramu*, *traf*, *sate*, *satame*, *pesnimu*, *sehimeniar*, *ahtrepꝝatu*, al., primo obtutu illae videntur, quoniam pleniores, antiquiores, hae, quoniam contractae, iuniores. Tantum vero abest, ut hoc verum sit, ut, quam suspicionem L. Schneiderus (252) iam movit de Latinis vocibus: *vemens*, (*ve-mens*, ut *ve-cors*), *prendo*, *mi*, *nil* (*ne-hilum*, *nilum*, *nil*, *nihil*), *cors* χόρτος, al. antiquiores has esse, quam: *vehemens*, *prehendo*, etc., egregie Umbrica lingua confirmetur. Sunt enim breviores formae non contractae, sed longiores distractae, interposita *h* littera. Tempus autem, quo hae distractiones in Romana lingua increbuerunt, antiquius fuisse apparent, quum Ciceronis temporibus nonnullae iam evitaren-

MAKOS (*Mus. Etr.* 1645.), NAIKI (*ναιχί*; *ibid.* 1433 bis, 590 bis), XLIBYLOS (*Κλειθυλος*) cf. Welcker in *Mus. Rhenan.* P. I. Fasc. II. 1832. p. 67. sqq.

(252) *Gr. L.* I, 1. p. 118. not. 187.

tur, et aliae, ut *mehe pro me* (<sup>253</sup>), *Deheberis pro Tiberis* (<sup>254</sup>) diu evanuissent. Num huc etiam nomen *Ahalae* trahi possit, dubito, quum contractio illa (<sup>255</sup>), de qua Cicero memorat, quarto iam saeculo ineunte facta esse non potuerit. Quam vero Livius (<sup>256</sup>) a. U. 459 *Aharnam* appellat, eandem esse, atque quam Umbriae Plinius aliquique *Arnam* nominant, vix potest dubium esse (<sup>257</sup>). Quare facile adducor, ut quem tabulae memorant *Naharcum* populum, *Naris* fluminis Umbrici accolas putem. SC. de Bacchanalibus iam exhibit: *ahenus* pro *aeneus*, itaque non nimis a vero aberrare videmur, si hanc distractionem vocalium, quam in Latinis Eugubii tabulis frequentissimam reperimus, nondum autem in tabulis Umbrice scriptis, sexto post Romam conditam saeculo attribuimus.

Hae, et quas etiam infra passim adiiciam, comparationes verisimillimum mihi reddiderunt, *Eugubinas tabulas Latine scriptas medium fere assequi sexturn saeculum ab Urbe condita*, ita ut vel duo saecula intercedant inter tabulas Umbrice et Latine inscriptas.

(253) *Quintil. I, 5, 2.*

(254) *Varro L.L. p. 13. ed. Bip.*

(255) *Cic. Orat. c. 45. §. 153:* „Quomodo enim vester Axilla Ala factus est, nisi fuga litterae vastioris?” cf. *Schneid. I, 1. p. 187.*

(256) *Hist. X, 25.*

(257) Alii vel *Aharnaham* legunt cf. *Sigon. ad h. l., Osserv. Letter. di Maffei. T. VI. p. 5. et Bardotti della lingua de' primi abitatori etc. p. 310.*

## DE DISPOSITIONE TABULARUM.

---

Casu quodam factum est, ut, qui primus tabulas universas exhibuit, Ph. Bonarota in Dempsteri Etruria Regali, omnium fere posticas praeposuerit, anticas postposuerit. De cetero ad suum arbitrium tabulas ita disposuit, ut praemitteret Etruscas atque inter Etruscas initium ficeret a minoribus duabus, quae una tantum parte inscriptae sunt, subiungeret illam, quae in postica etiam Latinos paucos versus exhibit, magnitudine medium tenentem inter praecedentes atque reliquias duas, quae hanc sequuntur, maximas. Finem faciunt Latinae tabulae, quae iusto ordine se excipiunt, nisi quod prioris posticam anteposuit. Hunc, ut primum ita constitutum ordinem, in subsequentibus sequar, usquedum demonstraverō, quatenus et quibus ex caassis mutandus mihi videatur.

Et *sextam* quidem Dempsteri tabulam iam apud Gruterum rectius videmus exhibitam, Ioanne Metello, qui exscriptam Grutero misit, anticae partis suum locum vindicante. Quod vero L. Bourguetius (258) primus observavit, tabulam quartam Umbrice scriptam eiusdem fere argumenti esse atque duas Latinas, inde apparuit, *sextam* simul atque *quartam* Dempsteri tabulas convertendas esse. Initium enim posticarum partium ambarum idem est, in al-

---

(258) *Bibl. Italique.* T. XIV. p. 20.

tera: *Este: persklum: aves: anxeriates: enetu:*, in altera: *Este . persclo . aveis . aseria ter . enetu.* Respondent deinde Umbricae tabulae eiusdem versus secundus et tertius versui vicesimo secundo Latinae, et versus iv. usque ad x. Umbricae finem faciunt in postica Latinae tabulae. Inde a versu xi. eadem postica Umbricae tabulae respondet initio anticae Latinae usque ad versum xli. Itaque postica pars Latinae tabulae praeponenda est. Quae vero in Latinae tabulae antica post versum xli. consequuntur, incipiunt Umbricae tabulae antican. Itaque postponenda est haec antica. Eiusdem denique anticae dimidia pars (vss. xxiv. et seqq.) respondet anticae tabulae septimae, unde apertum fit, sextae tabulae statim continuari septimam. Hanc Bourguetii animadversionem in suum usum etiam Passerius et Lanzius converterunt. Ceteroquin Passerius tum in Epistolis Roncaliensibus, tum in Paralipomenis praemisit Latinas tabulas, secutum se dicens (259) Iustiniani Augusti consilium, a facilioribus esse inchoandum. Nobis, quippe qui haud putamus, unam tabulam altera facilius posse explicari, neque meliorem conspeximus eventum in Latinis quam in Umbricis tabulis a Passerio tentatis, aliter visum est, satiusque fecisse nos credimus, si ad temporis rationem tabulas disponere contigerit.

Iam vero extra dubium positum videtur, *Umbrice scriptas* tabulas antiquiores esse Latinis, illas

---

(259) *Paral.* p. 247.

igitur cum Bonarota et Lanzio esse *praemittendas* (260). Inter has vero ipsas tres partes discernendae sunt, si ad externam modo formam respicis. Tabulae apud Dempsterum I. et II. eiusdem mensurae atque scripturae uno tantum in latere inscriptae sunt ambae, pariterque quartæ tabula prorsus adaequat quintam (261). Priores duae longe tamen minores sunt alteris. Singularis restat tertia, quae ad mensuram inter ceteras medium tenet utroque latere inscripto litteris tamen ex parte Latinis. Ex his tribus partibus unaquaque litterarum Umbricarum nonnullas exhibet discrepancias et maximas quidem tabula tertia, quae vel prorsus novum exhibet signum *m* litterae *A*, quod neque in reliquis Eugubinis tabulis, neque ullo alio in monumento, quoad sciam, repetitur. Hanc vero *tertiam tabulam postremo loco* inter Etruscas collocare, nullus dubito. Nam praeterquam, quod litteris exarata est, venustioribus (262), quam ceterae, una in re dialectus quoque magnopere ad Latinarum tabularum dialectum accedit. Quum enim supra notaverimus, discrimen inter antiquorem posterioremque Umbrorum dialectum in eo potissimum

(260) *Lapz. Saggio* T. II. p. 691. suspicatur, eidem fere tempori omnes tabulas accensendas esse, propterea, quod eorundem hominum nomina tum in Umbricis, tum in Latinis reperiantur tabulis. Hoc vero argumentum nullum esse, infra, ubi de argomento disputabimus, demonstrabimus.

(261) *Pass. Paral.* p. 307.

(262) *Lanz. Saggio* T. I. p. 285: *Pajono di uno stesso carattere la I. e II. presso Dempsterò di altro diverso la IV. e V. La più ben scritta è la III., si ne' caratteri Etruschi, si ne' pochi Latini, chi sieguono.*

conspici, quod illa certis in vocibus, praecipue in terminationibus constanter *s* litteram servet, quam haec in *r* commutet, tertia tabula iam est excipienda, quippe quae terminationes exhibeat in *r* desinentes, quae in ceteris tabulis Umbrice scriptis in *s* desinunt. Conferas voces in tertia tabula: *Atüe¶ier*, *Atüe¶iur*, *kluvüer*, *nu¶pener*, *tupler*, *tripler*, al.; in Latinis tabulis: *Atüersir*, *Atüersiur*, *Iovinur*, *vehier*, *treblanir*; in Umbricis: *treplanes*, *Atüe¶ies*, *Ikuvinus*, *vehies*, *anpenes*. Antiquior enim dialectus nullam *r* exhibit in syllabis finalibus, nisi quae ad stirpem pertineat, ut: *frater*, *Iupater*, *super*, *uhtur* (cf. *uh-turu*, *uhtretie*), al. Haec autem animadversio non minimi momenti nobis videtur, tum quod ad dispositionem tabularum temporumque rationem, tum quod ad sententiam supra prolatam attinet, non scriptuae tantum, sed ipsi linguae paullatim mutatae discordantias illas inhaesisse, quas diversis in monumentis reperimus. Nec Lanzium cogitavisse putaverim de duabus eiusdem urbis eiusdemque temporis dialectis, si cognovisset, in ipsis Umbrice scriptis tabulis linguae apparere differentiam, quae non possit ad orthographiam fortasse minus constantem referri. Oportet igitur, *hanc tertiam tabulam etiam paullo post illum terminum ponamus*, quem supra Umbrice scriptis tabulis in universum constituimus, *post finem dico quarti saeculi ab Urbe condita*. De reliquis duabus partibus, utra praeponenda sit, quaeritur. Et quamquam omnino non magnum inter utramque temporis spatium intercessisse videtur, *maiores tamen tabulas iv. et v. anteponere placet*. Hoc enim

suadent litterarum formae in illis magis rotundae et sinuosae, hoc signa 𐌱 et 𐌳 pro 𐌴 et 𐌷, hoc denique vox *Ikuvina*, quae in tabulis I. et II. non invenitur, antiquior profecto, quam altera *Iuvina*. **W** signum, quod Bonarota non recte **M** exhibet (263), non tam ad antiquissimam Etruscam formam **W** vel **M**, quam ad Oscam huius litterae formam **W** accedere videtur. *Ante quintam autem tabulam praemittendam duxi quartam*, propterea quod huius argumentum, ut infra videbimus, quodammodo singulare est, illius ad ceteras accedit. *Quintae quoque tabulae posticam anteposui*. Quae enim in quarta tabulae antica, quam postponendam esse supra vidimus, conspicitur subscriptio, iteratur in antica quintae tabulae, quare hanc quoque revera posticam esse putamus. Denique quod ad I. et II. *tabulas Dempsterianas attinet*, Passerius iam recte monuit, *secundam praemittendam primae*. Postremae enim voces tabulae II: *aƿeitu: inumek: etrama: spanti: tuva: tefra: prusekatu: eƿek: statim profecto excipiuntur* primis tabulae I. vocibus: *aƿeitu: inumek: tertiam: spanti: triia: tefra: prusekatu: eƿek*. Iam igitur hunc Umbrice scriptarum tabularum ordinem consecuti sumus: *tab. IV. postica, antica, tab. V. postica, antica, tab. II., tab. I., tab. III. antica, postica.*

*Latinarum tabularum posticam sextae tabulae anteponendam esse vidimus, anticam sequi, hanc excipi septimae tabulae antica. Subiiciuntur in septimae postica pauci versus, qui neque eiusdem argumenti sunt*

---

(263) Lanz. III. p. 694.

atque antecedentia latera, neque in Umbricarum tabularum quarta, quae ex nostro ordine prima est, habent, quibus respondeant. Accedit, quod Lanzius (264), qui huius lateris prima verba, qualia in ipsa tabula conspiciantur, repraesentavit (265), magnam signorum similitudinem observasse sibi videtur cum titulis monumentorum Scipionum non antiquissimis, atque hanc ob caussam *non ultra septimum ab Urbe condita saeculum hos versus reponi posse* adfiram. Omnium tamen recentissimam partem eam esse, quae Latinis litteris in tabulae apud Dempsterum tertiae postica exhibetur, appareat non tantum ex scripturae maiore elegantia (266), sed etiam ex signo litterae q, quod ubique scribitur C-, exceptis his versibus, in quibus recentior forma Q exhibetur. Ad tempus igitur, quo scriptae videantur, ita disponimus Latine scriptas tabulas, ut *praemittamus sextae tabulae posticam, subiiciamus anticam, deinde septimae anticam, tum posticam, postremo loco tertiae tabulae*, quae ad nostrum ordinem quinta est, *posticam*, in qua quum Umbrici Latinique versus non bene possint dirimi, temporum rationem in ea re praetermitentes, post ipsos illos Umbrice scriptos versus hanc recentissimam tabularum partem postea numerabimus.

(264) *Saggio T. I. p. 159.*

(265) *T. I. tab. II. n. IX.*

(266) Lanz. *Saggio T. I. p. 285: La più ben scritta è la III. si ne' caratteri etruschi, si ne' pochi latini, che sieguono; la cui forma è rotonda, distinta, e paragonabile a' migliori che abbiamo della Romana repubblica. cf. T. III. p. 687.*

Omnium igitur tabularum recensum hunc in modum proferre licet:

I a.	Dempst.	IV b.
I b.		IV a.
II a.		V b.
II b.		V a.
III.		II.
IV.		I.
V a.		III a.
V b.		III b.
VI a.		VI b.
VI b.		VI a.
VII a.		VII a.
VII b.		VII b.

Qui autem fieri potuerit, ut tam diversis temporibus singulae inscriberentur tabulae, hac de re aptius alio loco disputabimus.

---

Quum iam absolverim primam particulam commentationis de Tabulis Eugubinis, quam totam non licuit hic proferre, iuverit tamen, ceterarum partium designationem certe et argumentorum dispositionem attulisse. Apparebit inde, neutiquam id mihi consilium fuisse, ut interpretationem omnium, vel etiam plurimorum, quae in tabulis exhibentur, verborum efficerem — neque enim divinandi mihi ingenium, nec ludendi est animus — sed ut, amplissimo hoc monumento quam accuratissime pervestigato, proponerem, tum quae de Umbrica lingua per se, tum

etiam, quae inde de ceterarum Italiae linguarum, in primis Latinae, origine, cognatione, universa natura eruere potuerim. Quod vero in hoc primo capite, de litteratura potissimum conscripto, copiosius aliis atque vel anxie interdum egisse videar, id mihi eos non vitio datus opinor, qui cognitum habent, quanta cautione atque demonstrationis fere absolutione opus sit in expediendis his rebus, quae quo diutius fuerunt quasi deliciae hominum doctorum, eo magis redditae sunt ambiguæ et difficiles tractatu.

### **Historia tabularum.**

#### **Cap.I. De litteratura Umbrorum universa.**

1. Latinam scripturam, ut apud omnes fere Italiae populos, ita apud Umbros iuniorum esse, quam alteram Etruscam appellatam.
2. Quae Etrusca Umbrorum dicatur litteratura, eam Umbricam esse.
3. Umbricam hanc litteraturam ad veterem Umbrorum pronuntiationem aequa fuisse aptam atque Romanam ad posteriorem.
4. Quo tempore novam litteraturam cum antiqua commutasse videantur Umbri.

#### **De pronuntiatione litterarum singularum.**

**Quo tempore tabulae inscriptae sint.**

**De dispositione tabularum.**

#### **Cap.II. De elementis linguae Umbricae.**

##### **I. De litteris vocalibus.**

1. De mutatione vocalium.

**2. De contractione, elisione, adiectione vocalium.**

**II. De litteris consonantibus.**

- 1. De mutatione consonantium.**
- 2. De coniunctione consonantium.**
- 3. De omissione et adiectione consonantium.**
- 4. De abiectione consonantium in finibus verborum.**

**Cap.III. De nominibus linguae Umbricae, eorumque declinatione.**

**De verbis linguae Umbricae, eorumque coniugatione.**

**Cap.IV. De ratione, qua in vocabulorum significaciones inquirendum sit.**

**Latinam linguam non esse mixtam.**

**De cognatione linguae Umbricae atque Latinae.**

**De Osca lingua.**

**De lingua Etrusca.**

**Cap.V. De arguento tabularum.**

**De formulis tabularum.**

**De nominibus propriis.**

**Recensentur vocabula enuntiationesque, quarum sensum satis magna cum probabilitate assequi possumus.**

**Cap.VI. De victimis in tabulis appellatis.**

**De diis Umbrorum.**

**Subiicitur excursus De numis Umbrorum.**



## CURRICULUM VITAE.

CAROLUS RICHARDUS, Caroli Petri f., LEPSIUS  
a. d. x. Cal. Ian. anni MDCCXI. Numburgi natus sum.  
Annis XII. inter familiam bene frequentem domi edu-  
catus et puerili doctrina a paedagogis institutus sum,  
usquedum maturus viderer, qui in Schola Provin-  
ciali Portensi severiorum studiorum cursum incipe-  
rem. Verum non studiorum tantum gravem mode-  
ratricem, non virium tantum mentisque strenuam  
exercitaticem, sed omnis etiam vitae Almam Matrem  
profiteri Portam ipse gestit animus, qui saepenumero  
cum grata piaque recordatione recolit eam, quam,  
praeter severitatem disciplinae, etiam benignitatis per  
vitam gratissimae suavitatem illic expertus est. Inter  
istos autem, summa omnes pietate venerandos pre-  
ceptores, unum nominasse certe — qui enim praedi-  
care sustineam — animus impellit, cuius immaturam  
mortem omnes, quibuscumque vixit, summo luctu de-  
ploramus, Langium dico. — Sex annis praeterlapsis  
e Porta discedentem, et philologiam professum, in-  
primis dignum, qui ad altiora litterarum studia ad-  
mitterer, me censuerunt. Conversus igitur primum  
in Academiam Lipsiensem, grammaticis tum in primis  
criticaeque arti operam dedi, egregium sane intuens  
exemplum. Per annum ibi versatus, deinde Götting-  
gam me converti, ubi inter Seminarii Regii et So-  
cietatis Philologicae sodales receptus, per duos annos

\*

quum humanissimorum iuvenum consortione, tum  
praeclarorum virorum scholis atque vel privata, quo  
ad aetati meae concessum erat, consuetudine mirum  
quantum delectatus atque excitatus, potissimum ta  
men archaeologiae egregria pulchritudine captus, et  
linguarum, quas nova ratione explanatas et ad ipsius  
naturae quasi officinam revocatas conspiciebam, as  
siduae contemplationi deditus sum. Annus fere est,  
ex quo Berolinum cum Gottinga commutavi, atque  
civibus Academiae Fridericae Guilelmae adscriptus  
sum. Ubi admissus deinde inter sodales Seminarii  
Regii, iam academicis studiis auspiciis summorum vi  
rorum non immature finem imposuisse, in votis est.

---